

**SIXTH LEGISLATIVE ASSEMBLY OF MIZORAM
(SEVENTH SESSION)**

LIST OF BUSINESS

FOR SECOND SITTING ON WEDNESDAY, THE 23rd MARCH, 2011

(Time 10:30 AM to 1:00 PM and 2:00 PM to 4:00 PM)

OBITUARY

1. *Pu LAL THANHAWLA*, Chief Minister to make reference on the demise of Pu B. Tevo, former Member of Legislative Assembly of Mizoram.

QUESTIONS

2. *QUESTIONS* entered in separate list to be asked and oral answers given.

ANNOUNCEMENT

3. *THE SPEAKER* to announce Panel of Chairmen

LAYING OF PAPERS

4. *Pu H. LIANSAILOVA*, Minister to lay on the Table of the House a copy of the 19th Annual Report of Mizoram Public Service Commission 2009-2010.
5. *Pu H. ROHLUNA*, Minister to lay on the Table of the House a copy of "The Mizoram Forests (Establishment and Regulation of Saw Mills and other Wood Based Industries) Rules, 2010".

PRESENTATION OF REPORT

6. *THE SPEAKER* to report to the House the Time Table as chalked out by the Business Advisory Committee for the current Session.

DISCUSSION ON MOTION OF THANKS

7. Discussion on Motion of Thanks on the Address of the Governor. (to be concluded)

SPEAKER : LALPA chung a lawmna chu in chakna a ni si a. (Nehemia 8 : 10)

Obituary kan lo hmang ang a, Pu Lal Thanhawla kan Chief Minister zahawm tak i lo sawm ang.

Pu LAL THANHAWLA, CHIEF MINISTER : Pu Speaker, kan member pui lo ni thin Pu B. Tevo a sunna thu sawi a ngai hi paw ka ti a, vanduaithlak ka ti hle a ni. Pu B. Tevo hi Pu Speaker kan zinga lo thu ve thin, Ex. MLA a ni a. October 15, 2010 khan cancer natna avangin a boral a. Kum 61 a upa a ni. Pu B. Kohlai Zawngling lal leh Pi C. Chhichha fa 3 zinga a naupang ber a ni a. 15. 3. 1949 khan Zawngling khua-ah a piang a. 9 1. 1973 khan Pi M. Nushaw nen Zawngling ICM Local Church ah Kohhran dan thianghlimin aninei a. Fapa 2 leh fanu 2 an nei a. Zirna lamah PUC passed a ni a. A zir zawh hnu kum 1970 leh 1977 inkarah khan Serhlun Middle ah Head Master hna a thawk a. Kum 1977 ah politics ah lutin Congress party a zawm a. Hemi kumah hian Lakher District Council-ah uncontested in MDC ah thlan tlin a ni. Kum 1978-1982 khan Executive Member niin Forest-te, Village Administration & Development Department-te a enkawl a, kum 1983 ah MDC a thlan tlin leh a ni a, Executive-te a enkawl a, kum 1983 ah MDC a thlan tlin leh a ni a, Executive Member niin, Development-te, Land & Revenue Department-te a chang a. Kum 1990 thlengin a enkawl a ni. Kum 1991 ah khan MLA bye-electionah Tuipang bial atangin thlan tlin a ni.

Pu B. Tevo hi khawngtlangah pawh mi tangkai tak a ni a. Kum 1970-1974 khan MTP (Mara Thalai Pawl)-ah General Secretary a ni a, Mara Cultural Club-ah te pawh a hruaitu a ni thin bawk a. Tin, Games & Sports Association-ah Secretary kum nga lai a chelh bawk a ni.

Pu B. Tevo hi cancer natna avangin Aizawl Hospital-ah hun rei tak chhung enkawl a nih hnu ah ni 15th October, 2010 zan dar 11:35 khan he khawvel kalsan in chatuan ram a pan ta a ni. Ni 17th October, 2010 tlai lam dar 2:30-ah a pianna khua Zawnglingah a ruang hi vuiliam a ni.

Pu Speaker, kan hriat theuh angin Pu Tevo hi pa tha tak, pa zaidam tak, pa kawm nuam tak a ni a, Mara District-ah chuan an pa lar pawl zing a mi a ni. A ni hi pa kawm nuam a ni a, Assembly-ah pawh hian a active viau thin a, chutiang mi chu kan lo chan ta a, a vanduai thlak hle a. A chhungte, a tu leh fate, anupui fanaute Pathian in awmpui se tih hi kan duhsak a ni.

SPEAKER : Sawi ve duh neite tan hun kan hawng ang a, amaherawhchu, tawi fel deuh ni sela. Pu S. Hiato i lo sawm hmasa ang.

Pu S. HIATO, MINISTER : Pu Speaker, vawiinah kan thianpa Pu Tevo hi he House-ah hian a hming lam zen zen loh tur a ni dawn ta hi pawl ka ti a. A thih khan Pu Speaker, hun tlai tawh anih avang khan nang pawh kan hriattir thei lo che a. Dar 12 hnu lama thi a nih avangin, i vui thu ka hnenah i rawn sawi nghe nghe kha. Pu Tevo hi Zawngling lal thlah zelah chuan Mizoram lal ban laia bante zingah khan a naupang ber a ni a. Thla 2 anih in a pa in a boral san a, rorelna chelh a ngaih avangin khawtlang hruaitu khawnbawltan rorelna an chelh sak a, a puitlin thlengin ro an rel sak a ni. Amah hi kan Chief Minister in a sawi ang khanin MLA ringawt ni loin Chief Whip pawh a ni nghal ani. Pu Tevo hi mihrin naah mizaidam mitumruh tak, patak ani ve thin a, engkim mai hi tawn a huama, a pa in a thihsan hma avanga fahrah ni chungin a nu nen harsa takin a nun hi a soal chhuak a ni. MLA-te, EM, Mara District Council ah te pawh a ni chho hial a ni. A damlai khan Minister thian a ngah khawp a. Vawiinah hian a thiante Aizawl leh a chhehvel awm te , Zoram pumpuia a thian te pawhin a thih thu leh an phum dante hre lo in awm dawn avangin vawiinah a aiawhin thu ka sawi duh a. Mara dist. Area atang chuan Pu Tevo-a anga thian ngah hi an awm a ngem aw tih khawp hiala mihring a ni ve a ni. Aizawlah pawh a thian kawmngaih tam tak an awm a, Lunglei leh Chhimtuipui velah pawh a ni a, chungho zawng zawng chu vawiinah hian min kalsan ta a ni. Tin, milian leh mirethei a thliar hrang miah lova. A Inah E.M. anih lai te MLA anih lai te in mikhual a za rual tak tak in an thlen chilh thin a, angkhatin a enkawl vek a, an ngaina em em thin a ni.

Tichuan Middle School Kum 1957/59 vela Zawngling a ka kal ve lai te khan a nu hi hmeithai a ni a, mahse kan len na ber a ni a. A nu hi nu tha tak Lalnu ni awm hlih hlih a ni a. Sabyu lal fanu ani a, chu chuan chhungkua leh khawtlang a enkawl a, khawtlang pawhin a nu hi an chhawv viau a ni.

Tichuan a natna thu ah hian December ni 16, 2009 ah khan Aizawlah a inentir a cancer ani tih hmuhchhuah a ni a. Cancer ani tih an hmuhchhuah khan a lungngai vak lem lo a. First stage a ni a ka lungngai vak lo tiin pa taka tawrhchhuah kha a tum em em mai a. Tichuan ni 18 January, 2010 atang khan chemo an khai sak a, zai theih anih loh avangin. Tichuan January atanga awm kha haw thei lovin a thih ni thlengin an khaw lama haw thei lovin a awm a. A ruangin an khua a thleng a ni. A nat laiin kan tlawh thin a chuta thu min chah chu hei hi a ni. Hei i dam lova, dam ta la engtinngi i duhdan ber ni le ti a ka zawh in, a mi chhanna chu 'ka u, kei hi ei leh in ahte, zuk leh hmuam ahte in sum thei lo ka ni a. Chuvang chuan ka natna hi ka ei leh in te ka in sum theih loh vang anih avang hian dam ta ila Mizoram pumpuia ka sawi theih loh pawhin kan bialah tal chuan zuk leh hmuam te , ei leh in ahte hian thalai te, nu leh pa te hi fimkhur sela, cancer natna tam tak hi an pumpelh ang tih ka ring a. Chu chu sawi ka chak ber thin a ni' a ti a. Chu chu helaia a thuchah anih avangin kan hriat theuhah ka sawi duh a ni.

Khatia an dam loh a, a zual tak zel avang khan a mangang a, a thih thleng pawh khan keipawh a dawm hlum tu zinga mi ka ni a. Zing dar 2 velah a ruang chhuahpui a ni a, khalai khan Saiha leh a chhehvel chu ruah nasa takin a sur a, kawng zawng zawng a ping vek a. Tichuan kan Mizoram sawrkar hotute kan ngen a, khatiang khawpa kawng ping vek te kha chhun leh zan zawmin hna an thawk a, a ruang a thleng thei ta kha a chhungte zawng zawng an lawm a, sorkar hnenah pawh lawm thu an sawi a ni. Tichuan

kan chhuak a, Lungleiah a thiante MLA hlui Pu Sapateho, pu Colbert Sanghlira leh Lungleia Congress hotuten a ruang an thlah a. Lawngtlaiah a khaw nawt deuh thawin a ruang an lo hmuak a. Saiha kan thlen pui a. Saiha atangin Zawnglingah kan chhuk a, “chu mi tumah chuan ruang thlah ve ah a ropui ber awm mang e aw” ka ti a. Motorte kan nei tam lo a, Motor 50 chuangin a ruang kha an zui thla a ni. Tahchuan a khawnawtin kal kawng zawng zawngah an lo hmuak a. Tuipangahte leh hmun hrang hrangah an lo hmuak a. An khaw thlen dawn Siatla atang pheih chuan ri thei zawng zawng ti riin khuang nen darbenthek nen, tawtawrawt nen, silai nen an lo hmuak a. Zawngling kha zan dar 10 velah kan zu thleng thla a.

Mahse a in kha a chhiat tawh em avang khan a ruang awmna tlak kha a nih loh avangin a thih tur kha a inhria a. Thu a chah a, an lal a nih avangin leh lal hnuhnung ber a nih avangin khawtlangin a in kha an sak sak chur chur a. Tichuan a ruang thlen ni zanah khan an zo ve chiah a, mawi hnai takin zalh a lo ni ta a ni. Tichuan ka hriat danin a nu te, a pa te, a u Khaino te ruh ro ruang kha ala sa vek a. Thlanpui an in kawtah khan a siam vek a, tahchuan , a u nen, a nu leh pa nen a ruang chu ropui taka zalh a ni. Mara rama hruaitu inti zawng zawng khan a ruang kha an zui vek a, a chhungte tan chuan a thla muanawm hlein ka hria a ni. Chumi hnuah pawh kan hotute saw lam tlawh thin te, hei tun hnaiah pawh Pu Lalrinliana Sailo pawhin a thlan te pawh an zu tlawh a. Midangte pawhin a thlante an zu tlawh a, a ropui hle a ni. Hetiang mi tha kan chan hi kan ui em em a ni tih kan sawi ve duh a ni , ka lawm e.

SPEAKER : Pu P.P.Thawla, a dawtah Pu K. Liantlinga.

Pu PP THAWLA : Pu Speaker MNF Legislature Party Leader zahawm takin Pu B.Tevoa sunna hunah hian a aiawh a thu sawi tura kei MDF MLA thusawina hun hmang tura min rem min tih sak avangin ka lawm hle a ni. Pu B.Tevo hi British sawrkawr meuh pawhin an hneh lawk theih loh Zawngling Lal fapa a ni a, chutianga mi ropui tak mai chu Pathianin he Mizoramah Legislator pakhat alo nih tir ve a, vawiin ah hian a thih hnuah, he House zahawm tak hriat phak a nia, sunna hunte hman hial alo ni hi a lawmawm ka ti a, a lawmpui awm pawh ka ti a, lehlamah chuan a uihawmin a lungchhiat thlak hle pawhin ka hria. Tin, a thih lai hian ka awm lo a, vawiin ah hian thusawina hun ka neih ve avangin vannei pawh ka in ti a, hetianga House zahawm taka a chanchin sawi pha ve thei dinhmuna ka ding pawh hi, vannei ka inti in lawmawm ka ti hle a ni.

Pu Speaker, Pu B.Tevo hi, tuna ka hma mitten anlo sawi nual tawh ang khan, Zawngling Lal fapa a ni tih hi a hun leh a vanglai chuan a hriat ngawih ngawihin ka hria a, kei hi primary school atanga high school kan zir chhuah thlenga a thian kawmngleih ber pakhat, inkawp tlak thin kan ni a, Zawngling Middle School kan kal lai ten an inah ka khawsa a, High school Tuipanga kan kal lai pawhin kan inah a khawsa ve a, chutianga thu chhia leh tha sawi dun thin, inkawmngleih em em kha kan ni thin a. Tin, Hockey khelh te kan uara, a ma goal keeper nihna team member nih te kha kan inchuh a ni. A- Team ah kan goal keeper a ni thin a, a goal a ball va luhpui nih pawh hi an huphurh

hle thin ten ka hria a. Chutianga infiamna lampang pawh tuimi a ni. Football khelh lamah te pawh mi chhuanawm tak a ni.

Kum 1963, Primary school kan kal atanga matric kan pass chhuah thlengin, school khatah kan kal dun thin a, a kawm hi a nuam em em thin a, mi huaisen, mi tlawmngai, mite harsatna hriatthiampuit tu, mahse mi pawisawi lemlo mi nun ngil a ni a, hlahu a neilo tih pawh kha adik hlein ka hria a, chutiang mi chu a ni. Tin, Pu Tevo hi, Matric leh P.U a pass hnu khan, Chheihlu hi an khaw siper te mai a ni a, chumi khaw nu leh pa chuan an khaw Middle School Headmaster ni turin an sawm ngat ngat a, chumi an sawmna chu tih hlawhtlinsakin politics a 1977-a aluh thleng khan Chheihlu Middle School ah chuan Headmaster a ni a. Tin Pu Tevo hi 1978 MDC inthlanah, Council term II-na ah khan uncontest in MDC alo ni a, EM te pawh a ni ve a, tum thum a zawnin MDC a tlinga, a hun hnuhung berah khan EM te pawh alo ni ve leh a ni. Chutiang mi chu Pathianin a hruai zel a,

Kum 1989 leh 1993 inkar 2nd Mizoram Assembly ah khan MLA a ni veleh a. Ka hriat sual loh chuan Deputy Govt. Chief Whip hmasa ber niin ka hria a. Tin, Deputy Government Chief Whip Office chu tha takin a hlen chhuak ve a ni. Tichuanin amah hi mi rinawm leh pa taima leh mi kawm nuam tak a nih avangin a khua thangthar te leh a bial mipui te pawhin an thlamuan pui ve em em thin a, ani pawhin mi harsa te dinhmun hriat thiampuina zau tak a nei thin. Tin, kohhran lamah hianin a inhmang tam tehchiam lo nain kohhran hruaitute zahthiam mi a ni ve thin a. Kohhran kalphung ngaisang mi a ni ve thin a, Camp neihnaah pawh a lut ve tawh a, hlimna te pawh a chhar ve thin a ni. A dam hun chhung khan kohhran lamah te a in hmang thui lo na a a thlarau lam nun ngaihtuah awm dinhmun ah ding lovin ka hria, chutiang mihring chu a ni. Tin, Pu Tevo hian 2.10.2010, nikum khan a thih hmian ka zuk leng a Mara House ah khuan, Saiha a mahni ina thih mai nge i duh zawk, heta thih a Aizawl atang i ruangin i in a thlen nge tih ka titi pui a chutah pawh chuan ka rin loh takin Aizawl hmunah hian ka thi a nih pawhin ka thi mai ang chu a ti a. A thlang fuh hle pawhin ka hria. Zawngling hmunah te khan thi ta mai sela chuan Aizawla sitting MLA tam tak leh FLAM memberte chuan ruang an kil hmanlo anga, an uina te pawh an lantir hman lo ang. Chuvang chu a ni ang Aizawla thih a lo thlan ni tih te pawh mi ngaihtuah tir a ni. Phai lama kan zin bo hlanin October ni 15 khan a lo boral a ni.

Vawiinah hian a chanchin sawina hun remchang tak MNF Legislature Party Leader zahawm takin rem min siamsak avangin lawmthu ka sawi nawn leh ni sela. A thihni ah ka mitin ka hmulo nain, an sawi danin, hetilaia a thih thu hria apiang te an kalkhawm a. Mara House leh tualzawl te lenglo khawp te'n an pungkawm a ni tihte ka hria a a lawmawm khawp mai. A ruang thlahtute pawh kha an tam hle in ka hria a. Zawngling khawtlang mipui pawhin a damloa a thih hlahuhawm tawh hnu khan a in chu tha takin, Zawnglingah chuan in tha ber a ni mai awm tak e tih leh inlian ber a ni awm mang e tih mai tur an lo buatsaih sak a, an inpeih fel thlap a, chumi hnuah chuan a thi ta kha a ni a. Ropui takin khua-ah a lut a, a lo tuallenna thin Zawngling khua-ah chuan a khampei zawngin a lut ta a. Silai puak ri leh ri dang tamtak nen an lo hmuak a. Chutihlaiah chuan kan Health Minister zahawmtak, Pu Lalrinliana Sailo leh

kan Officer tamtak leh thian tamtak ten an thlah a. Kan Minister khan ka hriatsual loh chuan, amah thlahnan leh uina entirnan Silai tepawh kha a hmet puak ve nghe nghe in ka hria a, a ropuiin a lawmawm ka ti lehzual a. Pu Tevo thihna leh a ruang thlah anih dan hi chan ve a tan pawh a chakawm hle in ka hria a. Chutiang chu a chanchin kha a ni a. Tichuan a in bulah thlan an siam sak a. A in te pawh ropui takin, mawihnai takin an sa a. A ruang bulah-te thla te ka zuk la ve nghe nghe a ni. Chutiang mihring wawiinah hian a awm tawh loh hnuah he House zahawm takah a chanchin sawi a hlawh veta mai hi a lawmawm a. A chanchin kimchang sawi zawh sen a ni lova. Deputy Govt. Chief Whip ni hmasa ber nihialin ka hria a. A Office hnathawhte pawh kan hriat hmasak ber ni nghe nghein a hna pawh rinawm takin a term tawp thlengin a chelh a ni.

Tichuan hei wawiinniah amah suntu leh ui tu mipui tam tak, a ruangte kil a, mawihnai taka thlah a, Zawngling thleng thlenga zuk thlahte awmdan engkim a chhungte leh a lainate chuan kan thlamuanpui a, lawmawm kan ti hle a. Chuvang chuan, he House zahawm takah hian a nupui leh a fate leh keima mimal hrim hrim aiawh pawhin khatiang taka lo ui a, mawihnai taka lo thlahtute lo thutpuitu te zawng zawng chungah pawh lawmthu kan sawi tel duh a ni e. Pu Speaker, ka lawm e.

SPEAKER : Pu K. Liantlinga

Pu K. LIANTLINGA : Pu Speaker, ka lawm e. Pu B. Tevo sunna huna chanchin tam tak zing a kei in a ka sawi duh chu mi in pe, lal fapa a ni a, khawtlang rawngbawl mi, MDC ah pawh in contest a tling, khawtlang tana a in hmang ral a ni a. Mizoram rorelna sangber ah pawh a lo tling ta zel a. A hun zawng zawng hu mipuite tan hmang thin leh pa kawm nuam tak leh in pe zo tak a ni a. Heng ah hian a ngaisan awm hle a ni. Ram rawngbawl na ah a in pe; nupui fanua pawh theihngihl hial khawpin ram leh hnam rilru putna nasa tak nei mi a ni a; a uihawm em em a ni. Hetiang hi India ramah pawh an awm nual tawh a, a chanchin an han sawi ah khan Insak sak hial ngai khawp a mi in hmang nasa khawtlang leh ram tan mi rinawm leh huaisen a nih thu te hi wawiin ah hian han tarlan ka duh a ni. Kan sawi lawk duh a chu, Lal Bahadur Shastri kha a thih khan India Prime Minister a ni a, in leh lo, sum leh pai pakhat mah nei lo in ram tana rawngbawl a ni. Pu B. Tevo pawh hi khatiang ang kha ni in kan hria a. Ama nunphung leh zia ah chuan, Ram hruaitu ropuite hnung a zui ve pha in kan hria a ni. Chuvangin he mi UDA member te chuan kan sun in kan ui em em a ni tih kha kan sawi ve duh a ni e, ka lawm e.

SPEAKER : Han sawi ve chak pawh in awmin ka hria a, mahse duh tawp phawt ila. Wawiin a House in hria ila ka tih chu. MNF Legislature aiawh a thusawitu Pu P.P. Thawla sawi ang khan, Lunglei District-te, Aizawl District-te Kumpinu in 1890 a ram awp a a dah ngheh hnuah khan Zawngling saw ram la redeem lohva ngaih reng a ni a, 1925 vel atang chauh khan tuna Mara area kan tih saw British ram awp a dah luh tak chauh kha a ni a, chuti khawpa British ram ropui pawh do tang tang Lal huisein thlah kha, House kan hrilh ve duh a ni. Awle kan duhtawp tawh anga, Pu Tevo sun nan ngawi rengin minute khat ilo ding ang u. Awle duhtawp tawh ang u. Tunah chuan zawhna leh

chhanna hunah kan lo kal tawh anga. Zawnha pakhatna kan la nghal anga, a zawt turin Pu C. Ramhluna ilo sawm ang.

Pu C.RAMHLUNA : Pu Speaker, School Education Minister zahawmtak chhan atan ka starred question no- 1 chu hei hi a ni.

- a) Mizoram Govt. Aided school teachers hote, deficit schools kan tih ho thin kha a ni bawk a, henghote hi pensionary benefits pek tumna a awm em?
- b) Awm ta se, engtik atanga pek tan tur nge?
- c) Awm ta lo se, eng nge a chhan? Tih kha a ni e

SPEAKER : Chhang turin a enkawltu Minister zahawm tak, Pu Lalsawta ilo sawm ang.

Pu LALSAWTA, MINISTER : Pu C. Ramhluna zawnha chhanna chu hetiang hi a ni.

- a) Pek tumna ala awm rih lo tih ani a.
- b) A hun a hriat theih loh a,
- c) Dan kan neihin pek tur ala tilo ani tih ani.

Pu C. RAMHLUNA : Pu Speaker zawh belh hma in han sawifiah lawk ka duh a, deficit school hi a tam tawh lo khawp a, a tlangpuiin mission school pawh hian 20 vel awrh an awm niin a lang a, heng staff hote tan a pensionary benefit kan pek hi Sorkar tan chuan thil harsa lutuk lo ni pawhin a ngaih theih a, a chhan chu Pay & Allowances hi Sorkar a thawk te ang bawk a pek an ni ve tho mai a, tin kum nga danah pension hi pahnih khat emaw an chhuak pheuh pheuh a ni a. An that lai hun zawng zawng hi education ah an hmang a, tin, an product hi a tha em em mai a, Mizoram a Officer tha tha te hi heng school atanga chhuak an ni e, ti ila kan ti sual tam pui awm love. Chuvang chuan Pu Speaker, State thenkhatahte chuan pensionary benfit an pe tawh nghe nghe a, Andra Pradesh leh Karnataka ah te leh hmun dang ah te pawh an lo pe tawh niin a lang a, Karnataka ah pheih chuan “the staff shall be given of Pension, Provident Fund, Insurance, Gratuity and other benefit which may be sanction by the Govt. from time to time”, an ti a. Tin kan Education Department in a Education Reform, Commission an siam pawh khan a recommendation siamna ah khan, ‘the State Government should make adequate provision in the budget of the Department of Education for the payment of pension or contributory provident fund,’ tih te kha a lo ti tawh a, chuvang chuan Pu Speaker kan Minister zahawmtak hian kan la pe theilo ve a tin a a, kan zawh duh chu kan lo enchiang ang a, tih hlawn tlin dan kan lo ngaihtuah a nge ti tal in ka zawnha hi min tiam thei em ? tih kha ka’n zawt belh duh a ni e.

Pu LALSAWTA, MINISTER : Pu Speaker, zawh belhna kha Assurance hial tur a ngaihtheih a chhan palh a awl khawp a nga, mahse chutiang chuan ka chhang thei dawn lova, Mizoram tan leh a bikin zirlaite tan a tha ber tur angin Sorkar hian a ngaihtuah zel a, chutiang chu kan Sorkar ngaihtuah dan chu a ni.

SPEAKER : Starred Question 2-na ah kan kal ang a, kan in hmangaih siak leh vak dawn in ka hria a, a tul ka ti lo. Zawhna No. 2-na ah kan kal ang a, a zawt turin Pu Lalduhoma i lo sawm ang.

Pu LALDUHOMA : Pu Speaker, School Education Deparment changtu Minister zahawmtak chhan atan ka zawhna (a) RMSA hnuaiiah hian Adhoc Grant-in-Aid School awmsa engzatnge awm ? (b) Heng School awmsa te atang hian Headmaster, Teacher leh Grade-IV te hi chhawm an niin an Service leh Pay te hi humhim sak an ni dawn em tih a ni e.

SPEAKER : A chhang turin a changtu Minister zahawm tak Pu Lalsawta i lo sawm ang.

Pu LALSAWTA, MINISTER : Pu Speaker, member zahawmtak Pu Laduhawma zawhna chhanna chu hetiang hi a ni. RMSA hnuaiiah hian Adhoc Grant-in-Aid School awmsa pasarih a awm. (b) Heng school awmsa a thawktute chungchang hi ngaihtuah mek a ni tih a ni.

SPEAKER : Zawhbelhna, Pu Lalduhoma.

Pu LALDUHOMA : Pu Speaker, RMSA hi School te a la awm loh na hmun deuh bika dah tur a tih ni awm tak in ka lo hria a, chutih rualin hei School awmsa pasarih ah hian an dil pawh ni lemlo a pek an ni a, heng pasarih zinga panga Lalthanhawla School Serkhan, Saitual High School II, Kolasib Hmar Veng High School, Zotlang High School, Sesawng High School te hi High School nei sa vek ah khan RMSA building hi va sak a ni a. Tichuan heng school lo awmsa a thawktute hi Managing Committee ten uluk taka Sorkar hriatpuia DPC kaltlang a lak thap an ni a, Service Record Book an nei vek a, Adhoc Aided Rules 1997 hnuaiiah mumal taka enkawl an ni a, hnathawktute hian increment pawh an nei a ni.

Chutih lai chuan RMSA hnuaiia zirtirtu lak a lo nih hian advertisement chhuah a nih hian an ni kha chhawm tur ni lovin a thara dil ve tura tih an ni a. Heng Management Committee panga te hian Joint Meeting an nei a, dil loh tur tih an pass a. A chhan chu RMSA School an pek lai hian in Headmaster te, in

thawktute zawng zawng hi kan chhawm chho dawn alawm an ti a, chutih laiin a thara dil a lo ngai a, an hlawh laksa aia hniam fix pay contract basis lehngalin chutah pawh chuan lak an ni dawn nge dawn lo tih pawh sawi chuang lovin tunah hian chia takin an awm a ni. A theih hram chuan RMSA School hi an lo sak tawhnaah chuan kal mai sela RMSA in, a High School pangngai building la awm a kha ti buai lovin Adhoc Grant-in -Aid angin kaltir mai sela, a ni lo anih chuan IV Grade atanga Headmaster thleng hian an service te hi chhawm chhova dil dil ngai lova, an pay te pawh protect a kaltir dan hi Sawrkarin a ngaihtuah dawn em ? tih kan zawt duh a ni.

SPEAKER : Chhang turin a changtu Minister. Chumi zawhah Pu Lalthansanga.

Pu LALSAWTA, MINISTER : Pu Speaker, nichina ka chhanna khan a chhang deuh tawh thova, “ngaihtuah mek a ni” tih khan. Ni e, helai chungchang hi ngaihtuah thiam pawh harsa tak a ni a. A chhan chu kan ngaihthlak tak ang khan khang Sikul lo awmsa na hmunah khan RMSA School kan han din leh a. Chhawk thei se kan duh a, kan chhawk chuan a chhawk zat ang zel a kha Sawrkar chuan kan sum senna thinte kha sen a ngai tawh dawn lova. Mahse, RMSA Scheme hi National pattern a kal a ni a, chuvangin an pattern-ah hian Headmaster te an la rawn telh rih lova. Bihar a ni emaw Maharastra a ni emaw, khang zawng zawng kha a in an vek avangin Headmaster tel lovin zirtirtu chauh hi an rawn ti a, LDC leh IV Grade pawh tel lo khan, chuvangin kan tum angin kan la inchhawk thei lova, mahse hei hi ngaihtuah mek chu a ni a. Adhoc a thawk mekte dinmun hi kan hria a, tuna kan ngaihthlak tak ang kha a ni tlangpui a, chuvang chuan kan chhan tawh ang khan, “ngaihtuah mek a ni, “tih kha thutlukna siam thei turin,” ngaihtuah mek a ni” tih kha kan chhanna chu a la ni tho mai.

Pu LALTHANSANGA : Pu Speaker, kan zawh belh duh hi kan minister khan min chhan theih tho kha kan ring a. Hei zirtirtu, thlawhbawk hunlai (1980 vel lai) Social Welfare pawh a Education Department a awm lai an lak tam tak mai non-matriculate khatiang ho rual a kha kan sorkar hmasa Congress sorkar khan engemaw zah kha ala ta a, tin chance te pe in under matric kha matriculate ni turin a ti a, chutah a hnu ah pawh chance te pe leh in engemaw zah kha lak leh a tum a. Mahse sorkar alo inthlak takah khan khami te chance kha khatiang a lak zui tum na MoU te sign vang kha emaw aw tih turin hmalak kha a awm leh ta lova. Hei tunah hian anni hi an service hi a tlangpuiin kum 30 te ani tawh hlawm a. Chutiang dawn dawn lo service tawh te pawh chu an awm a. Khatiang fix pay ho kha cheng 300/- kha ani a, increment tlem tlem an pe a. Engmah pension benefit leh a dang te hi an hmulo reng reng mai a. Chutiang chuan tunah pawh hian School thenkhat Headmaster ang te pawh hian an awm hial ani. An dinmun hi an khawngaih thlak awm em em mai a, an tam vak pawn a hriat

lova. Chutiang a chance lo in hawng a matric te pawh lo pass te pawh an awm ve nual in a hriat a. Chutiang te chu kan sawrkar hian tunhnaiah hian han ngaituah thar leh tumna te leh an ni hi engtin emaw han duhsak bikna deuh te pawh nei a, pension mai tur te a tlangpuia han en pawh mi 47 bawr vel chauh emaw an la awm a ni a. Hetiangah hian sorkar hian hma han laksak a tum em tih kha Pu Speaker, kan zawt duh ani e.

SPEAKER : A chhang turin Minister i lo sawm ang.

Pu LALSAWTA, MINISTER : Pu Speaker, education Department ah hian tun hma atangin tun hnai a lar ve tak ta, PPP an tih, Public Private Partnership an tih hi kan lo hmang rei tawh a. Sorkarin khawtlang tangrual te lo pui in hun engemaw chen a theih angin sum te school lamah te. (**SPEAKER** : Tuna zawh belhna kha Minister in han chhang sela, a bak zawhna kan la tawh lovang).

College thleng pawhin alo buaipui chho a, an tangkai zia te, an kut chhuak mithiam an tamzia te hi sorkar in a hria a, kan tangkai pui hle a. Chutih rual chu hei hi keini Mizoram chauh nilovin India ram pumpui ah pawh kan hman chhoh dan a ni a. Hemi ang zel kal chhoh te pawh hi kan tum a. Sorkar pumhlum anih te pawh hi a that ber lohna lai te pawh awm ve in kan hriat bawk avangin PPP Mode kan tih ang hian kan kal meka, kan kal zel dawn te pawh a ni anga.

Tuna kan member zahawm tak in a rawn zawh belhna ah pawh khan, lo thawk mek tawh te ang hi chu kan theih ang tawk leh kan thiam ang tawk hian chuan an tawrh loh zawng tur te, kan ram tana tha ber tur ang zawng hian kan ngaihtuah chho mek zel a. Amaherawh chu chutih rual chuan thenkhat te hi chuan an vanduai na avangin aw nei tawh mang tawh lo te, thenkhat chu accident avanga piansualna avang te in zirtirtu han nih zel te an remchan loh avangin leh an zirna te a lo hniam bawk avanga khawvel thara han zirtir tur hian tling lova inhriatna te an neih bawk avang leh kawng hrang hrang avangin, “Kan lo chawl mai anga, kan lo pension ang” tia rawn dil te pawh an awm a. Chutiang te pawh chu a tha ber tur ang zel hi chuan kan Department chuan kan ngaihtuah chho zel a ni. Ka lawm e.

SPEAKER : Awle, Pu P.P.Thawla kan ko leh tawh anga, tichuan hemi bik atan chuan kan duhtawk ang.

Pu P.P. THAWLA : Pu Speaker, zawh belhna, Mizoram sorkar kal pangngai atanga ti hlei thei lo, School thenkhat entirnan, Zawngling Government High School ah chuan 2001 khan an clerk neih chhun a boral a, tun thleng hian Government High School ve meuh clerk nei lo in an awm reng mai a. RMSA sum atang te hian clerk a pek theih mai ang em ? tih leh Serkawr Government High School ah hianin an peon pakhat a thi a,

pakhat dang a pension leh tawh bawk a. Government High School ve ah IV-Grade nei miah lovin an awm bawk a. Hetiang ah te hian RMSA sum atang te hian IV Grade a dah theih ang em ? tih ka zawhbelh e.

SPEAKER : Chhang turin Minister i lo ko leh ang.

Pu LALSAWTA, MINISTER : Pu Speaker, kan member zahawm tak tena an thahnemngaihna hi kan lawm khawp mai a. An bial chhunga harsatna an neih ang angte helaiah leh Office lamahte pawh an rawn thlen reng a. Tuna an rawn sawi ang chi Peon te, LDC te, hi a ruak deuh nual a. Amaherawhchu, an ai han la mai turin tun kan dinhmunah hian kan la ti hleitheih rih lova, churang chuanin, keimahni lama kan mamawhte hre chung hian vawiin kan dinhmunah chuan kan la ti theih rih lova ni. Kan hria a, a sawi anga RMSA te atanga han hnawh khah theih dan kha chu kan ngaihtuah ve mek tho ve.

SPEAKER : Starred Question No.3-na ah kan kal ang a. A zawt turin, Pu B. Lalthlengliana kan member zahawm tak i lo sawm ang.

Pu B. LALTHLENGLIANA : Pu Speaker ka Starred Question No. 3-na, tunlai hian Periodic Patta 304/1976 area chhungah midang dik lo taka pek tumna a awm em ?

SPEAKER : A chhang turin a changtu Minister Pu J.H. Rothuama i lo sawm ang.

Pu J.H. ROTHUAMA, MINISTER : Pu Speaker, Starred Question No. 3-na chhanna chu 'Awm lo' tih a ni e.

SPEAKER : Zawhbelhna Pu B. Lalthlengliana

Pu B. LALTHLENGLIANA : Pu Speaker, kan Minister zahawm tak khan pek tumna a awm lo a ti a. Ama'rawhchu, Sorkar Office order ah hian stay order hi Pu Speaker kan sawi lawk ang e.

Chite luikama Pu Lalnunema nen a in rambuai kha rawn enfiah a ni. Office Court- ah pawh in pass dinhmunte pawh chhui chian a ni bawk a, hetah hian Pu Lalnunema - ah periodic patta No.304/76 chu office report- ah pawh felfai in a ram enkawl lai a inmil tih hmuh a ni. Chutih laiin V. Lalzuala hminga awm periodic patta No. 276/81 chungchang pawh chhui chian a ni. Chutah chuan

hetiang hi thil awmdan a ni tih hmuhchhuah a ni. Periodic patta No. 276/81 area bigha 8 kum 1991 khan WRC LSC No. W 1 of 1991 leh No. W 2, 1991 ah siamchhuah a lo ni tawh a. Hetih rual hian Pu Vanlalhluna hnenah bigha 2.84 sahthlak ve nghal a ni bawk a. Hetiang anih tawh avang hian periodic patta No. 276/81 hi cancelled a ni tawh a ni. Tin, he periodic patta location hi tuna an ram inchuh lai atanga metre 100 chhak lam nia hmuh a ni bawk, chuvangin, he periodic patta hmanga helai ram hauh hi a dik thei lo a ni tih hi Office hovin uluk taka an en a an hmuhchhuah dan a ni a. Tin, hemi a chuhtu hian a periodic patta neih hi a mak danglam ve khawp mai a. A Original ah chuan appendix 'B' tih hi Revenue ah chuan Pass ah reng reng dah vek a ni zel a.

A chuhtu hian siamchawp fake P/Patta a ni mai thei tihian a rawn siam nuai mai a. Government of Mizoram, Department of Land Revenue & Settlement Periodic Patta a ti a, a Periodic No. kha a dah tawp a. A tira a area kha bigha 8 vel lai khan tah hian area extended to 16 bighas vide No. such and such an ti a, sign Darzika, ASO-I an ti leh tawp mai a, seal chhut pawh a awm lova. Hemi hmang hian he 1963 a Pass lo nei tawh Periodic Patta 304, 1976 a siamthat tawh hi hei hian a rawn chuh tlat mai a. Tunah hian tihfel mai tura thil awm ni a a lan laiin Officer he a chuhtu hian Revenue Officer pakhat a convince viau ani mai thei, file a hum bet ta tlat a, a kal thei lova. Chutih chhung chuan Pu Speaker, kan House Leader hi dikna duh ani tih kan hria a. He mite hian kan House Leader hi he ram hi sah thlak ve a, pek ve tum in, a chakna hmang hian thiltih an tum niin hriatna ka nei a. Ni 12.2.2011 Saturday tlai dar 2 atanga dar 3 ah hian World Bank kawngpui kawi zau lai atang sawn he mite hian an thlirpui ni awm tak a ni. Chuvang chuan heng mihring chinghnia beram vun sin te hian kan House Leader hi an bum palh ang a, mi ram, mirethei zawk ram chhungah a hming hian ram an lo pe ang tih ka hlau a. Chu chu kan Minister pawh hian lo en se a tha in ka ring a. hei hi office document ah in nei lo a nih pawhin ka document hi ka rawn pe ang che u.

Hei a periodic patta hi khatiang a W1 leh W2 an lo siam tawh hnu ah khanin, hetah hian a periodic patta ah hian chumi khami khan a supercede a, a thi tawh ani tih an ziak thlap a. chutiang chu anih avangin (SPEAKER : A zawhna zawt teh khai). He laia kan sawiloh hi chuan engmah hi a kal theilo a. House a kan sawi hian thil hi a kal tha a. Hei hi rorelna hmun anih a vangin ro kan rel a ni. Hei hi kan Minister zahawm tak hian a tifel thei a ngem? Hetiang a diklo taka a hnuai a thil kal hi a enfel thei ang em? Kan officer te paw'n khatiang dahsak bikte emaw avanga thil tih mai mai ching an nih chuan, heng hi enfel se la, an phu tawk, hrem ngai an nih chuan an hrem thei ang em? tih ka zawt e.

SPEAKER : Aw le. Minister in sawi tur a nei em ?

Pu J.H. ROTHUAMA, MINISTER : Pu Speaker, hemi periodic patta 304/1976 kha a neitu chu C. Lalnunnema a ni a. tin, hemi patta thua a 207/1981 a pek ve leh hi information ka dawnah hi chuan P.C. Zofakawma a ni. Hei hi an ko tawh a, a hmunah en turin C.Lalnunnema hi a kal lo ni awm tak a ni a, chuvang chuan helai case

hi tih fellow in a awma, tunah hian dispute case kal mek a ni a, engpawh ni selangin, kan Minister hlui zahawm tak kha, Revenue Minister lo ni tawh a ni a, an Pass han en hian 304/76 leh 276/1981 kha ania, a hun lai khan hei hi buai ala awmlo nge anla hrelo nge ni, kum 10 lai sawrkar akal hnu khan hei kan la hre ve leh chauh a ni a, engpawh niselangin, kan hotupa ber, kan House Leader hming te hi a rawn lang a, hetiang hi keichu report pakhat mah ka dawnglo. Tin, a tel pawh ka ringlo bawka. Engpawh niselangin helai hi chu dispute case a nih ang hian chinfel ran kan tum anga. Tin, kan member zahawm tak khan a lehkha pawimawh neiha kha, office ah te pawh rawn kengin helai House ah kher lo pawh, lo kal thei sel chu en duna chinfel dan pawh a ngaituah mai theih ka ring.

SPEAKER

: Le, zawhna dangah i kal ang.

Pu B. LALTHLENGLIANA

: Kan House Leader zahawm tak hming ka rawn sawi chhuah duhna chhan kha chu, inrinni 12.2.2011, Saturday dar 2:00 leh dar 3: 00 ah an thlir pui tih report kan dawn avangin, ani hian thil hrechianglo hian thiam taka an sawipuina atang hian alo aw pui mai ang tih kan hlauh avangin, hei hi chu thil awmdan sawi tlanga, tihloh atana tha nia kan hriat avangin leh hmingchhiatna awlte a nih avangin, khalai kha hmingchhiat kan hlauh avangin kan han sawi lang a ni. Hei hi chu a Periodic pata kalphung hrim hrim hi, bogus niin a lang a, round seal a awmlo a, periodic pata ah chuanin appendix tih hi a awm veka, hemi awm miahlo hian hei hi an rawn siam a, chuvang chuan hei hi chu kan Minister zahawm takin, Office ah lo kal sela kan lo enfel ang a ti a hemi keng hian kan kal ang a, min enfel pui turin ka ngen a ni.

SPEAKER

: Minister zahawm tak khan enfel a sawi tawh a, House Leader hming kha a lo kangkai ve hlauh a, House Leader in sawi tur a nei ve tlat mai.

Pu LALTHANHAWLA, CHIEF MINISTER

: Pu Speaker ka lawm e, hemi zawhna Finance Commission chungchang hi lo chhuak se ka duh khawp a, mahselangin a lo chhuak hmanlo ang tih ka hlau khawp a, dinglo theilo nihna lai te pawh ka nei a. Member zahawm tak khan min duhsak vang zawka rawn sawi niin ka hria a, ka lawm khawp mai. Pathian khawngaihna in kan Nu leh Pa zarah ram hi ka mamawh lo nasa khawp a, amaherawh chu neih hi chu ka nei ve nual a ni. Mi rethei leh mi harsa leh chumi khami dahkham tur tih angreng vel hi tunhma kum 10 leh engemaw zat atang tawh khanin Sorkar hian mahni ram enkawl theilo chu pek let leh tur tih thupek siam sela ka lawm khawp zawkin ka ring a, zah pawh a zahthlak deuh mah mah a. Revenue Deptt. hi a buarchuar lutuk a Pu Speaker thudik sawi a tha, keipawh ka ram an lo ser nghek mai a ni, tun kan awmloh chhung khan. Tin, sawta kan thlir na chhan pawh a piahi ami muala ka pa atanga kan ram saw an lo ser bawka a, an lo hralh bawka a. Chutah chuan Surveyor ho hi an tel deuh teuh a ni. Tin, khulaila Chite rala kan ram pawh an lo ser vek a, an lo plan a, LSC awm reng a ni a, record an nei tur a ni Revenue Office ah hian. Chung ser tir tute chu a tlangpuiin Surveyor ho hi an ni a.

Tunah hian thenawm khaw veng inngirngghona hi an siam sak tam em em a ni Revenue Department ho hian diklo taka hna an thawh avang hian. Tin, Surveyor ho hian in hmun lo ram hi engzat nge an neih ang tih hi ngaihtuah a ngai a. Khawiah emaw compensation an han lak dawn hi chuan Surveyor ho hi an tel ve deuh zel, thudik a ni hei hi, a experience tu pawh ka ni, chuvangin he Department pawh hi a Minister-in tunah hian a ching chho mek zel a. CBI emaw ACB emaw hi enquire tir ka tum nghe nghe a, diklo a tam lutuk avangin. Tin, hmanna khulaia ka ram an lo ser pawh ka aiawhten an zuk en a. Chutah chuan Surveyor te chuan “Pu Hawla hian a thiltihtheihna avangin helai hi lo lei ta sela, thiltihtheihna a neih loh hunah engtinnghe a tih ang tih te hi a ngaihtuah ngai lo em ni an,” lo ti a ni. Ngaihtuah a ngai lova, LSC kum 30 vela upa kha an lo ser a, a sertu te zawk kha dan an chungah lek tur a ni zawk a, chumite zawk chuan ti hian min ti ngam a ni.

Tin tuna Member zahawm takin a rawn sawi ang khan diklo takin ka chakna emaw lo awm ve ta pawh ni se hman hi ka tum lo hrim hrim, ka hming an lo la anih pawhin ka hre hranpa lova. Chulaia kan va kalna chhan pawh chu ka ram an lo ser kha ka thlir duh a. Tin, World Bank kawng thar hi ka la kal ngai lova. Chuvangin, ka tlan pheii ve hrim hrim a. Chu zawk chu a ni a, tu ten emaw ram min lo zawrh a, amaherawhchu, ram ka mamawh lova, leina ka nei hek lo va, tiin ka chhang a, chung zawng chu ka chhanna a ni a. Chu zawng chu a ni ka hriat chu Pu Speaker.

SPEAKER : Awle, chutilai chu duh tawh ang. Starred Question No. 4 na zawt turin Pu Lalduhoma i lo ko ang.

Pu LALDUHOMA : Pu Speaker, ka zawhna Starred Starred Question No. 4-na Sports Complex ah hian High mask dah tum ani em ? Tuivamit ah hian Street Light dah tum a ni em ? tih ka han zawt e.

PU P.C. LALTHANLIANA, MINISTER : Kan member zahawm tak Pu Lalduhoma zawhna chhanna chu. (a) na Chawnpui Sport Complex ah hian High Mask dah tumna a awm hranlo. (b) na Tuivamit Local Council atangin Street Light dah belh an duh thu an rawn thlen a, verify tawh ani a, a tul ang a dah belh tum a ni.

SPEAKER : Pu Lalduhoma zawh belhna.

Pu LALDUHOMA : Pu Speaker, Tuivamit ah khan an rawn surveyna-te a rei ve tawh a, an nghakhlel ve tawh a, kan ngaihtlak ang khan a rei vak tawh lo turah ngai ila. Chawnpui Sports Complex hi Mizoram pumpui ah hian Indoor Stadium kan neih that ber leh a awm chhun ani in ka ring a, LPS Profight-te pawh kan han nei a.

Tunah khuan a parking area khu tha tak mai in NEC cheng tam tak seng in anrawn ti leh dawn a, kan Chief Minister pawh a bul tum tun a ni a. Puipun ni khua hian light a awm loh chuan traffic management khu a buaithlak lutuk a mipui an in nawk nasa thin bawk si a, thim tham karah mipui control a har em em a thil sual dang lo tih pawh kha a awm phah a ni. Chuvang chuan Chawnpui vengin an mamawh bik a nilova, kan zavaia kan mamawh thil a ni a a rang lamin min ngaihtuah sak thei ang em ? tih kha ka zawh belhna a ni e.

SPEAKER : Tuna zawhbelhna kha Minister in han chhang hram sela, a bak zawhna kan la tawh lovang.

Pu P.C. LALTHANLIANA, MINISTER : Pu Speaker kan member zahawm takin a arawn zawh belhna, khulai Chawnpui Sports Complex a High Mast dah a duh thu hi lehkha pawhin Sorkarah, Department ah arawn ziahtawh a. A thahnemngaihna a lawmawm ka ti a. Tunah hian UD&PA atangin High Mast hi 4, an enkawl sen loh deuh, Ch. Saprawnga Truck Terminal Building ami khu minrawn pe dawn a. Chu chu a dahna tur kan han ngaihtuah a. Aizawlah hian pahnih kan dah ang a. Lungleiah pahnih kan dah dawn a. Chu chu a tul angin process mek a ni a. Khulai Sports Complex khu, Pu Speaker, engngemaw changa han puipun khawmna ang chi a ni a. Engtik lai pawha mihring tam awm deuh reng, zik nuai nuaina hmun a nih loh avangin High Mast-te hi chu engtik lai pawha street buai deuh, lun lai deuh, zan laiah pawh eng reng thei ang chi a nih avangin High Mast hi hetiang hmunah hian dah a tha deuh bera ngaih a ni a. Engpawh nise khulai khu chu, engemaw hun bik nei te a nih avangin tunah hian Sodium light eng chi kan tih ang, khatiang hunah hman mai tur ang chi te kha dah tum ta zawk ila a fuh zawk ang a, a High Mast em hi chu engtik lai pawha khulai hmun khu lun a ni lem lo bawk a, kan ti a. Chutiang chuan rawtna P&E lamah kan siam mek a. Sodium Light dah kan tum a ni.

Tin, hei High Mast 2 pawh hi a bial ve veah dah kan tum a. Zonuam leh Tuivamit ah, Pu Speaker, kan member zahawm tak hian a vei a. Tin, tuna street light-te leh Sodium Light a ni emaw High Mast te hi duhthusama dah tam theih a nilova. Tun kum ringawtah pawh hian department-in vaibelchhe hnih leh nuai ruk leh sing khat leh tih kha kan bill sen a ni a. Chuvang chuan duh duhna hmunah dah theih pawh a nilova, kan mamawh ang zela dah a ni mai a. Tin Pu Speaker kan sawi belh duh chu tunah Aizawl Municipal Council a lo pian tak ah hian street light hi kan kut ah a awm zel a ngem ? tih kha ngaihtuah a ngai a, Sorkar in subject allocation AMC ami tur te a ngaihtuah mek zingah hian street light te pawh a tel a, engpawhnise, member zahawmtak zawhna kha kan kuta thil kal zel a nih chuan kan tih tum dan a ni e, tih kha ka chhanna a ni e. Ka lawm e.

SPEAKER : Zawhna leh chhanna hun a lo tawp ta a, kan tih tur dang ah kan kal anga. Kan mamberte pathum nimin a kan puan tawh ang khan Brig. T. Sailo te, Pu Zodintluanga-te, Pu K.S. Thanga-te waviin niah anrawn kal thei lo a ni. Tin, Panel of Chairmen ka han puang anga, Pu B. Lalthlengliana, Pu Nirupam Chakma, Pu Lalduhoma, Pu K. Lianzuala-te thu leh awm hma chuan ruat an ni. Tunah chuan Paper lay kan lo nei

anga, Pu H. Liansailova Minister zahawm takin “The 19th Annual Report of Mizoram Public Service Commission 2009-2010” hi House dawhkan ah rawn lay se la i lo ko ang.

Pu H. LIANSILOVA, MINISTER : Pu Speaker i phalna leh House zahawm tak remtihna hian “The 19th Annual Report of Mizoram Public Services Commission 2009-2010” ka rawn lay e.

SPEAKER : A copy kha han sem rawh u le.

Tunah Pu H. Rohluna Minister zahawm takin “The Mizoram Forest (Establishment and Regulation of Saw Mills and other Wood Based Industries) Rules, 2010” hi House dawhkan ah han lay sela, i lo ko ang.

Pu H. ROHLUNA, MINISTER : Pu Speaker i phalna leh he House zahawm tak remtihna in “The Mizoram Forest (Establishment and Regulation of Saw Mills and Other Wood Based Industries) Rules, 2010” he House zahawm tak ah ka rawn lay e.

SPEAKER : A copy kha han sem ula.

Pu LALROBIAKA : Pu Speaker, Mizoram Public Service Commission 2009 - 2010 ang khan i rawn sawi a, tuna an rawn sem ah hian a kawm ah khan 2008-2009 tih kha a rawn in ziaik leh si a, a khawi hi nge dik zawk tih kha min chhang thei mai em aw ?

SPEAKER : Hetah hian kan Governor in lay tura a rawn tih ah hian “for the year 2008-2009 and 2009-2010 respectively” a rawn ti a, nia tuna a bu kan han sem ah khan 2008-2009 kha a ni ta a, bu hnih kha bu khat ah an chilh kawp tih kha ka lo la keu bik hauh lo mai a, kei pawn 2008-2009 ani ka dawn. (member : Office lam hian an tisu al palh anih ka ring a, hei kei pawn 2008-2009 kha ka dawng tlat mai a. Chuvang chuan min han pe tha leh ula a tha ang a) Bu hnih awmtur ani Governor in a a rawn tih dan ah hi chuan, ti khan engemaw fuhlo tlemte a awm a nih hmel a, a dangah hian kan kal phawt ang a, nakinah a bu kha in chan loh zawk zawk kha in lo la mai dawn nia. Tunah chuan Report Presentation kan lo neih leh thung ang a, (.interruption)

PU H. LIANSILOVA, MINISTER : Pu Speaker, Report sem kha sem sual palh niin alang, la let leh zawk ula, a dik chuan min rawn pe zawk ula a

fel zawk ang a, kan lay tawh ting si a, la let leh mai ula, keimahnin a dik zawk rawn thlan emaw zawn tur chu a ni lovang chu maw le.

Pu B. LALTHLENGLIANA : Pu Speaker, Minister zahawmtak rawn sawi kha a dik in ka ring a, Member tena 18 leh 19 Report in ang lo hawn kha he House atanga chhuakah pawh a mawiin a lang lova, chuvang chuan lak let leh vek nisela chuan a rualin (.....interrupt)

SPEAKER : Kan Office-ah a lo kal a kan nauten an lo ngaih hai deuh va, a bu hnih khan in dawng em em ang. Ni love in dawhkanah khan a bu hnihin an rawn keng mai ang a, a harsa vak lovang a (... interrupt)

Pu P.C. ZORAM SANGLIANA, MINISTER : Pu Speaker, 2009-2010 Lay a nia, 2008 - 2009 daih ani kan dawn tlat ni, a dik tlat lo alawm. (SPEAKER : A nih tak chu a) (Interruptions) Time table a lan dan chuan 2009- 2010 (Interruptions pahnih a dawn kawp theih ani lo...)

SPEAKER : A nih leh Minister duh ang khan kan kal ang a. Kan nau te khan a copy an sem tawh kha han la let leh vek ru le. Nakinah, 2008 -2009 leh 2009-2010 ani a. 2009- 2010 kha a rawn lay a, member ten in phut tlat chuanin 2008 – 2009 pawh lay turin kan la ko leh mai a niang chu.

Pu LALDUHOMA : Vawiin display ah hi chuan 2008 – 2009 hi chu lay tur a ni lo hrim hrim a, a tel ve lova.

SPEAKER : Naktukah rawn lay mai rawh se, 2008 – 2009 chu. Vawiinah chuan a thar zawk kha kan chang hmasa dawn a ni, naktuk lamah a hlui zawk, awle, ti khan a fel thei em, kan lungawi maw? Chuti nih chuan report. March ni 8 Tuesday khan Ka Office Chamber ah BAC Meeting neiin tuna kan Session hman mek atan detail programme duan a ni a. Chu chu Buletin Part II No.115 ni 9.3.2011 ah khan kan in hriattir tawh a. BAC Report kha House ah kan rawn present a. A Copy kha han sem rawh u le. Khatia sem lai mek khanin thil han sawifiah duh deuh hlek kan nei a. BAC kan thutkhawm lai khan kan plan Budget kal tur final na kha ni 25.3.2011 ah koh ni khan kan hria a. A pharhtu tur ber kan Finance Minister, kan Chief Minister ni bawh kha Delhi a Plan finalized tur a kal tura kan ngaih avang khan kan han pawt fan deuh a. Amaherawhchu khuti lam in an rawn ti danglam leh ta a. Kan plan size kha final alo nita chungin BAC thu ang khan kan kal mai lo thei ta lo niin alanga. Tin, Finance lam te pawh theih ang anga Speaker Office lampang atanga kan han dawr khan Ni 29 lampanga khami Vote on Account pharh tur pawh kha an inpeih chhuak hman dawn chauha a lan tak avangin kan plan size kha peih hma deuhhlekk pawh lo ni mahse langin kan Vote on

Account pharh hma kha tih chi vak pawh a lo ni chuang lova. 29 a pharh tur angin kan kal ta a ni. Kha kha helaiah an sem mek lain ka'n sawifiah duh a.

Tikhanin kan pawm thei em ? Aw, a lawmawm e. Business danga kan kal leh hma in tuna kan Minister zahawm tak in a lay kha, 2009-2010 kha han sem rawh u le. Motion of Thanks kan lo sawiho dawn tawh ang a. His Excellency, the Governor of Mizoram in House-a a thusawi lawmthu sawina chungchang Motion of Thanks hi nimin khan House ah admit tawh a ni a, tunah kan sawiho ang a. Member tin minute 5 in pe ilang a tawk mai em ? enge kan ngaihdan tha kan ti tlang em.

Dr. R. LALTHANGLIANA : Pu Speaker, tihdan phung kha kan nei ve deuh va Vote on Account hun kha a ni leh dawn a, sawihona hun vak kha nidangah pawh kan nei dawn lova, vawiin hi member tam tak ten, kan hun neih tur a ni ve deuh mai a. Chuvang chuanin, minute 5 em em kha chuan kan Governor thusawi kha chu kan chai hman lovin ka ring deuh a, minute 10 kha ni sela tih kan rawt deuh, kan zavai pawn kan sawi lo mai thei a. Vawiin ni hi kan prime time ve deuh hlek a ni mai thei a member tam zawk te. Chuvang chuan minute 5 lek ah kan Governor thusawi kha chu kan chai hman lo deuhin ka ring a, minute 10 kha kan tih dan phung deuh ni ta sela tih kan rawt duh a. Kan zavai pawhin kan sawi leh lo mai thei bawk a.

SPEAKER : Kan remti tlang em minute 10 chu, chutah a leader deuh hlek kha chu Group leader te chu minute 12 emaw te kha chu kan han pe leh bik ang a. 15 kha chu an sawi dan kha an khah that viau kha chuan Chair atangin concession te kha chu a in pek theih turah ngai ila. Minute 10 ah erawh chuan subject zawh ngei ngei turah ngai ila. Tichuan minute 1 emaw ala awm in bell kha ti ri ta ilangin. Minute 10 ti ang aw anih leh tunah minute 10 kan in pe ang a, kan sawi ho dawn ang a. Mover khan han sawi hawng se la, Pu John Siamkunga ilo ko ang.

Pu JOHN SIAMKUNGA : Pu Speaker, ka lawm e. Nimin Session tan tirhnaa kan Governor thusawite kha a tha tlangpuiin sawi zui tlak hle hlawmin ka hria a. Ram in hma a sawn dawn chuan Department hrang hrang a kut leh ke te than thu bik awm lova an than tlan vek a ngaih si avangin nimina a thusawi ah pawh khan Department hrang hrangte a rawn lam kim hlein ka hria a. Chung atang chuan ram in development hna a thawh chhoh naah Department hrang hrangte pheikhai rual taka an tan ho hian ram ropui a thlen theih chauh a ni tih kha kan hriat atan kan sawi hmasa duh a. Nimina kan Governor zahawm takin a sawi atang khan Sawrkar thil tum a lang Chiang a. "Heng ka thusawite a langsar zual lai chauh ka rawn sawi a ni a. House a sawikhawm hunah kimchang zawka la sawi turah ka ngai a", tih khan a rawn tlip nghal a ni. Chumi awmzia chu nimina a sawi banga kha tam tak a la awm a. Nimina a sawi kha a tlangpui chauh a ni tih a hriat a.

Tin, nimina a sawi atang ringawt pawh khan sorkar tha din a tum dan te, mipuite belhtlak sorkar din a tum dan te, khua leh tuite tana thei tawpa tan a lak tum dan te,

chutiang atan chuan Law & Order kenkawh a nih dan te leh mipuite thlamuang taka an awm theihna tur atana hmalak anih dan te a rawn sawi a. Tin, Police lam thuam that an nih dan te, khua leh tui te thlamuang taka an awm theihna atana Criminal Tracking & Network system te hial pawh develop chhoh a nih dan te, sualna pung zel tih tlem a tumna lam a rawn sawi bawk a. Khatiang atang khan, helaia Sorkar mi leh sa, khua leh tuite him leh thlamuang taka kan awm hi sorkar in a duh ani tih a tilang niin ka hria a. Tin, NLUP lam rawn sawiin January 14 a launched anih atang khan a tum lian berte a rawn sawi lang tan a. Mirethei mahni intunnunna hre tawh lo, chung mite chawi chhuah chu ani. Tin, economics lama Mizoram a lo than chhoh theihna tur atana hmalak te, chutiang atana sum lu Sorkarin a tum dan turte pawh a sawi a. "Sumlu ka tum ang che u anga, hna thawk rawh u aw" ti thei tu Sorkar kan nei hi a khua leh tuite tan a ropui a ni.

Tin Horticulture lamah te, nasa takin ramim hma ala chho a, Champhai leh Hnahlan ah te wineries te an dah a, chumi avang chuan kut hnathawk tute an phur a, grape chingtute tan income ropui tak a siam a ni. Chu chuan ram thanna kawng a kawka a, chumi a nih avang chuan, grape chingtute mai nilovin, ram mipui sum lakluh alo pun phah a, State revenue pawh a rawn pun phah ta hial a ni.

Tin, Vety lamah pawh nasa takin Sorkarin hma ala tih kan hria a, ran inthlah chhawn chungchangah te, a chaw ngaituah chungchangah te, an hriselna enkawl chungchangah te, tin, sa hrisel kan ei theihna tur chungchanga, Sorkarin hma alak dante thlengin kan hria a ni; tin, chu chang niloin ran inthlah chhawna tur chungchanga a chi dah thatna, Lunglei ah te pawh Liquid Nitrogen Plant te pawh dah alo nita leh zela. Hei hianin Vety lama hma kan sawn chhoh dan a ti lang chiang a ni.

Tin, chubakah chuan Fisheries lamah te pawh Sorkarin hma ala a, nasa takin hmun hran hranah hma a la a ni. Chungah chuan sangha chite pawh mantlawm zawka pek an ni a. Tin, hmun thenkhatah te phei chuan a chawmna tur chaw te pawh subsidy te pawh pek an ni bawk ani. Tin, Soil & Water Conservation te pawhin nasa takin ram thanna atan leh he ramim hma a sawn zelna turin hma an la a an hmalakna langsar zual tlemte rubber lama an hmalakna te hi a langsar zual leh hlawhtlinna ropui la thlen tur niin ka hriaa.

Tin, hmunphiah lamah te pawh nasa takin hma an lain ka hria a, NLUP hnuaiyah te pawh nasa takin hma an la chho dawn bawk a ni. Coffee plantation leh tea plantation lamah te hma an la chho mek bawk a ni. Tin, Industry chungchangah hian Mizoram Industry tenau tam tak a awm a. Amerawhchu a market hi phailam ami nena in compete tur chuan harsatna tam tak kan nei thin a ni. Chumi ah chuan Preferential Stock Purchase Rule-te sorkarin a han duang chho a, chuti chung chuan Mizorama siam chhuaktu Industry tenau neite hian an la tuar si a. Chumi a nih avang chuan a policy hi kan neih thain hriat a ni a. Industrial policy 2010 te pawh duan mek a lo ni ta a ni. Chu chu helaia thil siamtute hmalak zelna tur atana hmasial tu pawimawh tak a lo ni dawn a ni. Tin, Directorate of Geology and Mineral Resources te Industry hnuaiyah awm thin an rawn indang ta a. Heng te hi rei tak Industry hnuaiyah lo awmin thawhchhuah nasa tak a nei thin a. Tunah hian Department te tak te ni siin Earning Department lian tak a ni si a. Nikum atanga chhut in tun January thla thleng khan 3.9 crores lai an thawk chhuak tawh a ni.

Tunah hian an scope a tha a, chu aia tam thawk chhuak thei turin beisei a ni a. Hei hi kan Governor thusawiah pawh a lang Chiang a. Amaherawhchu a sawi kim hman loh avangin House chhunga la sawi lan turah a ngai a ni.

Tin, Education lamah hian Education Reforms Commission din a ni a, chumi atan chuan mithiam bik Committee din a ni leh a, chungte chuan hemi Commission Report te hi an han thlifim leh a. Tuna kan Education kalphungah hian fail awm tawh lo tura naupang hualchhoh tum a ni. CCE hman a ni dawn a, CCE kan hman na turah hian chhungkuain lehkha kan zir chho leh niin a lang. Kan fate kan puih a ngai a, an thlen chin kan hriat a ngai a, an harsatna pawh kan harsatna anga kan solve pui a ngai ve zel dawn a. Hei hian vawiinni mai ni lovin nakin hun lo la kal zel turah kan fate hatsatna kan la hriat ngai loh leh kan hriatpui ngai loh a kha vawiin niah chuan kan hriatpui theihah arawn siam ta a. Education lama hmalakna hi a duhawm hlein a hriat a ni.

Tin tunah hian College 4 lai infrastructure development atan vaibelchhe 5 zet NLCPR hnuaiyah kan hmu dawn a. Post Matric Student Hostel te pawh sak a la ni chho zel dawn a ni. Chutiang chuan Education-ah pawh nasa taka hma lak chhoh a ni mek zel bawk a.

Tin, Sports lamah hian Artificial Turf kha Lammualah phah a ni a. Hmanni lawkah khawvela inkhel ropui ber, hmun dang zawnga khawvela la thleng ngai lo, ram roreltute Legislators te inkhelhna a thleng a ni. Khami nia Club lar tak tak India ram State dang atanga lo kal ten an han hmuh khan ropui an ti a. Hetiang hi thil thleng thei ve chi a ni dawn em ni? engtinng Mizoramah in thlen tir theih? tiin khalaiah khan inkhel thiam rual Legislators te kan lo inkhel tawh a. He Field hi thalaite hmakhua ngaihna avanga tih a nih bakah ramin hei hi a chhawr hle dawn a, a la chhawr dawn chauh a ni.

Chubakah Thenzawlah hian Artificial Turf Hockey khelhna turin hma lak chhoh mek a ni. Pu Speaker, Hockey khelhna hi phah tum a ni. Tin, Rajiv Gandhi Sports Stadium te, Pitarte tlang a Indoor Stadium-te, chutiang chuan thalaite hmakhua ngai hian kan Sorkar hian hma nasa takin a la a ni.

Tin, Labour & Employment hi Ministry & Employment Central ami khu eng ang emaw avangin tih len a awmze nei a kalpui a tum a. Tun ah pawh awmze awmin step an la tan tawh a. Tunah hian 1% Cess hi contractor atangin an khawn a ni. Building and Other Construction Worker Welfare Cess Act 1996 beh chhana lak a ni a. Hetah hian Sorkar Revenue-ah tam leh zual chhun luh theih a ni dawn a, a dang ah pawh an la chhun luh belh zel dawn a ni. Labour Force hi an lian tual tual a. Labour & Employment hi Revenue hnar State tan ala nih zel a rinawm a ni. Chutiang bawkin Transport and Communication ah pawh Sorkarin hma a la nasa a. Aizawl to Silchar road four lane a tih tur te hi tunah hian hma lak chhoh mek a ni. Chuchang ni lovin in kal pawhna hi Sorkarin a ngaipawhmawh a, kan Governor thusawi a kan hmuh bak hi sawi sen loh a awm a ni. Power & Electricity lamah pawh Serlui B te arawn sawi chhuak a; Tuirial Hydel Project tuna hna tan tawh mai tur te, Tuivai H.P Mega ward 210 pe chhuak tur te bakah Power

lamah he Sorkar hian nasa taka tan lak tum a. He Sorkar hian Power lamah hian min champion pui a tum a ni tih kha kan hriat atan kan sawi duh a ni.

Tin mipui in tui in tur tha an neih theihna turin Sorkarin hma a la nasa hle a ni. Greater Aizawl Water Supply Scheme hi 86% zawh a ni tawh tih kan hria a, Hnahthial-ah pawh tui kan pump dawn, vaibelchhe 8 chuang in, Saitual-ah pawh vaibelchhe 21 chuangin, chutiingin Lawngtlai-ah vaibelchhe 25 chuangin; Tuipang-ahte pawh kan pump dawn a, vaibelchhe 9 chuang lai kan hmang dawn a ni.

Health & Family Welfare lamah pawh nasa takin hma lak a ni a, Civil Hospital Aizawl hi upgrade chhoh mek a ni a, khawl tha tak tak te lei zel a ni a, tun hun tawite ah hian kan sawi seng lovang. Trade & Commerce lamah pawh nasa takin hmalak zel a ni. Tin, Tourism lamah pawh nasa takin hmalak zel a ni a, kan Governor zahawm tak thusawite hi a ropui a, a sawi bakah pawh hian Sawrkar hmalakna tam tak a in phum a, chuvangin, kan Governor zahawm tak thusawi hi ram kalphung leh a lo hmalak tawhnate a ni a. Lawmthu sawina tlak a nih ang hian lawmthu sawi hi kan bat niin ka hria a ni, ka lawm e.

SPEAKER : Tunge sawi ve leh dawn le, Pu R. Lalrinawma.

Pu R. LALRINAWMA : Kha lawmthu sawina motion thiam tak in a rawn move tawh a, a sawi kim viau va, a sawi tawhte pawh kha han sawi nawn leh duh ka nei a, Sorkar hmalakna tur kan Governor in a rawn sawi lam ai mah hian ka rawn sawi duh zawk chu, tun Sorkar kal mek in hma a lak a hi han tarlan ve duh te ka nei a, rorelna felfai a vawng him a, muanna a kalpui a ni a rawn tih a hi a ropui hle in ka hria a. Tunhma ten kan khawpui ngeiah hel tih te, silai tawlh ruk tihte, kan hre thin a, tunah khang ang a a awm ta lo te, sualna te hi chu Pu Speaker, khawvel ah a pung tur a ni a, kan Bible pawhin a sawi a, tunah erawh hi chuan sualna, dan bawhchhiatna lian thamte man chhuah a ni ta zel te hi tun sorkar ah hian lawmawm ka ti a ni.

Tin, NLUP chungchangah te, an ti tak tak lo ang tih te a awm thin a, chutah a taka kalpui an ni chho ta a, January ni 14 ah hawn a ni a, kalpui chhoh a nita a, hengte hi Pu Speaker, Mizoram budget tam tak thin, kan kut hnathawktu ten chanvo an neilo a ni kan tih thin kha tunah hian mipui-ah chanvo alo awm ta a, kuthnathawktute dawm kan na tur in a tak ngei a kalpui a han ni ta hi a lawmawm a, budget chung ami a ni emaw, a pawn a mi a ni emaw mipui ah pawisa a kalta a ni, heng kan Sorkar hmalakna te hi a lawmawm em em a ni. Tin, ram in a mamawh Geology & Mining te, he house ah ngei pawh Resolution-te lutin tihchak a tul zia te sawi a ni a, amaherawhchu Sorkar in tih tur a ni e, hmalak mekna a ni e, a tih ang ngei khan he Sorkar hian tih tur a tih chu a ti hlawhtling thin a, chuvang chuan Geology & Mining tih te pawh kha Geology & Mineral Resource Department tiin Department hrangin alo ding ta a, September 1,2010 atangin hengte pawh hi a lawmawm em em a ni.

Tin, zirna siamthatna kawng ah Quality Education kan tih kawnga sorkar hmalakna hi a ropui em em mai a, Continuous and Comprehensive Evaluation System huaisen tak mai a kalpui an ni te hi change ropui tak a ni a, hengte hi lawmawm tak a ni. Tin, thalaite hmakhua ngaia infiamna lama hmalakna te, hei kan hriat angin Artificial Turf te A.R. ground ah te phah an ni a, Thenzawl ah Hockey Ground ah fur hma a tih leh tur tih Governor thusawi a lo lang te hi a lawmawm em em mai a, Power lama hmalakna te a nasa a hengte hi lawmthu sawina tur a ni.

Tin, Greater Aizawl Water Supply Scheme Phase-II hi Pu Speaker, hei kan sorkar hmalakna hi fakawm ka ti a, Congress Sorkar hmasa in bul a lo tan, kum 10 chhunga kal hleitheh lo, huaisen tak mai in Contractor hnathawk tha duh lo te an han ban a, tichuan chu Contractor chuan High Court ah hial te khing in, amaherawh chu Sorkar in thiam a chang a, chutiang chuan Department lamin an han enkawl chhoh hnu a 86% lai mai zawh an ni chho tawh te hi, Greater Aizawl in a a huam chin chhim leh hmar ah, hmar lamah Sihphir te, chhim lamah Falkawn te, hengten a tui intur hnianghnar an neih theihna tur a Sorkar in hma an la chho hi mipuiin nghakhlel takin an thlir a, i bial chhung Durtlang a Booster pump te pawh an ti phuisui chho mek a ni a, khing atang khian Sihphir lamte kal in TV Centre a Zonal tank atangin Zemabawk lamte sem darh tur an ni a. Hetianga hmalakna chak tak mai kalpui chhoh an ni thei ta a, a hma a sawprawp deuh thaw tawh, he Sorkarin a an chhonzawm chho hi a ropui a, lawmthu sawina ngawih ngawih tur niin ka hria a ni.

Tin, Land Revenue chungchangah, Land Revenue Administration ah hian kan buaina a rei tawh a, nichin lawk ah question hour-ah te pawh kan sawi a. Thawktute zingah engemaw inthlahdah deuh te lo awm mahse, mifel tak tak an awm a, an indaih lo em em chung hian tunah pawh Cadastral Survey and Planning hi indaih lo chung chung in ram tam tak an ti chho tawh a, hei hian kan buaina thin tam tak hi a rawn tireh dawn a. Heng an hmalakna te hi a lawmawm hle in ka hria.

Food & Civil Supply lamah hian Governor thusawiah pawh a rawn lang a, nikumah furpui laiin rail kawngte a chhia a, hel hoten supply line te an tibuai a, keini Mizoram chauh pawh nilo, kan thenawm State-te pawh an harsat em em laite khan tumah tam chhe lovin leh Kohhran-te hial inrawlh ngai lovin, tute nupui ten emaw Josefa buhzem tih te siam ve ngai lova he Sorkar in a min kalpui a, vawiin niah alo ziaawm leh ta a, lawmthu sawina thu hi a tam lo hle a, a harsat lain kan phun nuai nuai, Amaherawhchu, hei hi Pu Speaker, mihring zia te pawh a ni ve a, tunah hian heng Supply chungchangah te pawh alo ziaawm chho ta te hi a harsat laia kha mihring control theih bak thil a ni a. Tin, kan State chauh tuar pawh a ni lova. Tin, Supreme Court thupek in, truck in 90 qts bak phurh phal loh tih te khan harsatna nasa tak a thlen a ni.

Tin, sawi tur tam tak a awm a, Administration of Justice chungchangah te Sorkar hmalakna hi strong and independent judiciary awm tura infrastructure lam a Court building sak te, thawktu lakbelh chungchang ah te hian sawi tur tam tak a awm a. Ka'n sawilan leh duh chu Aizawl Municipal Council Election hmasa ber kan han nei thei ta hi

he Sorkar hi a fakawm ka ti a, a hma in mipui ten kan duh a, Steering Committee hial te din in an nawr thin a. Amaherawhchu, Sorkar kalta lamah khan (a pehhelna tur an zawng nge) development authority tih te, mipui thlan nilo te din ani a. Tunah mipui thlan chhuah ngei Aizawl khawpui enkawl tura he Sorkar chak takin term tir lam reilote chhunga dan te siam tha a, an ti chho hi a ropui hle mai a. Thuneihna insem zaina tur a ni a, phuisui chho zel tur, a bul tan kan ni a. Kum tam tak Municipal Council lo nei tawh te nen a intehkhin a, vawiin a Sorkar sawiselna platform anga hman erawh hi chu a fuh lo hle in ka hria. He Municipal Council hi “State Sorkara innghat a ni lo, mahni a ro in rel tur, mahni a ding tur ani” ti a campaign thin te khan vawiinniah chuan Pu Speaker, “Sorkar in a ti lo” ti a an iak an iak leh ta si te hi mipui hian an hre chiang hle in ka hria a. Politics a ram rawngbawlnate hi sumdawna emaw, hlawk tumna tur emaw ani lova. Dawr ruak nghak ang te in teh khin a, hlawk an lo tum em ni tih te pawh hi a ngaituah theih a. He Politics rorelna hi dawr nghak ang a sumdawna chi ani lova, ram rorelnaah kan inpe ani a, Sorkar finchhuah a, he khawpui hmasawna tura thawk tur, Sorkar nena thawk dun tur an nih laia Press Conference Press Release tih te, Pu Speaker, nu ancheh an sawi ang mai a, hawina lam apianga an an berh berh a hi an simte pawh a tha in ka hria. MLA-te MP-te ang a privilege nei anni lo tih an hriat a tul in ka hria. Chumi anih loh chuan an duh lo tawpin Court case emaw privilege motion emawte pawh hi an hmachhawn mai ang tih te pawh hi a hlauhawm in ka hria. Hei hi kan sawilang duh bawk a, lawmthu sawina tur tam tak a awm a, he motion hi ka support ani ka lawm e.

Lt. Col. Z.S. ZUALA : Pu Speaker, ka lawm e. A vai chuan han sawi pawh ka tum lem lova. A kar laklawh ami, a then then han sawi chhuah a, lawmthu sawina han hman ka duh a. A hmasa bera ka han sawi duh chu, hei, fair and just administration at all levels of governance, peace and tranquility tih te hi, kan House Leader avang hian Mizoram hi most peaceful State-ah te kan han awm a. Hengahte hian lawmthu sawi hi a tu a te pawh hian kan ba in ka hria. Kan sawi tawh ang khan tunhma-a Arms dealers ang deuh thaw a awmte pawh an awm a. Mizoram hi Arms leh Ammunition smuggle route ang deuh thaw-a kan awm tepawh kha tunah hi chuan a reh ta hle a. Hengte hi a lawmawm in ka hria.

Tin, a dawt lehah chuan Agriculture leh Sericulture-ah hian provision of quality seeds and sapling-ah hian, keimah ngei pawh hi hemi experienced tu hi ka ni a, tunhma khanin saplings min pe a, thlai chu tha an tia, saplings tha an ti a. Theihai-te phun a, a rah hma chi, a kung te chi an ti a. Kum 5/10 a liam tawh a, a la rah chuang hlei lova. Khatiang chi kha tunah hi chuan a awm tawh dawnlo niin a lang a. Hetah hian Sorkar leh a Department pawh hi fimkhur chho hle se.

Modern Slaughtering House, Mualpui kha a rawn sawi a, a lawmawm hle mai a. Hei hi Aizawl South-II Constituency chhung ami a ni a, a area saw 12 bigha vela zau a ni a. World Bank kalkawng atanga 400 mts. vela hla-ah sak tum a niin ka lo hria a. Salem veng V/C ten saw ram saw a thlawn in an pe a, a leina leh compensation engmah a awm lova, hmun tha deuh mai a ni. Anni ina an lo ruahman danah chuan khelmual-ah te emaw siam ila an ti a. Amaherawhchu, Department leh Satalh Association ina an han request khan “ram tan leh Aizawl khawpui tana tha tur anih phawt chuan hetilai hi chu phal takin

kan lo pe thei ang” an ti a, hei hi a lawmawm ka ti a. Tin, hemi credit pawh hi a veng V/C tuna Local Council an tih takte pawh saw pek a tha in ka hria a. Nakinah te pawh an la mamawh ang a, khawtlangina an duh ang zawnga he Slaughter House pawh hi kalpui theih nise a lawmawm khawpin ka ring.

Tin, Handloom kha a han sawi a, Mizote hi puan veng chi kan ni a, mipate pawh Kut puiah chuan puan vengin kan lo chhuak tawp mai a ni a, chuvangin kan demand hi a sang em em mai a, handloom hi han sawi zau ta hlek ila, kan mi chhawrte hi Kawl an ni deuh fur mai a, a theih chuan a Department leh kan Industry lamte pawh hian kan ram pawn atanga import kher lova local ah hian a loom te pawh hi siam tam ila Industry Department hian hengte hi subsidize rate a min pek theih dante hi an zawng chho zel thei anih chuan a lawmawm ang a, local mi hi weaving lamah hian train tam thei ila hma a sawn chak thei zualin a rinawm a.

A dawtah chuan Education hi quality education ah hian hma kan sawn hle dawn niin a lang a. Education Commission India ramah a vawihnihna Commission kan House Leader kaihhraina leh kan Education Minister leh a department ten hetiang an han ruahman thiam hi kan vannei hle in ka hria. An recommendation te pawh kan sawrkar in a pawm chho zel turah pawh ngai ila. Tin, quality education kan ti a, lehkha chhiar leh exam a tih that ringawt mai bakah hianin kan khawtlang nun siamthat nan hian kan naupangte hi fuih nasa ila school-ah hian manners leh etiquette te pawh in zirtir a ngai viauin ka hria a.

Tin, sports lam hi, hmanah khan in keima resolution ‘Mizoram sorkarin kan thalaite tana sports lama hma a lakna hi lawmawm kan ti’ tih kha min pass pui tawh anih kha. Nichinah ka hma ami member zahawm tak khan a rawn sawi a. Chief Minister team leh Speaker team kan MLA zawng zawng deuhthaw mai ina football an han khel te kha a ropui, khatiang kha kan sawi tawh ang khan khawvel ah ala awm ngai lo te pawh a niin an sawi a, tin, a awm leh pawh hi a rinawm tawh meuh lo. Tin, sports-ah hian sawisen lohvin, hma kan sawn zel, Rajiv Gandhi Sports Stadium Mualpuia tih mek saw kan in atang in a hmuh theih renga, an hnathawh dan pawh a lungawi thlak hle in ka hria. An ri map map reng maia, a hlawhtling mai dawn niin alanga, hei hi a lawmawm ka ti a.

Tichuan, Youth Commission hi Congress Party Manifesto ah khan in a lar khawp maia. Tunah hian kan Youth Commission hian chak takin hma ala a, hetah pawh hian Civil lampang subject hi atam hle in ka hria a. Chubakah chuan Defence Service ah hian kan thalai te a tam zawk an luh theihna tur hian hmalak na tur ala zau hle a, hetah pawh hian kan kal chho zel turah ngai ila, hmanni lawkah sipai a tang tur mi 253 zet mai kan Chief Minister zahawm tak te leh kan Education Minister te leh kan Art and Culture Minister te nen khan kan va send off a, khatiang te kha a ropui a, Hetiang Defence Service lampang ah hian kan Youth Commission pawh hian hma ala chho zel turah ngai ila.

Tin, a dawt lehah chuan Fire and Emergency Service, hman deuh khanin kan Home Minister zahawm tak leh kan Parliamentary Secretary tawiam in Fire equipment Demonstration kan zuk en a, an firemen te pawh an fit hle mai a. Tin, chubakah

equipment te pawh an nei tha a, hetiang lampang a hma kan sawn hi a lawmawm a, kan Bial, Aizawl South lampang pawh Fire lampanga tuar nasa pawl tak kan nia, thal rumah hian kan kang fo maia, kan Home Minister zahawm tak pawh hi sawtilai ah sawn temporary tala fire station min han dah sak turin kan lo request tawh thin a. Tunah hian Mualpui ah khuanin temporary in min dah sak ta niin min hrilh a, chu chu lawmawm ka tia.

Tin, a dawt lehah chuan Railway hi, nichin a ka hma a min a sawi tawh ang khan road transportation hi a expensive ta em mai a, truck te hian in quintal 90 aia tam an phur thei tawh si lova. Chuvangin kan tih ber tura lang ta chu railway hi a thui thei ang ber a Mizoram chhung a lak luh hi ni. National Railway Project Mizoram awm te hian kan economic nasa takin min phuhruk dawn tih hi a lang a, a lawmawm a. Tin, Serlui-B (DEPUTY SPEAKER : I hun a zo tawh dawn, duh tawk tawh dawn rawh)... atanga power kan han hmu ta te hi a lawmawm hle in ka hria a. Hei Governor thusawi te hi lawm na tur hliir ani a, kan han sawi tawh ang khan engemaw percentage tlem te a rawn tarlang ani mai a, a motion hi ka support ani tih ka han sawi ani, Pu Deputy Speaker, ka lawm e.

DEPUTY SPEAKER : Tunge ni sawi leh dawn le. Pu Lalthansanga.

Pu LALTHANSANGA : Pu Deputy Speaker, ka lawm e. Hei vawin ni ah kan Governor zahawm tak mai thusawi kan han sawi leh dawn ani a. Hei, kan Governor thusawi hi kan han sawi ta zeuh zeuh a. Nikum March thla khan kan sawi tawh bawk a, kha tah kha chuan kan sawi chipchiar ang reng hle mai a. Vawiin ni ah hi chuan in, ka duh ai hian a tawi deuh mah mah hian ka hria a, nge ni kan sorkar hi kum 2 chuang a kal ta a, achievement hi a nei vak lo em ni aw tih te ka rilru ah a awm deuh a. A point pahnihna han en hian in, remna leh muanna awmna tur atan a Police modernization scheme hnuai atang a hmalakna hrang hrang han en te hian tualchhungah thih na mak tak tak te hi alo thleng nasa a. Hman ni kan hnung lawkah khan eng hel nge tih pawh hriat chiah loh, rinthu deuh a sawi te keimahni ram chhungahte khua leh tuite inbeihnate pawh a han thleng a, silai tha tak tak te nen an invilik tih han hriat khanin, tun ai hian kan Sorkar hianin hma lak nasat a va ngai em ! heti laiah thu tha tak mai kan sawi tir a, a tak ramah hianin duh khawp lohna awm ve leh thin lai hi Sorkarin hma lak na tur ala nei nasa hle a ni tih a ti Chiang a.

Tin, kan Sorkar hi MoU chungchangah te khanin an sawi nasa hle thin a. Hei 4th IR te hi khawthlang lampangah duty an ni a. 4th IR ah pawh hianin tunah hianin post hi 142 vela ruak niin ka hria a. Chutiang ang vel a ruah lai chuan kan Sorkar hian post han fill up turte pawh hianin Finance ho khan an bandh ta emaw ni aw tih tur te khan a'n awm a. Khu laiah pawh khuanin hetiangah helho out fit ho te khuan in hma an rawn la huai ngam ta emaw ni chu aw tih turin a awm a. Chutiangte chuan rilru ngaihtuahnate a ti thui ang reng hle mai a.

Tin, hei NLUP chungchangah, January 14 atang khan NLUP chu kan han launch ta a. Hei pawh hi NLUP te hi a dawngtu tan chuan a tha hle mai a. A dawng ve lo tan chuan a itawm hle thei a. Tin, a dawngtu pawh hi Zoram mipui chiah ni lo hian party mipui ni mah mah hian a hriat a. Hetilaiah hianin party hian in 70 % vel te pawh hi chang ta u la, a bak hi chu a hmu awm pawh hian hmu ve se la tih hi he House zahawm takah hian Mizoram mipui aiawhin ngenna ka'n siam duh a. Mizoram Sorkar policy an ni tawh a. Congress Flagship Programme hi he House ah hian Mizoram Sorkar policy a kan adopt anih tawh avangin, ruling party chan bak hi tlem a zawng hi chu Pu Deputy Speaker a dah thei lawmni tih hi he House zahawmtakah hianin kan ngen duh bawh a ni. Chutianga tih theih te chu nise, he NLUP te pawh hi mitin thleng phak chanchin tha tih ang khan in he policy hi, Mizoram policy a ni thei dawn tih na a ni dawn a. Chutianga chuan in hei veilam a awm tan te pawh hian in a pawm theih dawn a ni. A pass na ah chu kan tel ni in a lang tih te kan sawi tel duh a.

Hei Agriculture chungchang ah buh thar tam kum te kan han puang mai zel a, he tih lai hian kan sorkar hian in buh kan thar tam lehzuall na tur atan hian engtingge hma kan lak tih te pawh hi ngaituahna a tam mai a.

Tin, Minor Irrigation-ah hian in Bharat Nirman Prime Minister flagship program hnuaiyah hianin project hrang hrang a tam hle maia. He project kalpui dan ah pawh a guideline in a sawi angin pumping system te leh chi hrang hrang hi introduce theih angin a sawi si a. Tin, chubakah chuan vegetable leh cash crop ah te leh a chi hrang hrang ah hian hman theih angin a kalpui a. Tuna kan kalpui dan hi chu line khat deuh ngawr ngawr in WRC a hmalakna atana han tih hi a tam angreng hle maia. A guidelines in a rawn tih ang hian kan sorkar pawh hian her ta se, kalphung thar kan hmu thei anga tih kha hemi MI bikah pawh hian kan sawi tel duh a.

Pu Deputy Speaker hemi Fishery bikah hian kan sawi duh chu, nikum te kha chuan NFDB atangin chutianga zat chu a lokal a tiin, sangha khawitute puihna tur a lo kala, chumi atan chuan sangha te pawh fingerling chuti zat chu pek an ni a, tih te a rawn reflect a, mahse tunah hi chuanin sangha chi leh a chaw pek anni a, subsidy in a chaw hi pek an ni an ti ringawt mai a, hemi chungchangah hianin kan sangha chi supply hi a te lutuk a, hriau hmawr tiat lek lek kha a ni a, achievement kha an sawi sanga, a tak hi han en mah ula, hei kan bial theuhah hian han ti mah ila, a production hi a tam phah lemlo ni hian a hriat a. Kan production a pun theih nan kan Co-operative Society te hi hmang tangkai ila tih hi Pu Deputy Speaker kan sawi duh deuh hlek a. Kan Governor hi damlohna in a tlak buak avangin a thusawi pawh hi a brief ta deuh emaw ni aw ka ti a, mahse a lutuk mah mahin ka hria. Cash crop te, Rubber, Coffee leh broom chungchang te a sawi a. Broom tih loh hi chu puitlin nana hun rei zawk mamawh a ni a P.C. kan Sorkar lai a kan lo buaipui tawh te an ni a. Tin kan agriculturist te hi Sorkar puihna dawng lemlova hlawhtling te an ni nual hlawm a, heng hote pawh hian NLUP dawng ve thei se an duhsak awm khawp mai.

S.S.A-te pawh kan han kalpui a, Mid-day meal hmuh theihna tur chuan No. of Student kan mamawh tam avangin Private School thlengin kan telh a, hei hi a tha hle a. Hetiang deuh bawh hian kan society hrang hrang te hi kaldan dika an kal chuan hma kan

sawn tlang nasa dawn a ni. Society hrang hrang thingtlang khua a awm hi tlem a han tanpui deuh a han tihpui deuh hi chuan in thingtlangah hianin kan inghahna bul ber berte pawh a ni chho in a hriat a. Thingtlang dawrkaite hi Bank-te nau hawng annih mai tawh thin avang hian an tlin loh chin hi alo thleng thin a. Chuvang chuan kan Sorkar hian chuti zawng deuhte pawh chuan Society te hi ngai pawimawh zualin an thu leh hlate uluk zawkin kalpui thin se tih kha kan sawi tel duh a.

Tin, Industry department chungchang hi a tha hle mai a. Hmalakna tam tak pawh a awm tawh a. Sairang Bamboo kan tlawh tum khan mak tih deuh ka nei a. Bamboo Industry ni na na na kha thing an lo khawih nasa em em mai a, a mak ang reng hle mai a, Subject-III Committee Chairman kan MLA zahawm tak Pu T.T. Zothansanga ho hian kan kal a. Vawiin niah hian kan Sorkar hian engangin nge hetiang laite hi keimahni mamawh ang zawng deuh hlek te pawh hian han kalpui theih ni sela ka ti a ni.

Tin, Connectivity hi han sawi leh ta ila. Hei PWD hnathawh, achievement tura kha nikum October, 2010 ah khan Governor Speech ah khan a rawn tel hnem ang reng viau a. Kan State chhungah pawh hian 400 Kms kawng hi sial tur a ni a. Chumiah pawh chuan thingtlang khua 32 nge ni Pu Dy. Speaker a number hi ka sawi soal palh hlauh a nih pawhin nakinah correct leh theihin awm ta sela, chutiang ang chu tih tur kha a ni a. Tin, Road & Bridges ah hian Tuichang bridge te pawh khi han tih ve mai pawh awma kan ngaih hi tun thlengin tih loh a la ni ta a. Khi tiang te pawh khi tih loh anih avang khianin an la tarlang ta lo emaw ni aw! ka ti deuh a. A chhan chu PC sorkar in a chhanchhuahna lei a siam khi keini chuan kan la hmang a ni a. Chu vang chuanin Pu Dy. Speaker, ti lai te pawh hi duh ai chuanin a tawi deuh hlek a. Hetiang laiah hianin kan sorkar hianin budget session puitling kan neihahte hi chuanin a achievement te hi han lang tam sela tih hi ka'n duh deuh hlek a.

Tin, Electric-ah hian in Serlui B Hydel Project hi commission theih mai tur angin a han awm chho va. PC party hian Current hi kan atchilh em avangin kan duh thawh em em mai a. Kan duh aiin a la tlem deuh tih kha ka han sawi duh a.

Tin, Pu Dy. Speaker, pakhat chiah ka'n sawi leh duh chu AMC te boruak nghak ang han tih te pawh hi subject transfer kha duh aiin a muang deuh hlek a. Finance Commission te pawh kan la nei chiah lo deuh nen, chhuanlam tur hi a tam rual hianin, kan sorkar ropui tak hian tan han la deuh teh se tih kha ka'n sawi duh a ni.

DEPUTY SPEAKER : Kan member zahawm takin a sawi Industries lampang in mau aia thing an khawih nasat thu kha kan dawng fo mai a. Industries department hi dan hnuaiah an kal em? tih kha en ve hrim hrim a tha in ka hria.

Awle, sawi leh tur in awm em? Sawi tur kan awm tawh loh chuanin, adopt turin ka'n sawm mai dawn em ni ? Sawi duh kan la awm em? Pu C.Ramhluna.

Pu C. RAMHLUNA : Ka lawm e. Tun tumah hian hei Pu Deputy Speaker, Governor thusawi kan han sawi ho leh dawn ani a, a lawmawm hle na a, mahse thil pakhat kan sawi duh chu a speech hi a vague deuhin ka hria a, point hrang hrang chu a touch na a, mahse han sawi tur tehchiam hi avang angrengin ka hria a, facts and figures a tlem em em maiin ka hria a, thu a tam a, chuang chuan facts and figures lama han kal dawn chuanin, sawi mai tur a awmlo viau a. Engpawh nisela kan ngaihpaawimawh zawngte kan han sawi thei tur hi, a lawmawm hrim hrimin ka hria a.

A hmasa bera ka sawi duh chu Pu Deputy Speaker, para 24- na, 'The first election to the Aizawl Municipal Council was conducted successfully' tih lai taka kha han sawi ka duh a. He election hi State Election Commission khan a conduct a, hei hi tun hma a kan hriat ngailoh kha a ni ve ve a, Municipal Council te, State Election Commission te hi hi kan hriat angin Mizoramah din a ni ta a. Hei hi Constitution provision kha a ni a. August 26, 2008 ah khanin State Election Commission kha siam a ni a. Chuta a tih tur a sawi chu, 'For the conduct of election of various local bodies in the state,' a ti a .

Tichuan a definition ah khan Local bodies means a ti leh a Municipalities, Autonomous District Council, and Panchayats and Village Councils a ti a. Hemi danin a phut ang chuan Municipal Council te Autonomous District Council te leh Panchayat te V.C inthlan zawng zawng te he State Election Commission hian a tih tur ni awm tak a ni a. Chumi base chuan Municipal Council Election te tha takin a conduct a, sawiselna pawh a awm lova, a fel fai hle pawh in a hriat a a lawmawmin ka hria a. Nimahsela State Election Commission hrim hrim hi ngaihthah a hlawh deuh em aw tih ka rilru ah a awm a. Mani Shanker Ayer khanin Minister a nih lai khan kum 2007 khan India ram pumpuia hman atan model rules a siam a. Chu chu State Sorkar tin Chief Minister ah khan a thawn vek a, a tih dan chuan State Election Commissioner chu All India Service Officers, IAS emaw IPS emaw IFS emaw an ni tur a ni a, kum 25 tal hna an thawk tawh tur a ni a. Tin, chubakah chuan an service chhung khan Election an lo conduct tawh tur a ni a ti a. An Salary pawh kha High Court Judge angin a ni tur a ni a ti a. Chu chu Fifth Pay Commission-ah khan ₹ 26,000 a ni tur a ni e tihna kha a ni a. Chu chu Sixth Pay ah chuan a apex scale anih avangin ₹ 80,000 a ni tihna a ni a. Tin, State Election Commissioner hi kum ruk chhung atan a appoint tur a ni a, emaw kum 65 emaw anih thleng thawk tur a ni tih kha a ni a. Tichuan tunah chuan Mizoramah State Election Commissioner chu kan hria a. A hming pawh han sawi ta ila, Pu C. Ropianga a ni a, amah hi IAS Officer a ni a. A pension hmaa lut kha a ni a. Nimahse a pension kha a rawn pawmsak tak avang khan an dah chho ta kha a ni a. September 2008 khan a zawm a. Tichuan a hlawh kha model rule an rawn tih ang loh khan ₹ 24,500 ang khan dah sak a ni a. Model rules hmuh a nih atang khan ₹ 26000 ah khan a hlawh kha a dah a ni ta a. A rual hian Chief Information Commissioner ₹ 30,000 in a dah a. Chief Secretary ₹ 16000 in an dah a. Vice Chairman ADA kha ₹ 26000 in dah a ni a.

Tin, Chairman MPSC kha ₹ 26000 in dah chhoh a ni a. Tin, Chairman Election Commissioner pawh kha ₹ 26000 ah dah chhoh a ni a. Tin, Member, MPSC leh ADA Secretary kha ₹ 24,500 khan dah a ni a. Hei hi Oct. ni 8, 2008 khan order pakhat chhuah a ni a. Hemite zingah hian Chief Information

Commissioner leh Chief Secretary Govt. of Mizoram hi Sixth Pay an enjoy tir ta a. Tichuan Chief Information Commissioner chu ₹ 90,000/- Chief Secretary hi ₹ 80,000/- ah dah ani. Nimahse vawiin ni thleng hian State Election Commissioner leh Chariman MPSC leh Vice Chairman ADA te hi ₹ 26,000/- 5th Pay Commission recommendation ang khan an hlawh hi an la ta char char mai a Mizoram a Sorkar hnathawk zawng zawngin 1.1.2009 atanga 6th Pay enjoyed tawh si laia vawiin ni thlenga anni pathum 6th pay an la enjoy ve loh hi discrimination lian tak ni in a lang a. Chuvang chuan Pu Deputy speaker hei hi chu sorkar hian a rang lama lo ensak a an entitle anga arang thei ang ber a 6th pay anga hlawh pek hi an ti thei lawm ni tih ka han zawt a ni. Anmahni tan Sorkar han dawr pawh thil harsa a ni ve mai thei a, mahsela House atanga kan han sawi hi kan tihve theih awm chhun ania kan han sawi sak a ni e.

Pu Deputy Speaker, State Election Commissioner ho hi State hrang hrang atang hian ₹ 80,000/- an lo la vek tawh a. State Election Commissioner Mizoram ami chauh hian ₹ 26,000/- ang khan an la ani. Tenure of office hi state hrang hrang ah hian a dang deuh nuaih a, model rules an tih ah kha chuan kum 6 chhung thawk se tih kha a ni a. A nih loh chuan kum 65 thleng an thawk tur a ni a ti a ni. Tamil Nadu ah hian kum hnih an ti phawt a. Nimahsela kum hnih dan zelah khan an extend sak a. Tin, kum thum te pawh kha state pasarih ah hian an awm a. Kum li ti kha Assam a ni bik a. Kum 5 ti kha State sawmpakua an ni a. Chuvang chuan Mizoram pawhin Hemi Election Commission Rules a lo siam hian kum 3 chhung atan emaw kum sawmruk panga nihin emaw tih kha a ni a. Hemi hi Pu Deputy Speaker, keimahni Rules a nih avangin amend leh revise theih a ni a. Chuvang chuan Rules hi revise niin helaia model Rules an siam ang hian tuna kum 6 an tih hi ni thei ta ang sela. Tuna a existing incumbent a phei hi ka zawt chuang lova. A duh nge duh lo pawh ka hre chuang lova. Nimahsela, a model rules anga tih hi chu theih ni sela a tha lawm ni tih kha rilruah a awm a, chu chu vawiinah hian kan sawi duh a.

Tin, chu bakah chuan State Election Commission hi kan nei ta vek vek a nih si chuan leh State Election Commission hianin local bodies-te inthlan hi a conduct tur a ni tih kan Rules a a awm baw si avang hian Municipal Council (Panchayat kan nei lova). Village Council Mizoram chhung mai ni lo hian Autonomous District Council inthlante leh Autonomous District Council chhunga VC Inthlante pawh hi State Election Commission tih tur awm tak a ni. Kan Rules hian various local bodies a tih si avang hian. Chuvang chuan anmahni District Council thuneitu ten a an VC an thlan tir mai ni lo hian Autonomous District Councils-te hian V.C. kan neih baw si avang hian anni hian District Council chhunga Village Council leh MDC inthlan pawh hi State Election Commission conduct tur niin a lang a. Kan Rules hian a provide tlat avangin. Hei hi tih theih a ni lawm ni ? tih hi ka sawi duh a ni. State hrang hrang pawhin an lo ti nual tawh a.

Assamah pawh Bodo Land Territorial Council pawh an lo thlan tir tawh a. Tin, Tripura ah pawh hian Autonomous District Council thlanna pawh kha an lo conduct tir tawh a, Manipurah pawh hian Autonomous District Council thlannate pawh an lo conduct tir tawh a, chuvangin hengte pawh hi tih theih nisela a tha in ka hria a, tin, Administrative Reform Commission Govt. of India in a siam 15th Report pawh in alo recommend ve tho

bawk a, State Finance Commission leh State Election Commissionte hi District Council chhungah hian function tir ve rawh se tiin Administration Reform Commission pawh hian in an 15th report ah khan an lo recommend tawh bawk a, chuvangin State Election Commission hi District Council pawn ah chauh ni lovin District Council chhungah pawh sawn function tir theih dan a awm lawm ni tih hi waviin ni hian ka rawn dinpui a ni e, ka lawm e.

Pu K. LIANTLINGA : Pu Deputy Speaker ka lawm e, waviin ah Governor Speech sawihona leh lawmthu sawina te kan nei thei a, a lawmawm viau va, 2009-ah te, 2010-ah te, kan sawi tawh a, a thu draft ah hian tu han tih nge ni ang aw tih te ngaituah theih in ka hria a, a thu han luh chilh tak tak leh fact and figure awm lutuk lo nihna laite pawh a awm in a hriat a, number 6-na ah pawh hian hmunphiah chung chang thu ah te, cash crop te a han sawi a, hmunphiah te hi farmers neinung deuh chin te a awm a, khang ah te kha chuan in a chhiah te kha lak a ni lem lova, amaherawh chu, heng a tualto leh mirethei harsa zual zawk ten an lakna ah te hian mumal taka thiltih a awm lo hi a pawl em em mai a. Farmers te chu lo duhsak deuh pawhin lang mahsela, a mirethei leh a chhumchhe zawk te hi \square 35 in per Kg ah an lak lai hian \square 7 te chhiah an laksak a ni. Tin, \square 50 thlenga an hralh pawh khan \square 7 an la a, \square 35 an an hralh chuan 20% vel chhiah han laksak te hi chu a nasa lutuk deuh a. Hengte hi tha takin kan ti ang tih mai ai hian enfiah ngun a ngai hle in ka hria a, mirethei ten harsatna an tawh phahna lai tam tak pawh awm in a lang a.

Tin, Co-operative movement tihchak chungchang No. 7-na in a sawi te pawh hi tha hle in lang mahsela, Co-operative movement a MIZOFED, PIGFED leh thildang dang an tarlan ang tluk tho hian kan public sector te hi an pawimawh a, tunah hian hlawh la lo te pawh an awm a, khangte kha a highlight leh miah si lova. Harsatna, problem sawifel zawng ni lo in vague taka thil ti te pawh a ang mange aw tih theih deuhthaw niin ka hria, hlawh la lo in thla hnih thla thum, thla ruk lai te emaw hlawh la lova an awmlai hian, a tihchakna turte hi telh ani leh mang si lova, hengte hian rilru a tibuai ang reng viau in a hriat theih a.

Tin, hei nikum khan Resolution kha putluh a ni a, tin, Directorate of Geology and Mineral Resources-te pawh din a lo ni a, nikum September khan a ti a. An Budget kha Cheng nuai sawmsarih emaw a lo ni a, Director ngeth pawh nei lovin Secretary ten an kawp a, khatiang khan mumal lo tak in Department Secretary ten an han kawp a, department 5/6 lai kawpte kha chuan harsatnate pawh awm thei a ni. Helai hi tha angin lang mahsela, chhut chian a dawl lo deuh awm mang e. Tin, an lakluhte pawh hi kumin chhunga an beiseinaah chuanin Revenue-ahte pawh hian cheng nuai 600 chuang nuai 700 laite pawh la lut thei tur awm angte pawhin a lang a, khatiang anih kha chuanin nikum September ni 1-ah din a ni tih mai lo deuh khanin an hmalakna tur leh a ruangam fel deuhthe pawh hi tarlan nise a tha viau in a rinawm a, kumtharah phei hi chuanin hetianganga din a lo nih tawh hi chuanin kan sawrkar te pawh hian chak zawka hma an lakte pawh kha a tha hle in a hriat a.

Tin, point 9 na SSA leh RMSA chungchangte hi chu a kal dan thui tak a sawi lem lova mahse thil pakhat a tarlan CCE chungchang hi a pawimawh hle in ka hria a. Hei hi sawrkar hmasate pawh khan an lo ngaihtuahin an lo thlir tawh thin a, chutah chuan tih tlang ngam loh a ni thin a ni. Amaherawhchu, tuna reform commission in an han siam hma an laknaah hi chu a tha in ka hria, a implementation-ah hi chuanin tan lak ngai hle tur ni te pawhin a lang a. Governor speech ah hian a vaiin lang lo mahsela sawi thui deuh ka duh a, curriculum chungchang ah hian kan ram hmasawna tak tak tur chuan zirna atang lo chuan a in tan thei lova, tuna CCE introduce a, tin, SCERT ten curriculum an han la a, hetiang a ruahmanna an kal chho te hi thil lawmawm tak niin ka hria a, a thenah chuanin belhchian dawl lo angreng tak, a thenah chuanin tha angreng takte pawh a ni tho va, chuvang chuan a draft tu lamte pawh hian tlema fimkhur deuh chu a tha mai awm mange aw tihte ka ngaihtuah a.

Tin, heng artificial turf chungchang a ka sawi duh leh chu tupawh Mizoram thalaite chuanin tlumte a thlir a kan lo thlir Assam Rifle parate ground a ni emaw, stadium a ni emaw heng ang thil tha kan neihna turah te pawh hian hma chak taka an lakna chungchangte hi chu a tha viau in a lang a. Point 11-naah hian Youth Commission chungchangte pawh hi a rawn tarlang a, helaiah pawh hian ngaihtuah ngun a ngai hle in ka hria a, Youth Commission hian thui tak hma an lakna chungchang thu hi hriat tur a tam lo viau mai a, amaherawhchu tih chhoh zel a ni e tiin counselling leh guidance chungchang thu te an sawi a. Amaherawhchu, hengte pawh hi kan sawrkar hian chak zawka hma a lak a ngai a ni. A chhan chu kan Governor hi thu mumal lo deuhin kan sawi tir ang tihte pawh hi a hlauhawm a, chuvang chuanin kan department lampang te pawh hi an fimkhur a ngai awm mange aw tih te ka ngaihtuah a. A chhan chu kum 2009-ah khanin a thusawi No.11-naah khanin Government of India chuan cheng vaibelchhe 60 a sanction tawh a, tin, mega food park atan hian cheng vaibelchhe 15 sanction tawh a ni, hei hi tih chhoh tum mek a ni tiin a rawn sawi a ni. Tunah hian tih a awm si lova Mizoram Food Processing Department te pawh din a ni chuang silova, tin, a department MIFCO berte pawhin hlauh an la thei bawk silova, thusawi hi mumal taka sawi atha a, nakin zel atan pawha thu belhchian dawl hi kan Governor hian a sawi te pawh atul in ka hria. Tin, hetih laiah hian nichina kan member thenkhat te pawh khan an sawi tawh a, 86 % of the on going Greater Aizawl Water Supply Scheme Phase II has been completed a ti ani. Hemi pawh hi, tunah hianin nikum September a ka zawhna ah khan starred no 78 na ah khan, '2010-2011 chhung hian pawisa engzatnge dah anih' tiin ka zawt a, 'pawisa pakhatmah dah anilo' tiin min chhang a ni. Department te pawh hi an thil feed ah hian an fimkhur angai a ni, lo thawk tho pawh nita sela, helaiah House zahawm tak ah member ten kan zawh na min chhanna ah chuan 'pawisa dah pakhat mah a awmlo ani', an ti ani. Kha kha tunah hian kan Governor Speech ah hian 86% on going work ah zawh a nia, khatiang ang ah khanin thu inkalh te, thil awmthei anih avang hianin ngun taka kan thlir pawh a ngai hlein ka hria a ni.

Tin, no 18-na ah pawh hian Mizoram Revision of Pay Rules, 2010 chu implement ani, atia. Ni 1.1.2006 atangin a effective a, ni 1.1.2009 atangin a thatna hmuh ani tih ania, heng ah te pawh hian tunah sorkar hnathawk, Group 48 velin Pay Anomally an la nei a,

thil Chiang tak lo hi chu telh lo sela, kan State head-te an ni a, Chuvang chuanin, hlawh la lo tam tak leh an pay pawh fel lo tam tak an awm lai hian hetiang han tarlante hi thil tha ber a ni an gem ? tih te kha ka'n ngaihtuah a. Chuvang chuanin uluk taka kan thlir a, kan zir chian a tul viau in ka hria a.

Tin, No.20-na Mizoram State Consumer Dispute Redressal Commission tih chak chungchang-te hi chu a tha a. Consumer-te hi mipuite hi kan ni a. Hengah hianin sumdawng hausa zawk leh a Sorkarte paw'n inpalzutna tam tak a awm thei a. District Forum-ah te State Commissionah te pawh hian tih chak leh zual a ngai em em a ni tih pawh a hriat a. A leh lamah chuan a lawmawm hle in a zuk hriat theih a. Khang kha a vaiin a sawi zawh theih loh va, hei point 30 lai emaw a ni a. Minute 10 chung chuan han sawi zawh theih chi ni pawhin a lang lo va.

Tin, a tawpnaah chuanin point 27-naah hianin Autonomous District Council Grant-in-Aid chungchangah hian ₹ 15388 lakh pek an nih thu an tarlanah te pawh hian ngun taka kan ngaituah a ngaiin ka hria. Central Sorkar in kan budget-te min rawn pe a. Kan pass a, chung ang min pek a chu, tha taka min pek a, mumal taka min pek kan duh rualin, keini hnuaiia District Council-te hi uluk taka ngaihtuah a, an fund hi a hunah kan release-te pawh a ngaiin ka hria.

Tunah hianin hei direct funding tihte pawh hi an sawi a. Hetah hian kan House Leader zahawm takin a recommend tihte leh kan MP te pawhin an recommend tihte a awm a, heng ang ngai a ti lo hian kan State sawrkar hian uluk takin heng Autonomous District Council, State sawrkar hnuaiia an rorelna leh anmahni a fund an neih ang chite hi chu kan pek ran a, kan pek that a an hman dan turte pawh uluk taka enpui a ngai a, kan duat a ngai a ni. Chuti lova anmahnin direct funding an nih chuan UT a ni mai a, kha kha tunah entirnan lo ti dawn ta sela, khami recommendation chungchangah pawh hian kan State sawrkar hian a ngaihtuah Chiang em aw ka ti a, Sixth Schedule hi ennawn a ngai mai thei a ni, lo phal dawn pawh ni ta sela. A chhan chu, Pu Speaker, kan sawi zo law law ang e, khawngaihin, hemi chungchangah hian ngaihtuah ngun ngai ni a ka hriat chu, Maharastra emaw State lian tak tak ten Autonomous District Council te an lo nei ve tho va, khang ang zawng zawngte nen khan ang khata ti tur chuan heti laite pawh hi an lawm nana sawi mai em ni, a tak tak tur hian Sixth Schedule amendment siam tur hian kan nawr dawn em ? Khatiang kha a nih si loh chuanin tuna tha taka anni hote pawh hi fund te pawh hi kan release that sakte pawh hi a ngai awm mang e. Awle a tawp nan tunah hian uluk takin ruahmanna kan nei thei em ? tih kha Pu Dy.Speaker, ka'n sawi ve duh a. Amaherawh chu a tlangpuiah hi chuan a tha a, kan pass ngei te pawh a tha in ka hria, ka lawm e.

DEPUTY SPEAKER : Awle, hei dar 1 a ri a, kan chawhma hun chu a zo ta a, kan chawng a, dar 2 ah kan chawhnu thutkhawm kan lut khawm leh dawn nia.

2 : 00 P.M.

SPEAKER : Mi parukin kan sawi tawh a, tunge han sawi leh dawn le? Pu P.P. Thawla.

Pu P.P. THAWLA : Pu Speaker, ka lawm e. Kan sawi rik duh hmasa ber chu Governor Speech a point/para 27naa Autonomous District Councilte sum pek chung chang kha a ni a. Mizorama Autonomous District Council pathumte population hi Mizoram population pumpuiah 6% hi a awm vein ka chhut a, sum pek heta lo lang hi, nuaih 15388 tih a ni a (plan sum), hei hi han sem sawm hianin 2% ang vela chang ang a ni a. Chuvangin tuna Council pathumte dinhmun han thlir hian ram tih hmasawna tham development sum a tling loin a lang a, chuvang chuan a aia tam zawk pek theih nisela a tha hlein ka hria a. Council hi Mizorama rorel lai sawrkar zara Sorkarna siam a nih thin hianin appointment pek chungchang ah te, sum hman chingpen chungchangah te an huangtau leh zual thin niin a lang a. Chuvang chuan hei hi a chhuanawm vakin a lang lova. Tun aia nasa zawka Council pathumten hma an lo sawn theihna tur chuan Plan sum hi tun aia tam zawk 6% vel ang tal pek ni sela chuan a ziaawm dawn mange tih ka rawn sawi duh a. Tin, hna lak chungchangah 2000-2010 inkar kum 10 chhung bikah hian C.E.M 7 a inthlak hman a Mara Council bikah chuan. Tin, nominate-te term laklawha ban, a dang lak leh tih te pawhin hian sum a tihek baw k a.

Hetianga Sorkar a kal thin hian rorelna a ti zahawm lova Sorkar a tihzahawm lova. Hetiang thil hi chhuanawm lo tak a niin ka hria. Chuvang chuan Council Sorkar-te pawh hi State Sorkara inngat mai a nih avangin a controlling-te pawh tihthat deuh ni sela. Tin, hetianga MDC zahawm takte chhan leh vang dang awm lova politically a ban an ni leh mai thin te pawh hi awm tawh lo sela. A chhan chu khatianga duh duh thil tih theih a nih lai khan Sorkarna a ti zahawm lova, sum leh pai hman chungchangah pawh in sumkarna awm lem lovin duh duh a che thei anga in ngaihna hi mumal zawka control ni sela thain ka hria a. Chuvang in hemi council 3 tana nuai 15388 pek mai hi chu a tlem lulai deuh a ni lawm ni. Chuvangin Sorkar chak tak hianin tun aia tam zawk hi pe thei sela a tha ang tih ka han tarlang duh a. A dawt leh ah chuan point 25 na ah thingtlang mite tih hmasawn nan Centrally Sponsored Scheme atanga pawisa tam tak pek anga lang thinah tunhnai maia langsar zual chu BRGF sum hi a ni a. Thingtlang lamah chuan nasa taka tangkai pui theihna turin nuai tam a tling ve a. Chung zinga ka han tarlan duh chu tunhnai maiah khan JCB pakhat lei a ni a. Thingtlang mirethei te inhlawhfak na tura sum pekah hian JCB khawl lianpui mai lei nan hian Central in a pawm pui reng em? A khawih tu te remruat chawp mai nge ni? Central sorkar ten an pawmpui ngei em? approval lak a ni em? tih ka han tarlang duh a ni.

Tin, BRGF sum lak chungchangah pawh hian thingtlang mirethei zawk te in hlawhfakna tura siam a nih lain Council a politician te election atana inbuatsaih nana sum tuak nan an hmang ani ber mai lawm ni, a guideline ang te pawh hian an thawk tha na nge? Tin an hnathawh te pawh hi achievement a tha em? a sum nen a in phu tawkin hna an thawk tha em tih pawh hi uluk zawk a enkawl anih loh chuan State Sorkar hian mirethei zawk te in hlawhfak nan heng

ang scheme-te hi pek an ni a, nasa takin hma an sawn tih ringawt kha a ni thei lova. Chuvang chuan hemi chungchang thu hi House ah hian ka han tarlang duh a ni. A dawt leh ah chuan NLUP hi mipuite beisei angina a kal chak thei lo a, kum hnih vel a ral tawh a, mipuite beidawn tawh lampangah a let li aia tlemin sem chhuah te al a ni ta cheu a, hei te pawh hi Sorkar programme pawimawh ber a nih rau rau chuan, chak zawka hmalak dan a awm thei lawm ni. Heti mai hi chuan a chhuanawm tawh lo e, tih kha ka han tarlang duh bawh a ni.

Tin, Mizoram rorelna hi hnam rilru ang nilo, Central party te chakna rinchhana Sorkarna kalpui a ni hian ram mipuite rilru sukthlek hi a ti danglam khawlo vek ni a hriatna ka nei a, chuvang chuan, mipuite pawh hian lova a innghat, lo siama ei zawng thin, za ah sawmruk vel hi kan ni tih tarlan a ni a, a lawmawm hle laiin tuna a practical a, a landanah chuan thingtlang lamah te pheih chuan, Sorkar kallaia inngah la tumna rilru nen hianin, hnathawhna chang pawh hrelo, awlsam taka sum leh pai hmuh theihna ringawt ngaihtuah hian mipui hi Sorkar hian an hnuk lui a ni lawm ni. Chuvang chuan henge pawh hi uluk zawk chiang zawk leh tha zawka kalpui leh zirtir hram hram ni sela, a tha hlein ka hria a. Sawrkar kallai hian Central sum chutiang khatieng zat kan la chhuak a ni ti a, chanchinbu a kan chhuah chuai chuai lai hian, thingtlang kilkhawr ami ten kha kha engtianga, diklo deuh hmang pawhin ei ve dan leh hmuh ve dante a awm mahna tih beisei ringawt hian an hotute an zar buai a, Sorkar kallai tan pawh a luhai thlak a. Chuvang chuan sum leh pai, ram mipuite kawhmuh chungchangah leh sum leh pai hmanga hnathawh chungchangah hian tun aia tha zawka a kal loh chuan Sorkar chhuanawm leh Sorkar zahawm hi an siam thei lovang tih hi ka ngaihtuah a ni. Chuvang chuan hemi chungchangah pawh hian ram mipuite Pathianin a hnam thlan kan nihna ang taka hnam rilru pua ei leh in kan zawna kan ram hi tihmasawn tumna rilru kan neih theihnan tute pawh hian Sorkar siam ta ila chumi rilru pua mipuite kan zirtira kan kaihhruai hi a tha hlein ka hria.

Hei, ranvulh a mipuite eizawna tur kawng dap sak tih te kha point 5-naah a lo lang a. Sorkar hmasain thingtlang mite khawsak ve nan a ti a. Livestock, Vety Deptt kaltlanga Piggery village siamsak an ni te pawh kha a tirah a tha dawn viaua a lan laiin tun Sorkarah khan enkawl zui theih a ni love tia thiah sak a ni ta mai a. Chuvang chuan hetiangah kan Sorkar a kal chuan mipui te moral hi kan tichhe thei hle ang a. Tin, chubakah an khawsak phung te pawh khawngaihthlak takin kan dah mai ang tih te ngaihtuahna mi siam a. Chuvang chuan heng kan kalphung hi uluk zawk leh ngunthluk zawka ngaihtuah chungah kal hram hram hi a tha dawn hlein ka hria a. Chu chu ka han tarlang ve duh a ni e. Pu Speaker, ka lawm e.

SPEAKER : A lawmawm e. Hun a hmang dik chiah mai. Tunge han sawi leh dawn le? Pu Zothangliana.

Pu H. ZOTHANGLIANA : Pu Speaker, ka lawm e. Hon'ble Minister, Industries tanpuitu, puibawmtu ka nih vena zawn atangin kan member zahawm tak thenkhat ten an rawn tarlan te kha thenkhat han sawifiah ve tha in ka hria a. Pakhatna ah chuan kan

PSU te Public Sector Unit, MIZOFED han te, ZIDCO leh KVI Board te leh a dang dang te a thawktute hlawh bat teuh niawm a hriat kha a upto date lo palh niin ka hria a. Keini lam hriat danah chuan tun thleng hian hlawh an hmuh tur chin chin chu pek fel a ni tih kha kan sawi duh a. A dang leh ah chuan, kan Deputy Speaker zahawm tak pawhin a a ngaih pawimawh Bamboo Industry ten teak an buaipui nasa a, an thawn chhuak nasa tih kha han sawi leh hlek ka duh a. Kan dan ah chuan, Forest lam dan te nen a en kawpin, Forest Reserve Area pawn lam Kilometer 8 pawn lam ah chuan permission hranpa ngai lova tih theih dan a awm a. Tin, engemaw zat vairam lamah teak zaisa te thawn chhuah a ni tih kha a dik a. Amaherawh chu hei hi mipui hamthatna ngaihtuahna avanga tih a ni a. Zoram tana thil tha ni a hriat avanga kalpui mek a ni tih ka sawi duh a. Heng thing zai te hi zai thar ni lovin tunhma atanga an zai tawh an lo buaipui em em tihngaihna an hriat mang si loh a te kha a ni a. Tin, Board of Director, Venus Bamboo Product Limited kan tih Company a Board of Director ah hian Industry lam mi chauh tel lovin Conservator of Forest, Forest Department ami te pawh an tel a, anni te nen a engkim sawiho a in hretlang a, dan zawh famkim thlap a thil tih a ni tih kha a tawi zawngin kan sawi zawk duh bawk a ni.

A dang leh ah chuan Mega Food park chungchang te pawh kha sawi rik a ni a, cheng vaibelchhe sawmpanga lai mai hmuh mai tur anga sawi a ni a, tuntumah hian a lang leh ta si lo Governor Speech ah te pawh khan tih kan han hria a, a dik a. A chhan chu thildang vang ni lovin kan hmu leh dawn ta lo tihna lam ni lovin DPR siam ten hun a lo duh rei deuh a, chuvangin kan duh anga hma ah kan thlen tir thei ta lo deuh hlek a, chumi avang chuan a first phase ah sanction hman a ni lova, second phase ah kan rawn sanction dawn e tiin Industries Minister, Govt. of India in Assurance min pe a, tunah hian kan nghak mek a, kan hmu mai tur ah kan in beisei a ni tih kha kan sawi a ni.

A dang leh ah chuan Pu Speaker, thildang deuh hlek han tarlan zawk ka duh a, Pu Speaker, nangmah pawhin i ngai pawimawh niin ka hria a. He House zahawm taka Official lam te duty tura nilenga thu tura tih ni thin si hi Question Hour chauh a duty tur angah an in ngai nia a lang tlat mai a hi a paw ka ti khawp mai. Legislator ten kan duh leh kan ngaih pawimawh zawng ram leh hnam tana thil tha nia kan hriat kan sawichhuah te hi kan official te, kan bureaucrate hian an ngaihthlak a, an hriat a an ngaih pawimawh zui hi a tul hle in ka hria a, chu chu Pu Speaker, i phalna in nang pawh in i ngaih pawimawh a ka hriat avangin han sawi tel zawk ka duh a ni. Kan Governor thusawi ah khan thil tamtak tarlan a ni a, chutihruah chuan kan member thenkhat zahawm tak tak tena an sawi angin duhthalin engkim erawh chu tarlan theih a ni lova, a tul ber bawk lova, kan Governor zahawm takin a sawi ang khan tuna deliberation kan neih chhoh mekah hian thil sawifiah ngai te, sawibelh ngai te kan sawi chho zel dawn a ni mai a.

Member thenkhat tena chu pawh chu pawh kuta 'ziak a ni lo, tarlan a ni lo' an tih zawng zawnga kha chu duh chuan tarlan vek theih a ni teh meuh mai a. Amaherawhchu chu chu tul ber lem lova hun khawhralna mai a ni ang tihte pawh an hriatthiam ve tho ka beisei a ni. Industry chungchang ah Industrial policy 2010 draft fel tawh a ni a. Chu chu a

tul anga umzui tura tih mek a ni a. Hun lo inher danglam zelah mamawhna te pawh a lo inthlak danglam zel a.

Tin, kan industrial policy neih meka hi duhthu sam tawk lo laite a awm avangin han siamthat leh tihdanglam hlek hlek ngaite a awm a. Awmze nei zawk leh tangkai zawk deuhin realistic zawk deuhva industrial policy neih hi a tul a ni tih kan hotuten an tih anga bawhzui mek a ni a. Thil lawmawm tak niin ka hria a ni. September 1st 2010 ah Congress Party in Election dawna Manifesto a in tiam ang ngeiin Directorate of Geology & Mineral Resources tih chu dinthar a ni te pawh hi thil lawmawm tak a ni. Tunah hian duhthusamin kutke, fu ke a changtlung tawk lo deuh tih hi kan pha hauh lo a. Amaherawh chu kan State sum dinhmun te ngaihtuah chuan theih ang tawk a hma laka tih changtlun chhoh mek zel a ni tih kha kan tarlang duh a ni.

Handloom lamah te pawh Sorkarin theihtawp a chhuah mek a, hmun hrang hrangah hmalakna thar a nei mek zel a, thil lawmawm tak a ni a. Abikin han sawi ta ila, thil thar deuh kan neih pakhat chu Handloom lam buaipui tute Sangau, Vawmbuk leh Bualpui NG ah te chuan Handloom lam buaipui tute tan mi 20 khaw tinah thlan chhuah an ni a, sawrkarin tanpuina te a pe a, heng ang hmalakna thar te pawh hi hmundang dangah kal chhohpui zel tum a ni.

Sawi tur a tam hle mai a, kan tawng rang ve mang si lova, Pu Speaker, hun te min han pek belh thei deuh la ka duh hle mai a. Mahse a remchanglo anih pawhin kan hrethiam ang a. Engpawh nise Transport lamah kan kai daih ang a. Ministry form tirh atang te khan kan Transport Minister zahawm tak hnenah hian kei pawhin ka han thlen a, ka han ngen ve thin a, Aizawl to Sangau tihte, Lawngtlai to Sangau Bus service te hi kan mamawh em em a ni mipui harsatna min chhawk zangkhai turin. Hma kan sawnpuiin kan hlawkpui dawn em mai ka ti thin a. Ani pawhin min ngaih pawimawh sak a, tihhlawhtlin thuai kan tum dawn nia remchang hmasa berah a ti thin a, ka lawm em em a, kan mipuite pawh an lawm a. Chu chu tunhnai te tak takah hian Lawngtlai to Sangau Bus service te min pe thei dawn niin ka hria a, ka lawm hle a, lawmthu he House-ah hian han tarlan ve hrim hrim ka duh a ni. Thildang tam tak pawh a awm kan sawi vek seng lovang.

Power & Electricity lamah kan Chief Minister zahawm tak hmalakna avangin Tuivai Hydrel Project te pawh Central Sorkarin min ngaih pawimawh sak a. Tunah pawh an tih mek angin Power & Electircity lamah kan Chief Minister zahawm tak hma lakna avangin Tuivai Hydrel Project-te pawh Central Sorkar-in min ngaih pawimawh sak a. Tunah pawh an tih mek ang in, hmalamah pawh an ngai pawimawh zel dawn a. Kan sum mamawh ang ang te pawh minrawn pe dawn a ni tih kan Chief Minister hnen atangin kan han hre ve leh zel a, a lawmawm ka ti. Hemi chungchangah Power lamah thil pakhat ka han tarlan zawk duh chu chhim lam line ho, hruipui kal hi lo vah leh hal vel avang hian kum tinin a chhe fo mai a, A pawh hle in ka hria a. Engpawh nise, he House zahawm tak kaltlang hian mipuite helam mawhpurhna neitu zawng zawngte pawh min fimkhur sak hram turin ka ngen a, ka chah duh a ni. Mi pakhat fimkhur lohna avangin mi sing tel, nuai tel teh meuh in harsatna kan tawk thin a ni tih min hriatthiampui theih hram hram kan duh tak meuh meuh a ni.

Pu Speaker, kawngpui lamah pawh hian kawngpui a tha tawh lova, duh thu a sam lo tih kan hria, nimahsela, Sorkarin theihtawp a chhuah mek zel a, chumi zarah chuan kawngpui tha kan nei dawn a, Silchar to Aizawl to Lawngtlai two lane te, Lawngtlai to Myanmar border double lane te kan nei thuai mai tur leh a thenahte phei chuan hna tan mek a ni te pawh hi thil lawmawm tak a ni. Chutih rual chuan Siachangkawn to Vawmbuk road kum 10 vel liamta atang tawh a buaipui tawh vawiin thleng a thawh hleih theih loh a, contractor fel loh avanga a awm hi paw ka ti a. Chu chu kan department lam pawh in an hrethiam a, tunhnaiah hian department work-a convert a, hmalak an tumte pawh hi lawmawm ka ti a. Kan nghakhlel em em a, kan thlir reng a ni tih te pawh kha ka'n sawi duh a.

Tin, a dang leha chuan he Sorkar tharah hian tui supply lamah kan Chief-Minister kalta in a 'tuma thal ve theih loh a tih ang deuh kha thal thar kan nei ve a mipui hriatah han sawi ve ka duh a. NEC lam atang hian tui lam atan tunhma zawng khan pawisa pawh chhuah theih a ni ngai lova, tun sorkar tharah kan Chief Minister leh kan Minister zahawmtakte hmalak na a zarah pawisa tam thamtak mai pawh chhuah a ni tawh a, a hmasa ber atan Sangau Water Supply Scheme atan cheng 4 crore leh nuai 84 chuang pawh chhuah a ni tawh a, chu chu part 1 atan a ni a. Tin, tunhnaite ah khan Bualpui Lungzartum te tan combine solar energy chu chu Mizoram atan a pakhatna ani nghe nghe a, combine water supply scheme atan cheng veibelchhe 4 leh nuai 94 pawh chhuah thar a ni leh bawka te hi thil lawmawmtak a ni leh bawka, sawi tur a tam mai Pu speaker, hunin min daih tawh silova khami chinah khan ka duh tawka mai ang, ka lawm e.

Pu B. LALTHLENGLIANA : Pu Speaker, tuntuma kan Governor speech hi kan sawiho tur nimina nguntaka ka lo ngaithlak khan thil thar teh chiam a awm lova, hun kal tawh ami repetition a ni deuh ber mai a. He Sorkar a lo pian atang hian thil thar lutuk hmalakna a awm lo ni ngei tur a ni. A rawn sawi tam tak hi MNF hunlai atanga hma kan lo lak tawh te a ni a, chungte a nih avang emaw ni, nimina kan Governor zahawm tak thusawi tura alo din atang khan, a hriselohna chungchang te ka lo hre lo bawka nen, mi dik deuh mai, thil tha duh mi a nih avangin, a thusawi tura a rawn ziaik chhuah kha a rilru nilo hian zuk hriain ka inhria a. A thusawi te pawh kha a khur a, a ti tha hleithe lova, amaherawh chu a hriselna a that tawka loh vang te pawh a lo ni a, Pathianin ti dam thuai se tih te pawh kan duhsaka.

Para 2-na ah khanin, 'I would like to reiterate before this august Assembly House, my government's commitment to provide efficient, responsive, fair and just administration at all levels of governance' a ti a. Hei hi helai point te lai tak hi ka sawi duh a ni a, he Sorkar hi hetiang Governor thusawia sawitir tur in ni dawn em ni tih hi ka ngaihtuah a, a chhan chu he sawrkar a pian kum hnihna atangin cheng vaibelchhe sawmsarih lapse ringawt mai han ngaihtuah te khanin efficient Sorkar hi ni theiin ka hre lo a. Tin, chumai a ni lo a, kan flagship policy ber NLUP, a thlang turin khaw hrang hrangah political party hrang hrang te pawh a hmelah chuan tha takin a thlangtu tur in han ti a, amaherawh chu thlan tak tak ah chuanin party bilin an thlang a, khaw thenkhatah chuan party thenkhatte pawh han cover ve te pawh an tum a. List a lo chhuah hmasak kha

chuan engemaw zat an awm, amaherawhchu sem dawn tak hnaiah chuan party mi ni lo deuha hriat kha chu hrut thlak leh vek an ni a. Party malin tunah hian sem a ni a, Prime Minister package atangin sum hmu tura kan in beisei kan sawi vul em em amarawhchu kan hmu thei lo a, nikum budget cheng vaibelchhe 250 atang khan cheng vaibelchhe 234 plan fund pawt hekin NLUP ah dah a ni a. Mipui tan plan fund hi kan hmang anih pawhin party bil tan hmang lovin party dang helaia member zahawm tak ten chawhma lama an sawi ang khan party dang a dawng tlak ngawih ngawihte hi chuan dawng ve se plan fund Prime Minister package a ni emaw fund dang kan hmu theilo a nih pawhin mipui hi cover thei sela a duhawm khawpin ka ring.

Chumai chu a ni lova Pu Speaker a thlan dan hi chu a diklo a kan hria a, bial nei kan ni a. Mi bialte chu kan hria a mahni awmna vengah pawh kan hria a a diklo tih kha chu zep tur a awm lo. Helai chanchinbu a tunhnai lawka kan hmuh Maryama tih hi Ramhlun veng YMA chanchinbu niawm tak a ni, 19.3.2011 ah chanchinbu lo chhuakah khan Branch YMA inthlan zana kan thingpui in na senso atan NLUP atanga ₹ 5000/- kan dawn chu lakfel a nit a a. He sum min ngaihtuah sak tu Dr Robert Rualthankuma, C. Section hnenah Branch YMA chuan lawmthu a sawi tih te han chhiar phei hi chuan he Flagship Policy miretheite khaichhuahna tura policy tha ber nia kan hriat hetiang mai mai a Branch YMA inthlanna tur atana kan plan budget mipui mamawh cover seng silova hman an ni te hi a zahthlak ka ti a. (Speaker : i chanchinbu kha khawngaihin min pe thei em) ka pe ang che. Hei hi chawlnia chhuak a ni mai thei. Chuvangin, he Sorkar hi efficient and fair an tih hi chu sawi leh tawh ngailo se ka duh. Chuvang chuanin, efficient Sorkar a ni lo tih hi heng te hian a tilang chiang hlein ka hria.

Tin Pu Speaker, Education-ah hian kan Minister zahawm tak hmalakna hi a ropui khawp mai a. Commission a din a. Commission report a chhuak tawh a. Chumi hnuah chuan Expert Committee din a ni leh a. Expert Committee pawhin report an pe tawh a. Member-te pawh a copy minrawn pe a. Amaherawhchu, helaiah hian a thil tih tum a that hle rual hian thiltih fel famkim a har te pawh a ni ang, Hindi Teacher High School pakhata pathum han dah ngawt mai, High School-ah Syllabus a la awm baww silo, Text Book la awm baww si lo zirtirtu pathum han dah, a lehlamah Sikul zirtirtu indaihlohna nasa deuh mai awm baww si lai te hi a balance deuh a tih dan a awm lawm ni? Chutihlai chuan Vanglaini chanchinbu nimina chhuakah khan Zonunsanga inti khan khaw 17 Sikul chungchang arawn ziaak a. He khaw 17 ah hian naupang 105 te, 50/40 te an awm a. Chutah chuan Zirtirtu pakhat tun thleng hian an la awm a. Chu chu he Congress Sorkar he Sorkar efficient and fair tih hi Sorkar ah a awm anih chuan he Sorkar hi efficient kan ti thei dawn a mi? Pu Speaker helaiah hian rawtna kan siam duh chu Chawngtlai ah hian Primary School pathum a awm a Primary School 1 hian 108 naupang an awm a Primary School ah hian 32, 3 ah 55. Chawngtlai te chu khawlian vak lo niin ka hria a. Priamary School 2 leh 3 ah te hi chuan uluk zawkin zirtir sela kan hmalam hun kal zelah kan naupangte tan hian a tha zawk dawn lawm ni tih kha ngaihtuahna ka nei a. Tin Khawlian deuh ah zirtirtu kan khung khawm teuh a, thingtlanga kan faten education an mamawh vek laia hetiang em em a zirtirtu in daih loh hi Pu Speaker he Sorkar hian ngaihtuah ran a tha in ka ring a.

Tin, kar hmasa lawk khan bial ka han fang a pre plan awm lovin kan ti nge ni plan na a rei tawh kan ti ka hre lova, High School atangin pawl 8 hi Middle ah kan beh tir thut ani tun hnuah hian admission tih tawh hnu ah, ka bial Khawbung ah chuan min entir a, school zawlah silpauline an lo zar a bangah hnahchhawl an loh mang a thli a thawt hlekin naupang leh zirtirtu an paw vek a Zirtirtu chu period in thlak an nih avangin an balrei lova naupang erawh chu nilenga vaivut khu kara class an awm kha chu an khawngaihthlak a ni. MLA fund min lo dil a Sorkar ring ringawt lovin ka pe ang che u, voluntary te pawhin puitlin ngei lo tum rawh u ka ti a. Chutiang chu khaw engemaw zat an awm a ni.

Hetiang hi efficient Sorkar kei chuan ka ti ve thei lo. Tin, J.H.Lalromawia M/S teacher, Khankawn, tun thla ni 8 khan transfer order pawh awm lovin Leithum M/S ah joining report a va pe ve tawp ni awm tak a ni a. Kan minister a khawchhuak kha a rinchhan e an ti a. Mahse, an rinchhan ber hi chutiang lam duh mi a ni lo. A tihpuitlin sak chuang lovang ka ti a. Khatianga transfer pawh ni chuang si lova duhna hmun hmuna joining report pek tawp te kha kan sorkar kalphung a nih chuan mumang pawh hi kan tluk dawn tawh em maw ni le? ka ti. Khang te kha ka'n sawi lang lawk duh a, Pu Speaker. Tin, UGC kan implement dan pawh hi a then lai chauh kan implement a. A then lai chauh kan implement hian UGC hian an tih tur hi an tih loh ka ring a. 80% pawisa an rawn tih tur hi an rawn tih loh phah ang a. Tin, hei hian allowance tam tak a khawih tel dawn bawh avangin hei hi chu fully a kum chungchante pawh hi hman theih ni sela a va tha awm em! tih te ka ngai tuahnaah a awm a. Chungte chu ka'n rawt ni bawh sela.

Tin, Falkawn Nursing College, without of tender a estimate amount nuai 230 an pek ngawt te, tin, Canteen, quotation awm si lova, duhsak zawng inpek ngawt te hi, in efficient lutuk a, in ti ni mai zel nge ni ka hre lova. Efficient Govt. tih tur chu a ni dawn em ni? tih te kha ka'n sawi duh a.

Tin, a tawp berah chuan Pu Speaker, chawhma lam khan kan House leader zahawm tak khan zawhnaa lo chhuak, Finance Commission chung chang kha chhan ka chak teh lul nen a ti a. Nakinah mi a rawn hrilh atan. Pu Speaker, hei hi Dt. 29.9.2010 ah khan a Bill kha hetah hian kan passed a. Bill passed atanga kum khat chhungin hei hi tihpuitlin tur tih a ni. He laia ka rawn sawi chhuah duh tak zawk chu, 13th Finance Commission khan General performance grant cheng vaibelchhe 102.30 State Finance Commission siam a nih loh chuan Mizoram sorkar hian a hman dawn chuan Finance Commission Recommendation a ngai a tih kha kan din ta si lova, kha kha kan hmang thei dawn em ? din lo hian khangte kha a hman theih tho em ? tih te kha kan House Leader-in min hrilhfiah thei sela a tha in ka ring a. Tin, Ethics Committee kan han din a kan lo lawm teh lul nen hna thawt thei lova an han til tiak ringawt mai te hi efficient government hnuai ah chuan a awm dan tur niin ka hre lo, chuangin din leh theih a nih chuan din nisela, term and conditions fel tak pek an nih ang khan hnathawk sela, a that ka ring chuti chuan kan Sorkar hi Mizoram mipui zawng zawng leh pawn lam thlang pawh hian mi rin kan hlauh thei ang, tunah hi chuan rin in har chho tawh tawh in ka hria Pu Speaker, chu chu tawite in ka sawi duh a ni. Ui mumang chu Upa in an sawi dan ah chuan awmzia nei lova buai nuai tihna a ni mai a, chuangin he Sorkar hi chu awmzia nei lovin a buai nuai tih na anih chu, Ka lawm e.

SPEAKER : Pu V.L. Robiaka i lo sawm ang.

Pu LALROBIAKA : Pu Speaker ka lawm e, wawiin niah Governor Speech sawihona kan han nei hi a lawmawm hle in ka hria a, ka hma a thusawi tuin a rawn sawi kha a ropui ka ti khawp mai a, kha ti tak mai a he Sorkar a lo teh sang a kha an lo sang ve hrim hrim a ni tih ngaihdan ka nei a, a lawmawm hle in ka hria a, kan Sorkar lai te han ngaihtuahin helai point 2-na a kan Governor in a rawn sawi peace maintain chungchang te, han ngaihtuah khan a ropui hle in ka hria a. Chumi rual chuan Sorkar tha anih dan a rawn sawichhuah te kha a ni thei dawn em ni tih a rawn sawi kha min teh san luat vang te pawh kha niin ka hria a, he Sorkar hi engpawhnise a lawmawm lamah ngai ila.

Tin, keini bial a bikin khawthlang bial te kan ni a, remna leh muanna a awm loh avanga harsatna kan tawh hnem zia te, tin kan Sorkar hmasa a Naga hel te leh thil chi hrang hrang tawlhna kawng kan nih dan te a hre tute kan ni a. wawiin ni ah chuan mipui an zalen a, mipuiin kan sakhua theuh te lawm takin chawlhni ah pawh, tin inkhawm ni ah pawh zanah pawh zalen takin kan inkhawm ve thei tawh a ni. Vawiin ni ah hian he Sorkar hi mipuiin an ngaisang, an thla a muang a, pa tak tak enkawlna hnuaiyah he ram hi a kal a ni tih an hmu in ka hria a, chung avang te chuan a lawmawm in ka hria a.

Tin, Police Modernization tih te tin Criminal Tracking Network System tih te, hmasawmna law and order kengkawh tute thuum that zelna han hmuh te han ngaihtlak te kha a thlamuan thlakin ka hria a, engtinngge kan tih thin kha kan hun hma kha chuan thuum thatna turin Kel pal te kan lei a, thil chi hrang hrang ekin kal thei te kan lei a kan dah tawih mai mai a, tichuan vai thirchhe zawng in an rawn lei leh mai mai te kha a ni a, hengte hi ram hmangaihtute tih tur a ni em tihte pawh hi kan ngaihtuah fo a tha in ka hria a, sawi tur a tam khawp mai a. Tin, zalenna a tel loh chuan hmasawmna a thleng thei lova chung avang chuan wawiin ni ah chuan hmasawmna chi hrang hrang a rawn thleng zut zut mai a ni. Kan hriat angin he Sorkar a lo pian hma khan nasa takin kan hotuten an sawi thin a, thalaite khawvel an ti a, thalaite khawvel tak tak a chu wawiin niah a lo thleng mek a ni. Sport a ni emaw nasa zawka sipaiah te kan in hnim luh ve theihna tur atan hma kan la dawn a ni tiin kan tlangau thin a, kan Governor speech ah pawh khan a lang a ni. Chungte kalpui chho zel chuan wawiin niah pawh hian nimin lawkah pawh khan sipai 259 lai mai vai liamin an han awm te kha a ropui ka ti a.

Tin, astro turf, India ramah pawh 3na ni phak kan han nei thei te hi helaiah pawh hian tarlana a lo awm hi a ropui ka ti a, AR lammual kan han tihte politics ball-ah kan hmang thin a, amaherawhchu, he Sorkar thiltithe Sorkar, a nachang hria Sorkar a lo din meuh chuan he Sorkar hian thalai te tan a tak takin a rawn thlen ta ani a Pu Speaker, nang pawh goalie niin kan han inkhel kha a ni a, a ropui mipuiin an ti a ni. Khatieng kha a ni a, engpawhnise sawi tur a tam khawp mai a, NLUP chungchang ah te, nia kan intodelhna tur te, tin, mirethei chanhai zawk te

leh rahbi tleu zawk te kan khai chhuah zawk theihna tur atana ruahman na lo awm a te hi a awih lo a te kha vawiin ni ah chuan i veilam ami te, awih lo leh an ti thei lovang ti te kha a tlem em mai ti tam deuh rawh u titu te kha an ni leh ta zel a, chuang chuan min tehna hi a sang ve hrim hrim a, an tih awm tawk an ti a ni tih hi kan sawi duh a ni. Ni 14 January, 2011 ah hawn (launch) a ni a. Chuta tang chuan nasa takin vawiin ni ah hian hma an la tawh a. A thenin an vawkin tur te, a thenin an lo te an vat a, khatiang khan nasa takin an thawk a, chutiang te chu a ni a. A hlawhtlin theihna tur atan nasa takin Sorkarin hma a la a ni. Chutiang bawkin mipui pawh an hlim in, mipui a dawngtute pawhin tihhlawhtlin an tum a ni tih hi a hretute kan ni tih hi kan sawi duh a. Tin, sawi tur a tam khawp a, hei Horticulture ah te, Vety ah te, Slaughter House changtlung zawk te, tin, Nitrogen Liquid Plant han tih te Lunglei lamah te kan han nei a, tin, Horticulture atangin Winery ah hian nasa tak thawk chhuak tawhin chungte chu kan han nei thar te, hi a ropui ka ti a ni.

Tin, Industrial Policy te siamthar mek a lo ni a, tin, Industry Directorate atanga Geology and Mining kan tih thina kha Geology and Mineral Resources a Department Directorate thar a lo awm ta te hi hmasawna kan ti lo thei lovang.

Heng hi kan hotute a nachang hria ina an kalpui te a ni a. Tin, heng zawng zawng lo chhuah theihna chhana hi remna leh muanna kan neih vang ani tih hi kan sawihmaih thei hauh lovang tih hi kan sawi duh bawk a ni. Tin, Education lamah te hmasawna tamtak a awm a, vawiin niah hian kan duh zawng zawng te hi vawi leh khatah thleng theilo mahsela, sap hoin an sawi ang deuhin Rome khua pawh kha nikhat thil thu leka din a ni lo tih ang deuh khan hlawhtlinna te thil chi hrang hrang nasa taka lo chhe tawh i ti ang, kha kha siamthar leh mek a ni a.

Chung kawngah te pawh chuan khaw hrang hrangah la famkim lo deuchte chu awm thei e, engpawh nise heng zawng zawngah hian theihtawp chhuahin he Sorkar hian kalpuiin chutiang chuan hma an la mek a ni. Tin, heng Education Reforms Commission te, thil chi hrang hrang, RMSA kan tih atang te, SSA kan tih atang te in, a hmasawna kan hmu chho zel a ni a. Heng kawngah hian a sawisel tu ngawr ngawr nilova a thatna duhtu nia a thatna tur atana hma kan lak ve te pawh hi helaia thu te hian kan tih tur a ni ang tih ka beisei a. Tin, Education ah hian thil harsa tam tak a awm a. Tin, tunah phei chuan system tharin kan kal sawn a, naupang tun hma a kum tawp a exam thin, khatiangte kha exam tawh loh va, nitin an kalna test kan tih ang zawngte, nitin an performance atanga tih chhoh tur ang chi te kha a lo ni tawh chho nen. Vawiin ni ah hian hmasawna rahbi nasa tak in kan Governor in a sawi ang hian hma lak mek a ni.

Tin, sawi tur a tam hle a. Sports kan han sawi laiah khan he Sorkarah hian thalai khawvel thar din tak tak a. Tin, power ah nise, Serlui 'B' kan han tih te vawiin niah hian commission mai turin a lo awm leh tawh a. Chumi piah lamah chuan kan Sorkar hmasa ina sum atchilhna avanga, sum duhna avanga, mipuite harsatna leh mipuite ro thil ngaihtuah lek lo va Tuirial Hydel Project min tihchhiat sak vek pawh tunah hian tihnun a han ni leh te hi a ropui ka ti a. Tin, heng hi kan khawvelah hi chuan a pawimawh hle a. Power awm lo chuan thalaite thlengin kan zavai mai hian kal ngaihna a awm lo a ni.

Vawiin niah chuan kan kut in engkim kan lo ti ve thei tawh a. Internet kan han tih te, thil chi hrang hrang power hmang a kan hmuh theihthe, kan hriat theihthe, thalaiten vawiin ni ah chuan London a mi pawh kan kawm ve theih te, khatiangte kha a nih tawh avangin thalai khawvel thar Computer age-ah power a pawimawh em em a. Heng power hmasawna nasa tak kan han hmuhte hi a lawmawm ka ti a, sawi tur a tam khawp mai hun a tawi si a, chutiange chu a ni a. Vawiin ni ah hian mipui an hlim a, mipui hian he sawrkar ah hian nasa takin beiseina an nei a an beiseinate tihhlawhtlin zel a ni bawh a ni. Tin, Trade & Commerce-ah te in sumdawn tawnate nasa takin vawiin ni ah hma lak a ni a, chung kawngahte chuan a lawmawm ka ti a vawiin ni ah kan Governor zahawm takin speech ropui tak a nei hi lungawi taka pass chhoh mai kha kan duh pui a, chu chu kan sawi ve duh a ni e, ka lawm e.

SPEAKER : Tunge sawi tur kan awm tawh lo em ni kan duh tawh tawh mai dawn em ni, sawi tur kan awm tawh loh chuan kan adopt tawh mai dawn em ni Pu Nirupam Chakma.

Pu NIRUPAM CHAKMA : Pu Speaker, ka lawm e. Governor thusawi lawmthu sawina motion kan sawi a. Ka hmaah member zahawm tak tak te thusawi atangin thil pakhat chiang chu he Sorkar hi moving ahead tih theih a ni. MNF Sorkar chu back gear-ah a kal a ni dik tak chuan front gear kha a awm tawh lo reng reng. Kan economy kha an tichhia a, member zahawm tak Pu B.Thlenga khan flagship programme hi Congress ta bik a ni lo tia a sawi kha chu a dik a. Amaherawh chu an Sorkar lai khan keini kum 10 oppositionah kan awm laiin hlawhfa te pawh an chhaw duhlo a ni a. Chuvang chuan NLUP 1st Installment-ah Congress hlang pawh awm se enge sawiselna tur awm. 2nd installment, 3rd installment ah te tello anih chuan sawi se, eng emaw na na chu. 1st Installment ah chuan Congress hlang vek kha sawiselna tur a awm ka hre lo. Mahse chuti chungin kan bialah chuan hei khaw pahnih Session hmasa pawhin ka sawi tawh a Saizawl West leh Kumsura khua a family awm zawng zawng kan pe vek a ni.

Hmanniah kan V/C pakhat Saizawl ami in min phone a, hetiangin kan khuaah NLUP dawng tur zingah a dawng hmasa ber chu MNF an ni a, an lungawi lo tlat. An duh chuan an hming pawh ka la sawi ang, mahse ka sawilo mai ang kha chu, chuvang chuan Pu Speaker, Congress ringawt duhsak anga sawite kha politics game an khel a ni, politics a inbeihna mai a ni. Kan rilru chuti vakin a chhe lo asin, chuvangin sawi sawi tawh suh u. Tun tuma Congress mi leh sa Mizoram mipuiin mandate pek a duh pe talo teh se, NLUP sawitur a awm hleinem. Hei Para-3-na ah NLUP a sawilang a kan Governor zahawmtakin, 'My government has been mandated' a tia ni,' to bring about revolutionary changes toward economic self sub-agency, growth and poverty alleviation to the New Land Use Policy which is officially being launched throughout the State 14.1.2011 khawvel ram zawng zawngah hetiang programme hi a awm lo a ni. Chuvangin Mizoram mipui tam takin Sorkar an fak laiin kan opposition member zahawm tak tak te chuan sawisel suh se, an support lo. Pu Speaker, NLUP programme ah pakhat chu ka

sawi duh a, tuna pawisa la pek kim loh chu a rang thei ang berin pe rawh se. Department thenkhat hi an muang lutuk niin ka hria chu chu thil dik tak ka sawi a ni. Tin, Power Generation chungchangah khan RGGVY Contractor hi a muang lutuk Governor in a sawi RGGVY chungchang kha. Keini bial angah te chuan Contractor hi a muang lutuk, chu chu department chang tuten hria se. Tuirial Hydel Project hi chhuithar chu ni mahse an zir peih lova. Sorkarin engmah thawk lo anga an sawi te chu fact leh figure en se.

Kum 10 chhungin major project pakhatmah tihpuitlin an nei lo. Keini Sorkar hmasain a bul kan tan a. Hei Greater Water Supply Scheme te pawh hi kum engzat nge a nih tawh ? Hydel Project te pawh kan Pu Chief Minister zahawm takin foundation stone a lay a. Hna tan hnuah MNF an sorkar ta a, kum sawm chhungin the work stops a zahthlak viau a nih kha. Khatiang kha sawi tam se, keini Sorkar laiin Lengpui Airport hi kan zo thei tep a ni. Kan Sorkar zel chuanin chhim lamah te pawh sawn Airport a awm tur a ni a, a pawl lutuk. A nilo inthlan avangin Prime Minister a lo kal duh lova, nangmahni an tan si a. Kan siam sa kha an hawng mai a ni. Kha pawh kha Advani, Prime Minister pawh koh chhuak thei lo, chuvang chuan an Sorkar chumi khami tih te kha chu engmah a ni lo Pu Speaker, Governor PDS a sawi lan ka sawi duh chu, fur hma in godown tin ah Buhfai stock kha kan phut vang pawh ni lovin kan demand a ni. Minister chak takin hma a la a improvement nasa a awm tawh a, mipui in sawisel tur pawh tunlai chuan an hre tawh lova. Mahse Mizoram leh mipui rilru hi a mak ka ti. Mizoram a thil awm pawh an sawi peih lo negative zawng kan rilru kan hman tam lutuk hi a pawl lutuk, MLA hlawnh ringawt pawh sawi a tam, India ramah pawh MP hlawnh an ti sang a tuman an sawi peih lo, Mizoram ah chuan an in tifing, sawi a tam lutuk a ni. Leilet development te vegetable development te, kan sawi duh lova, hei hi a tha lo. Chuvangin Legislator te pawh Department hrang hrang te hi zir tam ila a function pawh kan hre thei ang. Ration te pawh mumal takin kan sem thei ang, eng Sorkar nge ti tha pawh kan hre thei dawn a ni. Pu Speaker sawi tur tam tak ka nei a mahse member dang te tan hun kan kian ang e, Congress Sorkarin a ti tha, MNF in a titha lo. Ka lawm e.

SPEAKER : Pu T.T. Zothansanga.

Pu T.T.ZOTHANSANGA : Pu Speaker, ka lawm e. Hei, vawiin niah Kan Governor's Speech han sawi hi a tha ka ti khawp mai a. Tlaih chaw ei ho dawn chu ni ila a thluk siam a sak ho theih mai te pawh chakawm hial ka ti a. Kan hotu i veilam ami te khan a tlem lutuk e, a tawi lutuk e, an ti a. A tlem leh a tawiah khan an buai ni ber khan ka han hria. India ram Constitution, a Preamble ang ah hian lo ngai sela. India ram Constitution pawh hi tam deuh mai a ni a, mahse tawi te kan sawi duh chuan a Preamble hian a huam vek mai a ni. Khatiang deuh chauh kha a rawn ni a. Chuvang chuan ngaihndan lo thiam deuh hlek sela a tha ka'n ti a.

Hei, vawiin ah hian sawi tur a tam khawp mai a. Amaherawhchu, tlem te ka rawn chuk keuh keuh dawn a. Hei kan NLUP bik chungchangah hian Session hmasa leh

vawiina kan awrawl a inang lo khawp mai. Session hmasa kha chuan in sem har, engtikah nge in sem dawn? tih khan an ri deuh hulh hulh mai a. Amarawhchu tunah chuan an hosanna rawl a danglam ta a ni. “Kan mite min pe ve hram rawh u tiin a tawi zawngin min dil ni berin ka hria a. Keini chuan tunah hian an mite leh kan mite kan thliar tawh lova. Zoram mipui hi pek tawp mai kan duhin kan tum a ni mai , chutah chuan a hmasa leh a hnuhnung a awm a. YMA thingpui kan semah pawh Hall chhung alo thu hi chu an sem hmasa deuh zel a ni a, khang ang deuh ah khan kan ngai a ni. Tin, NLUP hi a ki hrang hrangin then drah a ni a, chutah chuan awareness programme-te pawh a tel ve a ni. Chutah chuan sawlai a YMA ten an lo hmang mai ang a an han sawi te pawh kha awarness huang atangin an pe ni ah ka ngai mai a, chuvangin kha chu a pawl thamah pawh ka lo ngai lova, a bul tanna chauh a la ni a, tuna la dawnglo keimahni party an ni emaw party dang an ni emaw, khangte pawh kha an la rawn ti chho zel tur ah ngai ila, kha kha chu a tha mai awm e. Awarness hi khawpui ah an mamawh a, thingtlangah an mamawh baw a, thingtlang chauh a kan tih chuan roelna rual khai lo tak kan nei ang tih kan hlau ve baw a ni.

Tin, kan member zahawmtak Pu Chatea khan in “Buhthar hlawk kum a i puan khan engnge ni hmalakna in nei em” ? tih ang deuh khan a rawn zawt a, kan Minister kha, chu chu helai a tawite a kan chhan duh chu tun kan Sorkar hnu hian Tractor 55 subsidy in loneitu thahnemngai tak ni a kan hriat te hnen ah pek a ni tawh a, tin, power tiller 413 kan sem tawh baw a ni, chumai bak ah tunah hian target kan la nei mek a, power tiller 100 an sem leh dawn a ni, hemi kan hotuten a an han semna boruak atang hi chuan kum dang aiin buh hi kan thar hnem ngei ngei tur a ngaih a ni.

Sorkar lam atang chuan hma tha takin kan la a, theihtawp kan chhuah a, amaherawh chu a hlawhtlinna hi mipuite kut ah engemawzat hi chu a awm a, hma chu an la a ni tih kha tawite in kan sawi duh a. Sorkarin a tih tur a ti a, chuvang chuan Buh thar tam kum ah a han puang ngawt mai pawh kha a dik a ni an hmalakna han en in kan ti a ni.

Tin, hei Horticulture hi a pawimawh khawp mai a Mizoram ah hian keini khawchhak tlangdung khi a that duhna area kan ni a, theihtawpin kan lo ti ve tang tang a, tunah winery pahnih kan han nei leh a, chutah chuan Horticulture a kan Officer technical taka thiam tak tak ten changtlung zawkin min han buaipui mek a ni a, hei hi a lawmawm ka ti a, Kanaan ramah Israel fate luh an chakna chhan ber pakhat chu Grep kha ani ve a ni. Chuvang chuan tunah hian Kanaan ram lut turin kan Sorkar hian min han hruai thleng mek a ni a. Chulayah chuan kan thawhrimna leh taimakna te erawh kha chu a pawimawh reng a ni tih kan hriat kha a tha a. Tin kan bial chhungah Hnahlan area bik ah khi chuan han kal ula, kan thalai nula leh tlangval chhunah teihawi mai mai in hmu tawh lovang, Grep huanah an liam fai vek zel mai a ni. Chuvang chuan Horticulture in hma a lakna pawh hi ropui kan ti khawp mai a, hei hi fak tlak a ni, kan ti a ni.

Tin, Education chungchang ah hei Quality Education kan hotuten an buaipui nasa a, Mizoram hi a ziaak leh chhiar thiam tam lam ah kan lo tlan nasa tawh thin a. Tunah kan Minister zahawm tak hian a quality zawng in ke kan pen

a hun ve ta e tiin India ram level a kan mithiam tak tak te nen inthural in khatiang khan ruahmanna siam in Education Reforms Commission a han siam a ni a, an Commission report kha ka rawn keng chiah lova a chhah tha ang reng khawp mai. A thu pawh a tha khawp mai a, khatiang anga kan kal chho thei anih chuan Zoram hi nasa takin min vawrh sang ang tih kan ring tlat a chumi kan han tih tuan hma tak tak a a chhiat leh a that thu a, chhiar pawh chhiar mang silova lo sawi lo sawi kha a chi emaw ni chu aw ka ti a. Engpawhnisela, bul an tan tha a kan Education Minister pawh a fakawm hle a ni tih kha kan sawi duh a ni. Tin, Games chungchangah hian kan thang a kan Opposition lam hotute khan Games chungchangah hian tha lo ti pakhatmah an awm lo niin ka hria a, keimah mimal taka ka lawmna em em mai chu Sumeona'n Lal Isua piang tur a lo nghakhlel ang mai khan astro turf hi ka lo nghakhlel thin a, a taka kan khelh takah phei kha chuanin football pawh hi khelh leh pawh ka tum tawh lo. Ka ball boot ka khai nghal ringawt mai a, lawmawm ve tak chu a ni.

Tin, Power & Electricity lamah No. 14-naah khan "all possible options are being explored to the increase of power generations a rawn ti a, a theih ang kawng kawngin kan Chief Minister zahawm tak Power changtu hian hma a la mek a. Hetah hian kan sawi ve duh a chu, nichinah kan Opposition lam hotuten facts and figures a tlem deuh e an han ti tak na in tlemin kan sawi pah duh a. Mizoram a power kan generate tawh hrim hrim, kan siam chhuah tawh a hi mega watt 24.80 a ni a, amaherawhchu, te reuh te te an nih hlawm avangin fur ah leimin avang te leh thil dang tam tak vang ten an lo chhe tawh a hei hi kan hnawl deuh vek tawh a ni. Tichuan tuna kan ruahmanna kan project siam lai mekah chuan Tuirial Hydel 60 mega watt a ni a, tin, Kolodyne II 460 mega watt, tin, Tlawva mega watt 5 a vaiin mega watt 525 tunah hian kan buaipui mek a ni. Tin, Power-ah hian hmachhawp tam tak kan nei a, chungah chuan Lungreng-ah mega watt 815 a ni a, Chhimtuipui-ah mega watt 640, Mat ah mega watt 76, Tuivawl ah mega watt 42, Turini ah mega watt 38, Bairabi ah mega watt 80. Pu Chatea te phei hi chu kan lama lo kal awm tak pawh a ni zawk tawh a ni. Tunah hian kan enkawl mek leh kan hmachhawp ah hian mega watt 2216 Mizoram Sorkar hian tinzawn kan nei a. Hei Zoram Budget te kan sawi thin a, Zoram in revenue kan neih loh zia te leh power a kan hman chhuah tam zia te kan sawi thin a, kan chawi hnem em em a ni. Hetiang hi Pathian leh kan Sorkar leh mipuite zarah kan puitlin thei anih chuan Zoram hian revenue tam tak hi power atang hian kan la lut dawn ani tih hi a Chiang khawp mai. Chuvangin fak tlak hi chu i fak ang u, tiin kan hotute kan sawm a ni.

Tin, chu bakah miharsa zual BPL, connection nei thei lo te tanah connection 7572 zet pek an ni a. Chumai bakah hmun hrang hrangah new sub-station siam ani a. Tin, a awmsa thum thatna tam tak tunah hian kan hmu mek bawk a ni tih kan sawi duh a. Tin, Pu Speaker, kan sawi tel duh leh bawk chu tunlai hian thingtlang lamah chuan NLUP atan a an pawhpen avangin zirtirtu hlawh pawh an la thei lo te an han ti thin a. Amaherawh chu, hei 18 na kan han en kha chuan, Mizoram revision of Pay Rules, 2010 kha kan Sorkar hian a take-up ta chat mai a. Khami avang khan hlawh pung tam takin an la a. Khami an

hlahw pung mi singli chuangin mi tam takin an lak avang khan, kan sum hi a in daih chiah loh ve nachin a awm lo thei lova, khalai a kha hriatthiam a tha awm e. Nia, sawi tur a tam khawp mai a. Tunah hian khawchhak lama kan unaute nena kan inlaichin na, “insuihkhawm leh zai i rel ang u,” tih thupui thlirin khilayah Mizoram leh khawchhak lam inrina kawngpui te pawh laih chhoh mek zel a ni a.

Chungte chu a lawmawm ka ti khawp mai a, vawiin niah hian sawi tur a tam a, kan Governor Speech in a rawn sawi angin ‘more details will be spelt out in the deliberation’ a rawn ti a. Hei aia chipchiar hian tamtak bakah hian kan la sawiho dawn a ni a, churang chuan hemi kan Governor thusawi hi lawm takin ka thlawp a, i pawm ang u, ka rawn ti a ni. Ka lawm e.

Pu LALDUHOMA : Pu Speaker, Governor Address, Motion of Thanks kalhmang hi kan hre theuhin ka ring a. Ruling lam ten Sorkar achievement chi hrang hrang mipuite hriata an pholan na tur remchang a ni a. Chutiingin keini helama awmte hian an hmalakna tha lo lai te, a lungawi thlak loh lai te kan rawn sawi ve tur a ni a. Khami inkawp khan kan ram leh hnam hi a siam dawn a ni. Chu chu a principle leh a spirit a ni tih hre chung a hetiang a sawihona tangkai tak kan neih chhoh zel hi a tha ka ti a.

Tin, kan Governor address hi a tawi a, ruling lam thinlung han in put pawhin sawi awm tak tak sawi loh uihawm tak tak te pawh a awmin ka hria a. Entirnan, Art and Culture chungchangah te a ngai leh a ngai Cheraw han sawi leh thin ai kha chuan nimin lawka kan hawn tak Central State Library te kha a chhuanawm tehluul nen han telh ve atan te ka lo it pui a. Tin, kan Minister zahawm tak hianin Library sakna tur nuai 250 lai hmanni lawkah lo zuk sik chhuak nite pawhin ka’n hre bawh a. Khatiang ang chite kha tam tak a tha lai sawi tel tak loh a awm a. A chhe lai kha chu an sawi dawn lo hrim hrim tih kan chian sa avang khan, khalam pang kha keini mawhphurh a ni ve a ni.

Tichuan, ka’n sawi duh chu Police Modernization kan sawi zing ta hle a. Governor’s address ah hian kan PTC thar Thenzawl chungchang hi a lang lova. Lang lo awm tak ni pawhin ka hria a. Hei hi kum engzat chiah atanga lo tan kha nge ka hre lova. Sorkar hmasa atanga lo tan tawh a ni a. A project hi kan bel Chiang a, vaibelchhia 31 lai mai a ni a. Chutah chuan quarter hi 360 sak tur a ni a project ah chuan. Tunah sawn ka hre sual anih loh chuan family quarter hi 38 a awm a ni. Chung ziangah chuan luah tlak chu sawmpahnih (12). A dang 26 vel chu repair ngai vek, toilet pawh a awm lo a ni. Chutah chuan PTC Lungverh a mi hnawl phei an ni ta a. PTC a awm sa kha staff 253 an awm a, khuta an awmna ah khuan staff quarter 120 an nei a. Anmahni sak chawp 25 a awm a. Biak In 1 (pakhat) an nei bawh a.

Chung zawng zawng chu helaia quarter pawh awm mumal lovah hian khaw khawm lai boruak ang mai khan hnawl phei an ni ta rup mai hi, engtinge inpeih deuh hun hi an nghah loh aw ! ka ti a ni, tin, a project kan en chuan School building pathum awm tur a ni a, pakhatmah a awm lo. PTC Lungverh-ah chuan Anganwadi a awm a, Govt. Primary School pakhat a awm sa a, Middle School pakhat a awm sa a, an fate zawng zawng kha khawiah nge an va kal tak ang ? Khulai hmun khu an lo luah

rei tawh a mi tam tak an lo in phum tawh a, an chhungte. Tin, Sakawrtuichhun a ram petute rilru pawh khu a na hle a ni. In peih deuh hun tal a in sawn chu ni ta sela chuan an rilru na pawh a ziaawm ka ring a. Kan House Leader bialah lungawi lo tam tak an hnawh pheih dawn niin ka hria a, a finthlak vak lo mai thei a ni. A project kan en chuan barrack 20, golf course 1, tennis court 2, swimming pool 2, auditorium 1, lecture hall 1, computer hall, laboratory, guest house, hostel, club tihte a ni. Heng zawng zawng project nei tura vaibelchhe heti zat estimate ni baw kum hei chen lo tih vawiin a luah hleihtheih loh khawp a hnawhsa rum taka han in hnawh pheih tak rikngawt mai na hi Sorkar hmasa in nge, tuna mi te nge a tute nge mawh phur a, engang chiahin nge he project hi a tir a duan a nih leh tuna actual a a achievement hi hriatchian a chakawm ka ti a, a in sawn a te chu thu hran lo nise sawlai PTC Thenzawl hi changtlung tak, chhuan tham tak ni tura duan ni si, heti lek maia a awm leh ta si hi hengte pawh hi hriat chian a chakawm a, kan tarlang duh a. Hei hun hmasa lamah khan district te a kaw ruakin kan hawng a, district thar te kan hawng a, kan duhlo tlang viau khan kan hria a. Hmanni lawkah kan Home Minister zahawm tak hian Saiha lamah Jail a va hawng a, mitang pakhatmah dahna ngam awm loh, dah theih lohna. Kan danglam chuanna hi engnge ni dawn ? engati nge thil hawnte hi kan nghahhlelh leh tak em em ? kan duh loh kha kan ti ve leh mai dawn em ni ? tih hi ka rilruah a awm a ni.

Tin, Muanna chungchangah hian hun kalta te nena khaikhin chuan kan dinhmun chu a ziaawm a lawmawm khawp mai. Amaherawh chu HPC'D' ten chhiah an khawn tih kan hria a, Sorkarin a khawn zat leh a petute list lamin a nei a, chu chu tunah hian an in bia tihte kan hria a. Kan ram buaina chinfelna tura Sorkar hmalak anih chuan he House-ah hianin eng chin nge kan thlen tawh a, beisei awm a awm em tihte pawh hi Governor Speech ah te hi chuan tel awm tak a ni a. Kan hre lo em em a, hengte pawh hi sawi chian theih a awm chuan a tha a. Hei kan ralmuang ti mai ila, ralmuan tak takin kan la ralmuang lova. Hmanni lawkah pawh khawthlang lamah helho in thawm an nei a, kan hre vek a. Hetiang hi theih tawp kan chhuah tlan chuan kan hmet mit thei tawh turah ka ngai a. Nikum July maiah khan Commando 114 in passing out parade an nei a, khata kan Commando hautak zeta kan train chhuah 114 te kha khawiahnge an awm a, khawi khawiah hian nge deployed an nih tih te pawh hi hriat ka chak a. An trainingna ang ngei khan kan ram, kan hnam, nu naute hi min veng sela, hetiang min rikrap thei thil awm thei zawng zawng lakah hian, hawh u, min tiralmuang thei tur khawp hian kan police force te pawh hi kan trained tawh sate ngat pheih hi chu i hmang tangkai ang u. An trainingna ang lo tura kan dah leh mai mai a nih chuan engmah awmzia a nei lo ang. Helna leh buaina lo awm thei hi kan veng thei ngei tur a ni tih hi ka duh ngawih ngawih a ni.

Tin, address a tel lo Pu Speaker engemaw ka vei em em chu, kan u leh nau Myanmar lam atanga rawn chhuk thlain min chhiahpiah nasa em em a. Hei hi social problem a ni, political problem a ni a, engkim mai problem a ni a. Hei hi kan address tur a ni dawn lawm ni? Hemi chungchangah hian rawtna pawh han siam ka duh a. Kan unaute an ni a, khitah harsa an ti a, helaiah an lo awm tawh tum engemaw tia lo let leh a, anmahni ram thoah an rawn cheng duh anih chuan chhungkuua tha taka lo kal duhte hi chuan an Burma ram thlalak kha rawn surrender sela, fel takin chhungkuua ang hian awm sela, ration card te, E-rollah te thun ila tha takin awm rawh se, chutiang nilo zawng,

helaia thil sual ti a, thlalak nen khita kir leh theitho zawng, tal leh thei ang chi zawng zawng hi chu i titawp teh ang u., Sorkar nen, party zawng zawng pawh tangrual ila SDO-te nen chutiang anga kan Sorkarin hmalakna tha tak a siam a nih chuan, mi zawng zawngin kan tawiawm duh ang tih ka ringa. Thil fello hi Aizawl khawpui daiah te pawh hianin, chenna mumal neilo, mi huana inhlawhfa kual, vak vak, rukru, mi that mai thei hi kan ngah lutuk tawh a, kan him lo. Chuvangin a cheng duh chu tha takin cheng sela, kir thei tawh lo in awm law law sela, chutiang nilo hi chu tih dan kan Sorkarin ngaihtuah se a tha hlein ka hria.

Tin, kan khawpui Transport chungchangah hian sawi tel a hlawh lo na a, Transport lamah hmasawna a awm zel thu kan ngaithla a, chutih rualin, kan city bus te hi kei chu ka ngaimawh a ni. India rama ka hmuh phak ve chinah city bus chu, an lo thlenga, passenger awm ang ang an chhuk fel a, a kal leh tur an lawn a, an kal zel a ni. Din vung vung a awm ngailo, kan ramah chuan rei tak tak an ding a, Vaivakawn stand a an ding rei thin te phei hi chu, an traffick jam hi an siam nasa em em a, hmun dangah pawh a ni nasa a ni. MUP te pawhin area ang pawhin ninawm an ti a, an thlen tawh thin a ni. Hei hi kan Sorkar hian a chingfel thei lawm ni. Dik takin bus an din rei avang khan bus-a chuan tum tam tak hi taxi in an kal phah ani. A tur chhuak a chhuak fel sela, a lut tur lut fel sela kal nghal zar zar chu nisela, passenger pawh an tam daih zawk ang, an hlawk loh phahin ka ring hauh lo. Hei hi Bus Owners Association te nen pawh kan Sorkar hian sawipui sela, mi ram angin traffic tibuai lovin, mi rama an kal ang hian kal ve hram tawh se tih hi, mipui hian an ngaimawh khawpin ka hria a, kan sawilang duh bawk a ni.

Tin, RGGVY chungchangah kan Governor hian khaw 33 complete a ni tawh an tih hi Pu Speaker complete loh a ni tih mita hmu tu ka ni. He RGGVY Contrator Mizoram hmarlam pakhat chhimlam pakhat vai ve ve Sorkar hmasain a lak te kha an ni. A rei tawh lutuk an hnathawh hi a tlem lutuk a ni. Subject Committee atangin kan endik a, a hmunah kan kal a. Hmanniah Rulpuihlim vela kan kal dawn phei chuan kan kal dawn tih an hria a, chawlhnia inkhawm tur awm lo khawpin hlawhfa an lo la a, ban an phun chawp a kan phun tawh an ti a kan tifel tawh an ti si a, an la tifel si lova. Ban phunah khan Cable an zam a a tlu leh dawn a, a la ro hman si lova. Khatianga dawta inbumna leh dawta information furnish hi a tam lutuk a. Hmanni lawkah pawh chhimlamah kan va kal a chhimtawp thlengin chungah te chuan BPL connection kan pe an tih te chu kan han ko a, an lo, pe miah lo a hmunah kan va hmu. Tin, khua kan cover an tih chu tikhan an pawt ze ze a tlemte kha an cover a ni. Keini vengah a ban a awm lo keini area lam chuan kan pawt phak lo an ti vek khaw 33 complete a kan report ah hian kal vek ila a chanve pawh an en ka ring phak lo.

Tichuan Central ah heng hi cover tawh complete tawhin kan report si a. Nakinah kan la eng kim lo kan mamawh tiin zuk dil leh ila hei in ti tawh alawm tiin min lo chhang sela nakin zela kan en lehna tur min hnawhping vek dawn alawm a pawl lutuk hei hi. Chuvangin kan Sorkar hian enfel sela, Contractor 2 te hnathawh hi a Department pawh hian an supervise tawh lo hle tih a lang a. Tunah hian a terms and condition enfel sela a theih a nih chuan heng contractor te hi hawng rawhse tih kha ka sawi lang duh bawk a i ban ang u. Kan

Sorkar hian kan chawi nghek ang a, kan hlawklo hle dawn a nih loh chuan an thawh theih zawng zawng hi kan P&E Department hian thawk se an tithei vek, an hre vek, village tinah, village level committee din tur a ni kan han ti a. Kan kal a, in din tawh em kan ti a, Din lo. V/C te a lehkha in hmu tawh em kan ti a, hmu lo an ti vek. Chu pawh chu an titha duh lo. V/C te hriat lohna hmunah ban an phun a, an duh ang angin thil an ti a, hnamdang vai khan thingtlang khua ah eng ban phunna tur an hre lo V/C te tel lovin. Chuvangin, an hnathawh hian kan hnam a hmusitin ka hria a, hei hi chu ngun taka en a ngai a. Hetianga figure anga ropui taka rawn sawi hi a tak a ni lo tih hi ka sawi ngam a ni.

Tin, LAD chungchang hi sawi a awm lova kan Governor thusawiah hian. Kan sawi duh chu Pu Speaker, 2006 ah khan V/C hlawh hi siam a ni a, V/C.P hian Rs. 600/- tunah hian a hlawh a, Vice-in Rs.500/-, Secretary-in Rs. 400/-, Member ten Rs. 300/-. Hei hi chu a ni tawh lo a ni. Sorkar hnathawkin Sixth Pay an la a, M.P. hlawh an tisang a, State tam takin an MLA te hlawh an tisang a, keini tepawh hlawh sang la tawh emaw min ti mai a mipuiin, hlawh sang kan la inpe duhlo a nia i hovin. Chuti chung chuan hlawh teuh tawhah min ngai lehngal a, khatiang anih lehngal laia MDC hlawh an revise ang a, Aizawl Municipal Council an tichho leh zel ang a. Khatiang karah khan kan V/C te hlawh hi a a ni lo lutuk tawh a, chuvangin kan Sorkar hian heng kan VC hlawh hi rawn ti sang ve ngei turin kan ngen duh bawk a ni.

A tawp berah chuan Geology and Mineral Resources Department kan nei thar hi alawmawm a, mahse Department thar ah hian paper a puan an ni mai in ka hria a, a danglamna a hma nen khan a awm chuang lova, Directorate a lo din ve chuan kaisan te pawh an in beisei ve a ni. A tu a mah kaisan awm chuang lo a, thawktute an phur loh chuan Department thar hi engvak a ni lo ang. Tunah hian kan ramah hian hmun 7 ah gas a zawng mek a han khuap deuh chuan thingpui te an lum thei ania, kan leihnuai hausakna hian min ko mek ania an put chhuak mek a ni, chumi atana thawk tur ani a kan ram revenue chung tha ber Department an ni bawk a chuvangin a thawktute phur taka an thawh theihna turin hei aia tha deuh zawk a anmahni mal te te a chanvo tha an chan chhoh theihna tura kan ngaihtuah saka phur taka an thawh theihna turin kan ram revenue chung tha ber Department a ni bawk si a, chu chu a tawpah chuan kan sawi duh a ni. A tlangpui thu in kan Governor thusawi hi a lawmawm a amaherawhchu dukhawp lohna lai tam tak chu a la awm a ni tih hi a tlangkawmna ni rawh se, ka lawm e.

Dr. R.LALTHANGLIANA : Pu Speaker, ka lawm e. Hei kan Governor's Speech hi, nia, a tawi, tih te, a famkim lo tih laia kha chu ka sawi dawn lova. Amaherawhchu, tlem hian a general ang reng a. Sawi kim vek chu a harsa ang a. Amaherawhchu, heng atang hian hun reilote chung chuan sawi tur tam tak chu kan nei tho tho chuan ka ring a. Pu Speaker, ka'n sawi duh lai chu hei, vawiin niah Session te kan nei zen zen lova. He kan rorelna khawl kan kalpui mek hi ram mipuite hian min thlir reng a ni tih hi kan hriat a pawimawh hlein ka hria a. Hei, kan CM in Plan Discussion Delhiah

a zu nei niin ka hria a. Chanchinbu lam atanga kan lo hriat danin kumin hian ni e, kan BAC thut lai pawh khan kan Plan size kan hriat loh avang khan loh theih lohvin tiang hian programme pawh sei vak lovin kan siam ni te pawhin ka hria a. Kan Plan size awmdan hi Pu Speaker, 2008-2009, Sorkar hmasa a Sorkar tawp ber kum khan figure 4 khan Plan Budget hi 1000 crore khan a kal chho a. 2009-2010 khan vaibelchhe 1250 a lo ni a. Chuan nikum ti mai ila tuna kan hman mek tawp mai turah hian 2010-2011 ah khan vaibelchhe 1500 a ni a. Hei kumin hi kawng lehlamah chuan kan ti fuh ta vak lo nge ni ka hre lova. A pun dan han chhut chuan chanchinbu lama kan hriat kha a dik a nih chuan vaibelchhe 1700 a ni a.

Chutichuan chanchinbu lamah kan hriat kha a dik a nih chuan vaibelchhe 1700 a ni a, nikum anga pung chho tur anih chuan vaibelchhe 1750 tal khan pung se chuan a ngai kan awm mai awm mang e tih a ni a, amaherawhchu kan pung ta lova, kan heu deuh tih ang zawngte pawhin sawi ta ila, kan C.M. zahawm takin a wine up hunah min hrilhfiyah sela a tha in ka hria a, hmalakna lianpui mai fellowship programme-te vung taka Sorkar lai ten an kalpui chhoh lai mek a, hetiangka kan plan size an tla hniam viau mai hi ka beisei ang chu a ni lo deuh a, engpawhnisela, heng hi rorelna khawla thu lai kan nih chuan hriatfiyah deuh hi tul ka ti deuh a.

NLUP hi a tha love ti zawngin helam pang hian ngaihndan kan sawi ngai lovin ka hria a, tun hnaia hmun nga a then a hmun khat, ₹ 100000/- tur a kan beisei laiin ₹ 20000/- diat diat te chuan pek nial nual niin ka hria a, a lawmawm tho va, mahse, kan hnenah han sawi ve te hian bul han tan ve hian a lawklawh deuh e an ti a, tun hnaiah Hnahthial bial lam han tih loh chuan ka sawi fuhlo ang tih ka hlau deuh a, hmanni ah an sem a, mobile dawr pakhat chu tlai dar 3:30 ah a zawrh zawng zawng a hralh zo vek e an ti a, tlai zurui an tam hle e an ti a, a hriat kha hrehawm ka ti khawp mai a, Sorkar dem zawngin ka sawi lova, amaherawhchu, kan C.M. zahawm takin a sawi fo hi ka ngaihtuahna ah a lo lut a, a dawnawm dan lam hi chu kan thiam lova, a hlawhtlinna percent erawh hi chu kan san pui lo ang aw, tih kha ka hlau deuh a, kha rilru tha deuhin ka rawn sawi a ni, tute emaw dem zawngin ka sawi miah lo tih erawhchu min lo hriat sak ka duh a, mobile dawr tlai dar 3:30 ah a ruak thak tih leh tlai zurui, Hnahthial khua chauh pawh nilo a chhehvel khua atangte pawhin an fuankhawm nasa hle a ni tih kha report ka dawng a ni tih kha kan sawi duh a ni.

Tin, PTC lamah khan Pu Duha sawi kha a dik khawp mai a, nimin lamah te pawh phone ten kan dawng ve a, inpeih lo lutuk hian in kan va ti chuk chuk deuh a niang nikumah khan Barrack pariat kha a chhe vekin ka hria a Cyclone avang khan, churang chuan kan Police te kan va dah deuh rum rum hian harsatna chu an tawh deuh a ni awm mange aw tih kha a awm thei a. Tin, chutih rual chuan Lunglei leh Chhimtuipui District kan han tih a chhim lampang a hemi Security thil a Sorkar hmasa in a ruahmanna siam DIG Range kha wawiin ni thleng hian mipui sawn engtingge kan neih leh ang le neih zuk tawh si neih leh loh hi chu an ti ve deuh va, kan Home Minister khan min lo hriat sak sela, Session hmasa ah te pawh khan kan sawi tawh kha tih ani kha kan tarlang duh deuh a ni.

Hei Education Reform Commission a copy te pawh kha kar hmasa lawk pawh khan min lo pe ve a, chutih mek lai erawh chuan kan ram zirna hi a buaithlak hle a, keini pawhin kan lo khawih ve tawh chin lai a awm a Pu Speaker, nimina Vanglaini a chhuak Headline chu a ni chiah lova headline hnuai Mizoram Sorkar auh ei tumin Kohhran School te an tawngtai ho tih kha in hmu ve emaw hei ka hmu a, vawiin ni thlenga engmah min tihhlawhtlin sak loh avang leh ngaihsak kan hlawh taw lo deuhva kan hriat avangin Pathian auh mai loh chu tih ngaihna kan hre ta lo a ni ti a Mission School a thawk mi nimahila, mihring ve tho kan nih avangin dinhmun chhe lutuk leh ngaihsak hlawh lova han awm chuan zirna in a tuar phah a ni te an ti a, an tawngtai ho ni awm tak a ni. Engpawh nisela, a Sorkar dem zawng leh engemaw zawngin kan sawi lova, amaherawhchu Mizoram hian thil tam tak hmasawna tur atan Education ah chauh lo pawh thildangh hian kan ngah a ni.

Tukin a zawhna ah khan Pu Duha zawhna niin ka hria a, RMSA School din chungchangh adhoc grant in aid school din tawhnaah va dah kher tih laia kha, ni e kan hnenah te pawh an lo sawi ve a Zotlang te leh kan Chief Minister zahawm tak hmingchawi a sak Serkhan a mi angte pawh kha an tel a. Din a nih dawn pawhin khatiang adhoc grant in aid school uluk taka DPC te pawh nei vek a Headmaster te leh teaching staff te leh a lak tur awm zawng zawng mumal taka lo lak tawhnate ang zuk khah chilh kher kher a kha chu enchian a tha in ka hria a, chuvang chuan decision fel tak Sorkar ang pawhin siam a tha in ka hria a, kan Education Minister pawh chu chu ka chah ve duh hrim hrim a, uluk taka ngaihtuah ngaiin ka hria a. Tin, chumi rual chuan kan zirtirtuten hlawh chu an la ve ta a thla thum thla li dawn bawr vel em em hlawh la lo an tam lutuk deuh hi chu a fel lo deuh in ka hria a Pu Speaker, tunah erawh chuan a then chuan an la tawh niin ka hria a. Tin, chutih laiin Higher & Technical Education Department-ah Mizoram-ah hian Govt. College hi 20 bawr awmin ka hria a, deficit hi pathum a awm a. Teaching Staff ringawt pawh hi Pu Speaker, 640 bawr vel awm niin ka hria a, UGC scale kha Sorkar pawhin kan pawmpui tawh niin ka hria a. Amaherawhchu, UGC scale ang khanin pek an la ni lova, tin, kan budget hi kan la hmu silova a lo sawi lawk theih lova karleh mai ah chuan engemaw chu kan dawng turah chuan ka ngai thova amaherawhchu, he kan annual plan-ah te hian an pay thar tur ang hian dah theih a ni dawn em tih hi hriat a chakawm viauin ka hria a, harsatna lian tak mai thla 2/3 chhung chu an tawh tawh a. Thil kan ti tawh vek a nih chuan tlangranga a tawp kan thlen fo thin hi a pawimawh dawnin ka ring a. A kal kawng laklawh laia buaina kan neih hian a bik takin Education ah chuan kan zirna hian nasa takin Pu Speaker, heng harsatna thawktu ten an tawh hian hasatna lian tham tak mai zirna hian kan tawh chho a ni tih kan hriat a tha in ka hria a, chuvang chuan vawiin ni ah hian uluk takin a bik takin kan Higher and Technical Department lampang a kan college level zirtirna lam a hi a bik takin an hlawh chungchang hi kan enfel a tulin ka hria a.

Tin, pay revision kan han tih rual rual hian ni e, chawhma lampang khan kan han ngaihtla zauh a. Kan Governor speech ah hian a lo awm ve bawk sia. Amaherawhchu, a

awm rual hian tuna Mizoram dinhmun kan en erawh chuan pawl engemaw zat, pawl 50 dawn lai an la lungawi lo hle mai a ni tih te kan hria a, a pawl khawp mai a. Engpawhnisela, heng hi Sorkarin kan ngaihthah loh a tha in ka hria a. Kha kar hmasa te khan chaw nghei khan MR a hnathawkte kha sawlaiah hun an han hmang a. Amaherawhchu, an chaw nghei te leh an thiltih tum dang te an han chawhlan a. Sorkar anga thil kan ti anih chuan hengho hi hetiang thil em em a thlen hma hian kan chin fel sak ran hi a tha viauin ka hria a, kei pawhin ka va tlawh lo thei lova, kan va tlawh a. Helaiah hian mumal takin kan State level Committee on Minimum Wages te pawhin nikum September 9 daih tawh khan ni 10 daih tawh khan mumal takin Cabinet ah rawtna fel tak anmahni tak an mahni pawhin an lungawi theihna tur ang chi rawtna fel tak, Chairman te leh Secretary te sign vek lo awm tawh sa awm si, mahse, Cabinet in Sorkarin an tihve tur tihfel siloh avanga khatiang thil thleng kha ni te in kan hriatpui ve deuh a. Heng hi rang deuh hleka kan chet pui ve zung zung loh chuan Sorkar hi mualpho na kan nei fo mai awm mang e aw, ka ti a. Tah khan tha an tih thu te an ni pawhin helaiah hian a awm vek a.

Chutih laiah erawh chuan kan ngaihthah rei lutuk khan he harsatna khurah hian a hruai lutu niin ka hria a. Chuvang chuan hnathawktu, kawng lehlam ah chuan mi thawh duhloh tam tak thawktu te an nih vena lai a awm a, a then chu zan tairek thleng thlenga thawk te, a then chu zing tak tak atanga thawktu te an nih mek laia kan hlamchhiah lutuk deuh anga hriat theiha a awm kha a fel lo deuhin ka hria a, kan han sawi duh lawk a ni.

A dang lelah chuan hei, kan Chief Minister zahawm tak chan lampang te pawh a ni a, kawng chungchangah hian Pu Speaker, kei pawh hian vawi tam kan PWD hotute hi telephone in ka be thin a. A sawt thei lo khawp mai a, keimahni mimal min ngaipawimawh lo chu kawng dang nisela, amaherawhchu min thlangtu mipui, kan Constituency aiawh tak taka thusawi ka nih ve na zawnah hi chuan kan Officer, kan Engineer te hi chuan ka thusawi hi min ngaihpaawimawh sak se tih hi ka duh khawp mai a. A bik takin helai Aibawk atanga Darlung kawng, Darlung atanga khulai Buarpui, Sabual kaltlang kawng, ho te a Bulldozer in ni hnikhkat lek han tlan sela, supply buhfai thiarna pawh awlsam zawka han kal theih mai tur a ni ka ti lawm lawm a, tum 3 vel an hotu bawr te kan be thin a, a sawt thei reng reng lo lutuk te hi chu Pu Speaker, a in zah loh thlak ve deuhin ka hria. Hetiang thil hi sawi a hreawm viau a. Helaiah rorelna sangah sawi a hreawm a, amaherawh chu, kan MLA dangte pawhin hetiang harsatna hi in tawh mai thei. Ama'rawh chu, heng hi keimahni mimal thil a ni lo va. Khung kan constituency ah nikum a buhfai thiar thlakna hautak zia leh harsat zia, in kal pawh hleihtheih loh khawpa kan harsat zia hretu kan nihna zawnah mipui aiawha thusawi kan ni tih hi kan official-te ho pawh hian min hriat deuh loh chuan thil tha lo zawk, kan duh lo thleng a thleng ang tih hi ka hlau ve deuh a. Chuvang chuan, helai hi a bik takin kan House Leader pawh in a tul dan angin lo kamkhat ve deuh se tih te pawh hi ka'n duh ve deuh a ni tih kha ka'n sawi duh a ni.

A tawp berah chuan Pu Speaker, kan Governor's speech ah hian nimina kan thil hawn kha han lang hman se ka'n duh ve ang reng khawp mai a. Hemi kan House Annex building hi kan sa tha ve thawkhath viau a. Kan sak chhung erawh chu duh aiin a rei deuh a. Sorkar hmasa hun lai kan Hon'ble Speaker hmasa-te hovin theihtawpin Pu Awia a ni

emaw, Pu Chama te ho pawh khan hma an la. Tin, vawiin ni-a kan Speaker pawhin uluk takin, duh thu sam tak pheih chuan a tha lo anih pawhin tianga kan han hawng thei hrim hrim hi chu achievement, cheng vaibelchhe 8 chuang senga kan sak a ni ve a. Governor's speech ah te hian han lang ve se tih chu ka duh viau a, ama'rawh chu, a lang hman ta lova, thil tha tamtak Sorkar in tih kan duh ang, amaherawhchu helampang atang hi chuan kan duhtho thila kan ram mipuite hi dam a kan la hriat siloh avang hian loh theiloh nan avangin heng hi kan sawi a ni tih kha min lo hriatsak kan duh a ni ka lawm e.

Pu R. LALZIRLIANA, MINISTER : Pu Speaker, ka lawm e. Vawiin nia kan Governor thusawi kan sawihona a lawmawm tlang hle in ka hria. Han sawi ve kher pawh a tul lo a ka ngaih laiin vawiinni a kan Governor thusawi atanga lo lang te leh lang lemlo keimahni min concern deuh te han sawifiah kan MLA zahawmtak ten min phut deuh avangin ka lo ding ve mai a ni.

Hei mission school tih vel te hi chu, kha ka hma ami kha a hmazawng kum 10 lo enkawltu kha a nia, ani pawhin up-grade a duh anga, keini pawhin kan duh a, amaherawh chu sum harsatna avangin kan ti thei lo tlang ni maiah ka ngai, chulai chu tumahin han vupui lutuk turah ka ngai lova. Helaia kan MLA Tuipang bialtu Pu Thawla khan BRGF chungchang te kha a rawn sawi a, JCB lei tih kha a awm a, a guideline ah chuan lei tur lei loh tur tih a awm chuang lova, khawl kha a tul dan azira High Power Committee ten tul an tih chuan an ti thei turah kan ngai a. Chuvangin High Power Committee Chief Secretary Chairman na hnuai atanga an tana tha zawk tura ngaih anih avangin lei kha phalsak an ni a, Sorkar hriatpuia lei an ni e tih kha kan sawi duh a ni.

Tin, DIG Range hi kan sawi thin a, Southern Range hian tunah hianin la hmui chhoh mai a ni a. Kan IPS te kan indaih chho zel dawn a, a senior te an lo chhuah chuan helaia MPS senior ten va hmui ngawt kha, District ahte IPS te an lo awm si a, khatiang ang kha engemaw ACR han ziah chungchang vel leh thildang, Sorkar danah khan harsatna a awm thin a. Chuvang chuan kan la ti thei lo a, kan ti thei thuai turah kan ngai a, kan beisei a ni.

Tin, Saiha Jail kha kan hawng lo tih kha kan MLA zahawm tak kha kan hrih duh a. Saiha Jail hi kan nei daih tawh a, tin ka va kal bawh lova, kan hawn zawk chu a hresual palh a nih ka ring a Lawngtlai zawk a ni a. thil sawi hi a hrehawm khawp mai a, heng jail te hi kan hmalama an lo sak tawh kha a ni a, an sak kha a chhe em mai a, a buaithlak khawp mai. Sawi loh theih lohin a rawn awm ta te pawh hi pawh ka ti khawp mai a a pawh ka ti a. Heng hi kan hawn lawk loh chuan Central lam atanga enkawl zelna tur te kan hmuh zelna turte kha tihtawpah min rawn vau tawh si a. Tlinlo chungin kan va hawng a ni hei hi chu zep thu pawh a cheng lo a ni kan va hawnna ah pawh kan Parliamentary Secy. zahawm tak Home Department changtuin a va hawng a ni, hei hi thlahnih khat te chu tang a la dah theih loh mai thei a. Amaherawhchu hawn hian a hmun atanga enkawltu tihtakzeta an tih chuan sum leh pai Sorkarin min ngaihtuah sak ang a Jail a tangte dah theih thuaina turin kan rawn ti dawn ani a va ti reng a ni. Khalai kha min lo hriatpui ka duh a.

Tin, NLUP kan han sawi thin a a lawmawm a, a rawn sawitute pawhin hei hi a tha love tih lam kha in sawi vak lova, a lawmawm hle a. Hei hi retheite thleng phak chanchintha ang deuhin retheite thleng phak tak tak budget Mizoram Sorkar hian a nei a ni tih hi a chiang hlein ka hria a. Heng atang hian ramtinah te kal a thilsiam zawng zawng hnena chanchintha hi hril tura kan Pathianin min duhna te pawh hi nakin lawkah chuan kan tihhlawhtlin theih kan C.M in a beisei a. Chutiang chu kan kalphung a ni a, ₹ 100000/- kha kan pe dawn a, amaherawhchu vawikhata pek vak a tha lo a ni tih Sorkar in experience-na atanga an lo hriat avangin tunah hian 1st instalment cheng singhnih theuh a hrut rualin kan hotuten an pe ta a ni. Hei hi a hmang dik lo te chu khawi lai laiah emaw te chuan an awm ngei ang a. Amaherawhchu, a hmang dik kha tam tak an awm ang tih erawh chu kan ring a. Tin, ka sawi a, hmannah, thenkhatten eng eng emaw an sawisel a, NLUP hi corruption dona atan leh venna atan thil tha tak a ni tih hi. Hei hi thu dik tak a ni a, he NLUP hi kan hlawhtlin chuan kan ramah Minister va hlauh hluah hluah na te, MLA va tlawn hluah hluahna te, kan Officer an thiltih dik loh engmaw hlawkna min pek theih dawn avanga a an chanchin kan sawi hrehna te hi a reh tawh ang a. Chutiang chuan hlauhna tellovin dikna nen kan mipuite pawh hian an awmhmunah ro te an rel thei tawh ang tih kan beisei a. Chu chua thlen thuai pawh kan beisei hle a ni. Chu chu tawite a NLUP chungchanga kan sawi duh a ni a.

Tin, Sipai lak chungchangah te kan Chief Minister hmalakna zel avang hian waviinniah, hmanni lawkah pawh khan mizo tlangval 253 Sipaiyah an han tang leh thei ta a, a lawmawm hle mai a. ₹ 15000/- lai an training chhuahah te chuan an lo hlauh ang a. 253-te chuan thlakhat ah Mizo inchhung ah khanin cheng nuai 53 dawn kha thla tin a rawn luh phah dawn a ni tih a lang reng mai a, alawmawm tak zet zet a ni.

Tin, PTC Thenzawl a sawn hi sawn thut a ni tawh lova hman atang a ri tawh a ni, PTC Thenzawl saw PTC lian zawk atan leh sawn pheina atana Sorkar hmasa lam daih tawh a lo ngaihtuah chhuah kha a ni tawh hrim hrim a heng hi kan thawtna a rei tawh a duh lo pawl an awm a, kan MLA zahawm tak ten an sawi ang khan an pasalte an fate an lo phum tawhna a ni a, chung duhlo pawl te pawh chuan vawi hnih vawi thum min rawn hmu a, chungah pawh chuan in duh lo tak tak anih chuan khulaiyah khuan in awm reng thei ang mahse in Unit hi transfer a ngai ang a, Thenzawl awm in duh loh chuan khulai Battalion ah khuan kan sawn mai ang che u, in kal ve lo mai ang kan ti a. Amaerawhchu, khatiang ang rawn dil te kha an awm reng reng lova PTC staff nih kha an duh deuh zawk a nih ka ring. Chuvang chuan saw lamah kan sawn ta a ni a ka hriat hi a sual loh chuan kan MLA zahawm tak hriat dan nen khan a in ang lo deuh, a lo hresual pawh a ni mai thei a, quarter hi 115 awmin an sawi a Barak pawh engemaw zat a awm a, nikumah khan thli in a ti chhe vak mai chu kan va repair zo tawh ah kan in ngai a, tunah hian PWD atangin tender a lo chhuah a a satu tur hi an thlang thuaiin ka ring a ni. In panga paruk Barak lian tak tak sak tur a awm bawka a. Chuvangin an inhnawhkhawm thei turah kan ngai a ni. Kan hotupa bial a ni a, vawikhatmah hi sawn rawh u, sawn suh u tih hi ka hnenah a sawi lova. Amaherawhchu, sawlaiyah thiltha zawk nia kan hriat avangin kan sawn pheita a ni tih kha ka'n sawi duh a.

Pu LALDUHOMA : Pu Speaker, kan sawi kha mawle. AMC Campaign zanah te pawh Public Meeting lak dawn ruaiah kan han be chul che alawm le.

Pu R.LALZIRLIANA, MINISTER : Nia a rawn sawi a, a rawn sawi ang khan kan tum kha chu kan sawi dun ang khan sawi vek chi a ni lova. Sawn vat kha tha kan ti dun a. Kan sawn pheii ta a ni ber mai, kha lai kha chu tiraw.

Pu LALDUHOMA : Kan sawn lovang tih kha tiam a nih avangin Public Meeting ah pawh, 'E, lo hlauthawng suh u,' tiin puan a ni.

Pu R.LALZIRLIANA, MINISTER : Kha kha kan sawn lovang tih hi vawikhatmah ka awka ah hian a la chhuak lo hrim hrim.

Pu LALDUHOMA : Mahse, a rawn betu che khan a puang a ni. Hotupa ania, kei chuan in inbiakna ka hre ve lo.

Pu R. LALZIRLIANA, MINISTER : Kan hotupa in a lo ti, i ti a nih chuan ka hre lova, ti mahsela khalai a hnai vaiah khan kan sawn lovang a ti chauh aniang. Inthlan kha chu kan zo daih tawh a. Chuvangin kan sawn a ni. Sorkarin a tihdan angin kan sawn mai a ni.

Tin, hel chungchangah hian hei kan CM in hmanni lawkah khan Delhi ah a kal a. Home Minister te nen an sawi hova. Eng eng emaw, kan ramah tak hi chuan Tuikuk hel kan tihte pawh hi an rawn inlar khat viau a. Zah an ngai viau a, amaherawhchu kan miten an tuar thova. Teak phur te an lo kap a. Silai an rawn chelek a. An lo kap a khatiang khan silai an lo kap a kan ngaimawh khawp a ni. Kan Commando training kan tihte pawh hi tunah hian an dahna hmun tur takah kan dah a, chuvangin kan Central Home Minister leh kan Chief Minister inbiakna dung zuiin, (nimin ah kan C.M a lo thleng mai a), chutiang anih lai chuan lehkha pawh hian a rawn umzui nghal a, Assam DGP te, Chief Secretary-te lehkha an rawn pe a, keini pawh min rawn pe a, chuvangin khulaiah khuan rei tak hengho hi awm tir kan duh lova, Mahse, hel an ni a, kan control piahlam a awm an ni a, kan State piahlam ah ram zau tak ruak a awm a, chung angah chuan kan duh duhin kan zuk lut thei lova, chutiang anih chhungin vawi engemawzat State dang ah kan police-te hi an zuk lut tawh a ni. Tlan chhe ve thei an ni a, tunlai in mobile phone-te a tha tawh a, Satel ang mai an ni bik si lova, keini aiin ram chin an hria a man turin kan nang fuh hlei thei lova, Tunah pawh hian Joint Operation kan nei dawn a, Kan hmuh phak loh a Assam lamah an lo chhuah a nih loh chuan Mizoram policete hian an chhuah lo ang tih ka ring a, chu chu kan kal dan tur a ni a, tin an ni chauh pawh nilovin hmar lam a ni emaw, chhim lam a ni emaw, hetiangah chhiahkhawntu te reng reng hi Central Sorkar in tireh turin min duh a.

Tin, designation camp a awm te pawh an awm a, chungho chuan Mizoram hi an rawn tibuai tur a ni lova, chungho chuan Mizoram hi an rawn tibuai tur a ni lova, chhiah an khawn tur a ni bawk lova, ralthuam nen an rawn kal tur a ni lo kan ram ah hian, chungho lo kal te chu hel tak ni lo, engemaw misual dacoit party gang rual ang chauh an ni. Chuvangin heng hi dim tur an ni love an ti a, chu chu vawiin ni a kan Sorkar lo kalphung chho tawh leh chu thupek thar chuan mi a ti hlim viau a ni. Chuvangin, kan Police te kan ring tawk a, vawiin ah hian theihtawpin hna an thawk mek a, an thawk zel dawn bawk a ni tih kha kan sawi duh a ni. Ka lawm e.

SPEAKER : Tunah chuan sawiho na kan duhtawk tawh ang a, kan House Leader zahawmtak Pu Lal Thanhawla lo sawm ila, kan sawi hona te tul a tih angin rawn hlawm khawm sela a tha ang e. I lo sawm ang.

Pu LAL THANHAWLA, CHIEF MINISTER : Pu Speaker, Governor Address kan han sawihona ah hian thil pakhat lo lang chu helaia member awm te hi a khawilama thu pawh ni ilangin, neitu rilru pu in engkim mai hi in ti tak in kan ngaihtuah tlangin chumi kan ngaihtuahna ang chu kan sawichhuak tlangpui a ni tih a lang a. responsible tak in kan discuss a ni, lawmawm ka ti khawp mai. Tin, min han duhthawh deuh tawngkamte pawh tawngkam mawi hnai tak kan ngaithla zel a, a lehlam ah te phei chuan fuihna induhthawhna anih rual rualin fuihna pawm nahawm tak a ni hlawm a, lawmawm ka ti khawp mai, chuvangin, lawmthu kan sawi hmasa duh a.

Kan Home Minister in tuna a rawn sawi tak mai Law and Order chungchangah hian hemi change incident hi chu ven theih ani lova, pen theih a ni lova, rape kan tih angte hi khawiah nge tuin nge mi a rape dawn tih kha police in a hre lawk miah lovang a, khatiang chite leh ruk ruknate amaherawhchu, chungte pawh chu ven tumin kan police ten theihtawp an chhuah a kan Home Minister kaihhruaina hnuaiyah.

Tin, hel bik chungchang hi Kuki Liberation Organisation (KLO) ah hian Secessionist group panga vel an inti khawm a, chu chu Central Sorkar nen inbiak an duhna a rei tawh a, anni hi terrorist an ni lova chuvangin keipawhin theihtawp ka chhuahpui nghe nghe a Central-ah Prime Minister-ah te leh Sonia Gandhi-ahte leh mi hrang hrangte hnenah tichuan, Manipur Sorkar chuan an hreh hle chungin Central Sorkar khan a tih luih tir ta a, tichuan an in be ta a, tunah hian Suspension of Operation an nei a, chu Suspension of Operation dan hnuaiyah chuan designated camp-ah an awm ang a, an arms an surrender ang a, tichuan inbiakna a kal ang tih a ni a, chu chu an zawm deuh thlap a ni, tichuan, inbiakna hi a kal reng a. Tin, a lehlamah United People's Front (UPF) an tiin ka hria chutah chuan a tenau deuh deuhte pawh an tel a tin ZRA te pawh an tel a, tin, HPC (D) te pawh hi an tel bawk a ni. Chung mite nen pawh chuan tunah hian Suspension of Operation neiin designated camp a lut tur an ni a, an lungawi

lohna inbe tlang tur an ni. Chumi hnuaiia HPC (D) te nena inbiak kan duh a kan lo tum pawh hi inbiak a rem ta rih lo a ni. An grievance kha Central Sorkar a thlen tur anih avang zawkin, tin designated camp a awm tur an ni a, an arms an surrender tur a ni a, amaherawhchu, hmannah khan kan Intelligence Department ten an thuchhuah he Suspension of Operation leh designated camp a luh tur tih hian Halflong bial atanga HPC te, Cachar bialte leh Mizoram te a huam ve lo a ni tih ang deuh kha ngaihndan an siam a, chu chu Home Ministry-ah ka thlen a tun ningani kalta ah khan, annin chutiang a ni thei lo kan Suspension of Operation hian a huam vek a, anni pawh designated camp a awm tur an ni a, chhiahkhawn leh khatiang phei kha chu a thiang lo reng reng a ni chuvangin khatiang chi ho kha chu criminal an ni mai ti khan an classify nghal nghe nghe a ni.

Tin, kan Tuikuk unaute rawn kir tha duh lo underground a silai tha tak tak nei an tihte pawh kha principle nei a, khatiang a ralthuam chelek a thil ti an ni lova anni hi chu Extortionist leh criminal gang ang leka ngaih tur an ni an ti a. Tin, keini pawhin kan ngaimawh thu kan sawi a, kan sipaite, kan police tha tak tak ten an han um pawhin a ral lehlamah an kal zel a, chuvangin kan DGP te kan Chief Secretary te, Assam leh Tripura te, chungho hnenah chuan order ang deuh lehkha thawn ulangin ka ti a tih rawtna ka siam a, tichuan, nimin piah khan an rawn bawhzui nghal a Assam Chief Secretary leh DGP leh keini Chief Secretary leh DGP hnenah chutianga joint regulation ti a chutiang criminal gang anga ngaih theih hova chu action la turin an ti a, Tripura an tih hmaih palh a, chu chu Tripura kha engatinge in rawn telh loh tiin fax in kan um let a an rawn telh leh mai turah ka ngai. Chutiang chuan he ramah hian hel leh Mipui chawkbuai chi, Remna tibuai tur chi anga che reng reng hi an awm kan rem tihloh avangin Central Sorkar puihna te pawh kan zuk la a, kha kha kan Home Minister in a sawifiah tawhna in khulai ah Home Minister nena inbei a han sawi lan kan nihna laiah khan kan tuihnih lawk duh a ni. Kan MLA zahawm takte han sawi kha nia, chutin khatin tia han in hrilhfiyah ngai tehchiam pawh awm hranpa hlawm lo in ka hria a. A then phei chu an hriat thiam lutuk zawk vanga han sawi danglam deuh hlek mai te ni te pawhin a lang a.

Member zahawm tak, Pu Zothansanga khan Venus Bamboo fund chungchang a han sawi kha a lawmawm khawp mai a. Kan han luh hlim khan kan han ngaihven vat a, a hmingthan em avangin, chutihlai chuan a Bamboo lampang, a mau lampang khawihna aiin Thing lampang kha khawihna kha a lo tam zawk a. A thing pawh a lo tam zawk a. Taiwan a hei tunlaiin Mau chei lam leh mau hmanga thil siam lamah chuan China khi an hmingthang deuh bera. Chumi te technology chu Taiwanese ho in an pek a ni a. Tin, tuna China a thawktu tam ber pawh khi Taiwanese ho an ni a, an company te pawhin an thawh sak a ni.

Chumi avanga China hian Bamboo lamah khian a thingtlang ah pawh economic revolution siam deuhthaw an ni a. Chumi avang China hian tunlai tak hian a tibuai lo ni te pawhin al ang nghe nghe a. Chutiang chu a ni a. Helai sawi tur chi anih leh nihloh ka hre chiah lo, engpawhnise Taiwanese ho chu an lokal a, India ramah an Trade Commissioner hovin khungte khu an zuk en a, an phur khawp mai a. Kan Sorkar hmasa atanga an lo tih kha khawl lampang chu a tha khawp a an ti a. Chu chu a tuihnihna han siam tan tur,

a tul ang ang te siamtha in tunah chuan thing tel lovin mau ringawt nghaisakna kan siam ta a. Hmanni lawkah khan kan zuk tlawh a, an ti chhin a, a tha viau nghe nghe a. Working capital an neih loh avangin, cheng vaibelchhe 1 leh nuai 50 vel min pek chuan kan tan thei ang an ti a. Chu chu kan pe tawh a. An tan tawh turah ka ngai a ni. Chuvangin, thing siamna plant ni lovin, bamboo plant a ni tih kha ka'n sawi duh a ni.

Tin, NLUP hi sawi a hlawh a, a lawmawm khawp mai a, kum 2 vel kan khawtlai viau khan a dawng lo tur ho khan an nghakhlel em em mai a. A dawng lo tur tih in hre reng pawh in an nghahhlel viau hi chuan thil tha tak ni turah ka'n ngai phawt a. Chanchinbu ah te khan a dawng lo tur thah khan an han ziaak a. A dawng tur ho Zokhaw lam ami ho kha chu an ngawi hmak mai a. Kha ringawt pawh kha thil lawmawm tham an ni phawt a. Tin, kan tlaina chhan hi tuna kan member zahawm tak Dr. R. Lalthangliana sawi kha a ni chiah chiah a ni. An thinlung buatsaih bawk a, an dawnthleng siam that sak bawk kha kan duh a. Tin, kan Apex Board ah hian Kohhran hrang hrang hruaitu te, pawimawh tak tak, mi zahawm tak tak te an tel ve a. Kan han khawtlaina chhan te pawh hi tha an tih ve tho avangin keini pawhin an rilru buatsaih sak, sem leh dawn ringawt inkara cheng hi an tam khawpin ka hria a. Chulai chu siam that hmasak a, kan hlawhtlin zakhuana tur atan tih kan hotute rilru ah a awm avangin sem har kan ni. Tin, a tih dan tur hi chu Sorkar ang chuan kan duang uluk khawp a, a ground level-ah hian kan va control loh chinte a awm ve a. Kan hotuten an duh uluk hle a ni.

SPEAKER : Kan hun a tawp a. Engtingge kan han chawl lawk dawn nge ni a ? Kan chhunzawm dawn ? Aw kan chhunzawm ang.

Pu LAL THANHAWLA, CHIEF MINISTER : Tichuan Pu Speaker, tunah hian bul kan tan chho a, theihpatawpa tih that kan hotute chuan an tum khawp mai, village level ah a ni emaw, Dist. Level ah a ni emaw, a selection te pawh chutiang zelin baseline survey te, tin chulovah.

Pu B.LALTHLENGLIANA : Pu Speaker, khawngaih lawkin Flagship policy ania, tha kan ti lo thei tawh lo a, a trade thlan danah hian Nalzawlah te hian Fishery thlang te kha Sericulture ah an dah tlat mai a. Khamite chhungkua kha pangang hlau chhungkua an ni bawk si a, engtin nge maw a puiltlin ang le? A puiltlin kan duh anih chuan an tuina trade thlantir kha a theih lawm ni? Tin, Ratu biala an han tih hmasak khan, Pu Pianmawia bialah khan mistiri, carpentry thlang te kha, hmunphiahah an nawr liam vek maia, driver te pawh taxi ka lei ang a tia, motor khalha chhungkaw chawm tum kha, hmunphiahah an nawr liam vek mai, khatiang chi kha chu, en uluk deuh a va tha ve kan tia nih chu.

Pu LAL THANHAWLA, CHIEF MINISTER : Pu Speaker, taxi lehlampang kha NLUP chetna ah hian a tel lova, phawt mai a. Tin, khami dawngtupa kha chhuhsak

leh tlak a nia, an chhuhsak em aw, ka hre lo a, khapa kha chuan engpawh thlang sela, a hlawhtlinpui dawn lo tih kha, a mentality a rawn phawrh lan atang khan. T.V ah khan kan lo hmu a, a chiang khawpin ka hria. Chhuhsak leh a tha ang ka ti a, an chhuhsak leh sak loh kha chu ka enzui ta lo a. Line Department pariat a awm a, chung Department te chuan an Department theuh chhunga, trade thlang tute kha, chet pawh kan ti che lova, keini chuan activities kan ti nghe nghe a, khami thlangtute kha an hlawhtlin hlenna tur atan, anmahni an hlawhtlin theihna tur atan, helaia an Department officer te pawh kha train hmasak phawt niin, tichuan Village level ah an train leh a, tin, a beneficiary te pawh kha tunah hian an train leh hlawm a ni. Amaherawh chu thil hi dik thlap a harsa khawp mai a, nichina kan member zahawm takin helaiaah Governor in para 2 naah Governments' commitment a ti a, to provide efficient, responsive, fair and just administration tihah khan a commitment a kha a ni a. Kan thiltih zawng zawng hi mihring sawisel bo fel famkim kan ni a, a dik vek e kan ti hranpa lo a kan tum thu a sawina mai a ni. Tiang khan diklo zeuh zeuh chu a awm lo thei lo a. Tin, rilru pawh hi kan lo la siamthat sak hman lo a ni tih chu a chiang a. Hei Thenzawl to Serchhip bial Buangpui ah pawh sawn Fisheries ho khanin an sem hmasa a an pawisa kha. Fish Pond nei lo leh fishery siamna tur neilo pawh khan a dawng hmasa nih an duh avang khan chhungkaw engemawzat khan an lo thlang chawp a, an lo dawng ve leh ringawt mai a ni. Khatiang ho kha enbik tur leh enzui tur tam tak an awm nghe nghe a ni.

Tin, tunhma khan, "in vau" min ti thin a, vau ni lo in an hlawhtlin kan duhpui avangin anihna tur takah an hman loh chuan an rulh leh te pawh a ngai ang a, an tan hial te pawh a ngai palh ang tih a hlauhawm a ni tih kan sawi thin a. Chu chu a danah pawh khan a awm a ni. Chung chu kan han sawi uarna chhan thin deuh a chu hei kan Agriculture Minister hian thangthar lehkhathiam hna nei lote pawhin lo lama thawh loh nan leilehna Tractor-te, Power Tiller te heavily subsidise 75% in a pe hlawm a ni. Chuta a dawngtute kha intiamkamna awm vek chungin Bagha ah te, Lailapur ah te lo zuk hralh leh talh kha pali panga lai an awm a. Chungcho chu dan anga man a tan tir an ngai a leirem rahtir tum nan khaweng hmuhtir tum na na na man a, han tantir leh lailawk ngai te hi thil hreawm tak thil vanduaithlak tak a ni. Khatiang kha NLUP ah tawn leh theih a nih avangin kan tawn loh theihna turin kan hotuten theihtawp an chhuah tak zet a. Kan Sorkar hnathawkte pawh hi an tui em em a keini aia tui zawk mah mah ni te in a hriat a. Chutiang chuan beneficiaries te pawh hi tunthleng hian hmun thenkhatah chuan an la train ngat ngat a ni, khami avang khan a fel famkin vek e ka tihna a ni lo, a fello keini pawna kan hriat theih a awm a ni.

Tin, a coverage a thlan chungchangah pawh hian party party tih nilo se kan ti a ni. Chungte avang chuan Official te an tel teuh a ni. Amaherawhchu ka va thunun theih loh chin hi a awm thin a, engpawhnise ringtute kan ni a Bible-te an lo tlawhchhan ve deuh pawh a niang huan neitu thawkrim chuan a rah pawh ei hmasa rawh se tih te an lo changthlan ve te pawh a ni ang a, khatiang chi kha a awm nual ang tih chu ka ringhlel lova. Chuti chungin kan theih chin chinah chuan hei Congress policy a ni tawh lo a Sorkar Flagship programme a ni a. Chuvangin tute pawh a huap tur a ni.

Tin, chhungkaw 120000 zet cover tur a ni a sumin a daih a. Chuvangin a kum leh zelah kum hnih kum thum la sem tur a ni a. Chumi hunah erawh chuan an

changkim vek ang tih erawh hi chu ka ring a. Tin, chhungkaw nuai khat leh singnih tuna an han thlan lailawk piahlah pawh khan a sing tel hi a la daihin ka ring a. Tin, la dam tur pawh an awmin ka ring a, hmaih palh te pawh an awm theiin ka ring a. Chuvangin, khalaiah kha chuan a cover zo vek ang tih hi beisei ilangin. Vawi khatah a tih vek theih loh va, monitoring te tih a ngai a, tun aia uluk kan tum avangin a coverage pawh hi vawi khatah a sumin daih mahsela tih vek loh hi kan hotute tih dan a ni. Chu chu a tlangpuiin NLUP kan hotuten an kalpui dan a ni a.

Tin, chulo leh chu a component hi a tam mai tih hi hria ilangin. Khami YMA te pawh thingpui lumna an lo pe anih pawhin a sum khan a daih tlat Pu Speaker. Tin, infrastructure component te hi a vaibelchhe tel a vaibelchhe tel a awm ve a. Chuvangin, Motor te pawh hi lei loh theih loh, a monitoring tih nan te, entirnan social Audit te ti dawn ta ila NGO te han ruai duh dawn ta ila, chungte pawh chu conveyance pek an la ngai dawn a, chuvangin motor hi kan lei teuh lovang tih pawh a sawi theih loh. Tunah hian District tina D.C. te hnenah hian a Officer ten NLUP lama hna an thawhna lamah hian an hman zung zung theihna turin pakhat theuh kan pe mek a. Tin, chumi piahlah chuan line department te khan motor an lo indaih lo thei Department 8 te ang khan engemawzat kan pe lo thei lo a ni. Chutiang chuan khami component a awm ve tho tho a ni. Chutiang zelin khawiah emaw Cluster farming te lo awm ta sela khami atan khan road infrastructure kawng sial sakna tur te kha a awm vek avangin kan member te pawhin engemaw motor NLUP in bel vu anih pawhin miretheite chanai emaw a dawngtu tur te chanai a kal ta chuang lova India Sorkar in a rawn provide sa vek a ni tih hi in lo hriat atan ka rawn sawi lang duh a ni.

Tin, Plan fund leh fund loh ah hian kan buai chiam lova a chalai lo tur te hi an lo buai zawk a a pawi ka ti khawp mai. India Sorkar in special packaged a min pek a ni. Amaherawhchu, India Sorkar in an finance kalphungah an nei a, plan chhungah a lut vek tur a ni tih a ni. Arunachal hmun dangte pawh special packaged Prime Minister ngeiin a pe a hmuna a kalin khang zawng zawng kha an plan ah a tel chho ta vek a ni. Chutiang chu anih avangin keini pawhin kan sawiin chutiang chuan min hrihfhiah a, chuvangin kan planah khan NLUP tur kha tun tum fiscal ah hian vbc 240 min dah sak a kan plan chhungah, tun tumah pawh hian engemawzat chu a hranpa in NLUP atana special package kha kan planah hian thun tel a ni leh dawn a ni. Chuvangin helaiah hi chuan kan buai lova NLUP sum kan lak theihna tur atana a awm hi keini hi chuan kan duhtawk mai a ni tih hi min lo hriatpui atan ka'n sawi duh a ni. Chu chu a tlangpuiin NLUP chungchangah chuan a ni.

Pu LALDUHOMA : Pu Speaker, khawngaihni ka duh angin a la chiang tawk lo deuh hlek a. Hei, bang chhak sahthlak a, bang thlanga bel tih te leh Plan sum sawhhek tih te kha mipuia thu inchuh a ni a. Hmanah khan hetah ka sawi tawh a. Hemi Special package hi kan Plan ah hian thun theih ni sela, chu chuan kan Plan size a tilian

ang a, kum dang zelah pawh kan chhawr zawk dawn lawm ni? A theih chuan hei hi ka rawt nghe nghe zawk a. A size a zawk kha, Mizoram Plan sum ei hekin NLUP sum hi a awm zawk nge, Plan ah a lo lut emaw lut lo emaw, a lut a nih pawhin a source zawk kha Special package a nih chuan a ei hek leh hek loh lai kha chiang leh zuala han clarify nise ka duh a.

Tin, kalpelh tawh hnu a ni deuh nain hemi hel leh engngemaw tuna han tih ang chiah khan joint operation neih kha a tha a. Khami bakah khan hemi kan thenawm state te nen hian anni police te pawhin laklawhah mi um te pawh an lo duh thei a, inhriatthiamna neiin kan state boundary cross a, in tih phalsakna hi Agreement te pawh a neih pui theih lawm ni ?

Pu LAL THANHAWLA, CHIEF MINISTER : Pu Speaker, chu chu kan hun hmasa pawh khan kan nei a. Reciprocal Arrangement a awm a. Chuvangin kan Police te khan khutah Dimapurah te pawh khan an mi duhzawng te kha chu an zu man nalh nalh thei a ni. HPC zinga mi te pawh kha. Chutiang chuan tunah pawh hian in kal chu a in kal pawh theih a. Amaherawhchu mi ramah khan keimahni ram chung ang khan an ngampa thei lo ve a tihna mai niin ka hria a, Kan Home Minister khan khami Reciprocal arrangement kha chu kan nei, tunah hian nichina kan sawi tak ang khan a chian leh zualna tur atan chuan hetiang a kan mipuite hnena harsatna siam reng ho hi kan zuk sawifiah a ni, anni khan an lo hrethiam khawp a, lehkha pahnih a lo kal a, lehkha pakhatat phei chuan stature bik te pawisa khawn political pawh neilo extortionist ho te phei hi chu dim miah loh tur tih lehkha kha a hranpa kan hmu nghe nghe a, chuvangin Anti social ho kan dealna atan chuan hei hi chu kan tangkaipui khawp dawnin ka ring a, kan police te pawhin an phur phah khawpin ka ring.

Tin, Mega Food Park tih kha chu Pu Speaker kan luh hlim deuh thaw atanga, food processing Minister in a min pek a ni a, amaherawhchu DPR zawk hi kan Sorkar hian a peih hlei thei lova, chuvanga harsatna tawk chho ta kha kan ni a, kan tih theih zawk abetoir te kha min pe nghal a, engpawhnisela, zep thu a cheng lova, DPR tha tak convincing tak inquiry lo kal tawh lo tawp tur ang han siam nghal thuai hi kan Sorkar ah hian kan la thiam chianguang lova. Chuvangin a fees nei deuh pawh nise Ministry tin khuan in rin theih sa Consultancy Firm te an neih vek avangin chungte pawh chu rin nisela, hemi kut tling lova pawisa an lo in pe a nih chuan thu dang nise lang, keini in kan la ve lo va kan tel ve a nih chuan a pawh hlei nem tih te pawh hi kan ngaihtuah rilru a ni, chuti a nih loh chuan Solar City min pekna tur te a kum kum a ni tawh a, tun thleng hian a DPR hi kan la peih tak tak thei lova, chuvangin thil tha tam tak kan chan lohna turin a DPR siam thiam Consultancy Firm dik tak zawk te hi a fee a awm deuh anih pawhin hmang zung zung tawh ila tih hi tunah hian kan Sorkar thutlukna a ni.

Tin, NLUP chungchang kha han sawi leh ila tuna kan current fiscal ah pawh hian NLUP component kha plan sumah hian a awm dawn a ni, a zat chiah kha khu lam atangin an la rawn ti chiang lova. Khami a chian hnu ah khan a zat chiah kan hre thei ang a, engpawhnisela, plan chhungah khan a awm a, chuvangin

plan sum hi NLUP atan naia sen khat pawh ei hek a ni lo Pu Speaker, tin thiang pawh kan ti lo keini pawh in. NLUP atan a min pek piah lamah hian plan fund hi naia sen khat pawh kan Sorkar in a hmang lo. Chu chu Zoram mipuite hriatah pawh ka puang duh a ni, tlem zawk a chuti anih chuan NLUP kha fund-ah rawn khung ta sela kumina kan plan fund punna kha engzatnge ni dawn tih kha min hrilhfiah thei em leh (.....interrupt) Pu Speaker, nikum hmasa aia a punna kha cheng vaibelchhia 250 a ni, ka tihna a nih chu, chumi a punna ai khan tunah hian a tlem hret leh ta si a khalai kha plan fund atanga NLUP pek anih leh dawn si chuan Pu Speaker, a pun tlem leh tlem loh hi a la hriat chiah lova tunah hi chuan, amaherawhchu NLUP-ah engzatnge kan dil ang engzatnge an rawn dah dawn a tlem deuh zawk mai thei engpawhnisela, Pu Speaker, a tlem leh tamah hian kan buai vak lova, a chhan chu kan resource mobilization atanga calculate a inpek a ni. Tunah hian thlau ta hle se kan plan fund a hi 2000 pawh nisela leh khatiang lampanga a puk kha a tam chuan kan State finance hian a tuar nasa tih kha, chuvangin plan fund pawngpaw tam thur hi kan thahnemngaihna lam a ni ve lova kan hman theih tur chin hi chu pung se kan duh a, chutiang zawk chu kan kalphung chu a ni.

Tin, tun kumah hian kan resource mobilization hian a phak lo hrim hrim a vaibelchhe za tal rawn tlin rawh u min tih pawhin kan tlin phak lova 67 vel a sawh theihna zawng zawng kan han sawh pawh khan kan ti thei chauh a ni, chuvangin kan resource mobilization hian Plan Fund pung thur thur tur hian a cho lo hrim hrim a chungte avang pawh chuan Mizo ang pawh hian kan thawhchhuah tihpun dan pawh hi ngaihtuah pawh a tul kan ti viau va, chuvangin tax te pawh hi MNF hun laiah te pawh khan resource mobilization in a phak loh avangin resource in rawn ti pung tur a ni an ti ni ngei tur a ni a chuvangin tax te pawh kha tam taka pung tura rawtna kha a rawn awm a. Kha kha sawiho a tih tlem leh ngai khawpin a rawn pung anih kha. Khatiang kha a nih chhoh leh zel avangin Plan Fund a rawn pun vak turna atan hian keimahni resource in a zir ve te pawh a ngaih chin a awm avangin, a pawng a puin thahnem kan ngai lova. Tin, pawng pun thur sela a pun dan a zir khan kan leiba kha a pungin a tlem ve leh si avangin a punna lamah hian thahnem kan ngai vak lo. Amaherawh chu kan lawmna erawhchu, additional central assistance ah hian tam tak min rawn tanpui an tum thu min rawn hrilh a.

Tin, Development Infrastructure min rawn tihpui an tum a, tun April thla chhungte pawh hian keimahni Scheme kha thawn thla turin min duh a. Tin, chumi zar chu India hmarchhak State pawhin zo ve se an tih thu min lo hrilh a. Chuvangin khalaiah ringawt pawh kan lawm tawk viau a ni. Tin, hemi han sawi takah chuan nichina State Finance Commission kan tih kha a inhnaih lai hian kan sawi tlang law law ang a. Member zahawm tak Pu Thlenga'n 13th Finance Commission cheng vaibelchhe 125 an recommend hi State Finance Commission in kan neih phawt loh chuan a hman theih dawn lova, chu chu nakinah kan hmang leh thei ang em tih a rawn arrange a kha. State Finance Commission din phawt hi a guideline te zinga pakhat a ni ve chauh a ni. Tin, a dang kha kan la hmang chho thei zel ang em tih chu AG te leh CAG ten min rawn phalsak pui leh min

rawn pawmpui ngai te a awm nual a. Chuvangin, a vaiin kan la thei ang em tih a hriat lova. Tin, State Finance Commission hi lo nei pawh ni ila, khami kha a zawnga za a kan lak theih dan tura chu AG te leh CAG te nena sawiho va, an nina min phal pui leh min remtih pui ngai tur te kha a awm nual a, chuvangin State Finance Commission din hi khami lak chhawanna tur atana condition awm chhun a ni lova. Engemawzat zinga pakhat a ni ve lek a ni tih hi House kan hriattir duh a.

Pu B.LALTHLEGLIANA : Pu Speaker, khawngaihin a hman chungchangah khan State Finance Commission recommendation a ngai tih kha a norm zinga pakhat chauh tihna em ni ?

Pu LAL THANHAWLA, CHIEF MINISTER : Aw, ni e, Pakhat chauh a ni a, State Finance Commission din a tul a ni tih kha pakhat a ni a, tin, a recommendation tih kha pakhat a ni a. CAG te, AG tena pawmpui ngai chin pawh kha pakhat a ni a. A nature atang khan chutiang chu a ni. Tin, Finance Commission Act 2010 kan pass hun tur kha a rawn sawi tawh a, amaherawhchu kan Gazette kha nikum November ni 18 kha a ni a. Chuti anih chuan tunah hian thla 5 emaw awrh a ni tihna a ni. Tin, a dan pangngaiyah chuan ‘Sorkar in kumkhat chungin State Finance Commission a din ang’ tih a ni a. chuti anih chuan thla 7 vel kan la nei a. Tin, State Finance Commission din hi thil namai a ni lova, mithiam bik chungchuang Public Finance te, Public Administration te, khatiang thiam kha a ngai a ni. Chuvangin, khang kha zawn uluk a ngai phawt a, Tin, chumi hma chuan an salary tur te an dinhmun khatiang an pass tur te, khatiang ang zawng zawng kha Sorkar hian kan lo neihsa vek a ngai phawt a, chuvangin tunah hian kan Sorkar hian ngun takin kan neih thuai theihna tur atan a ngaihtuah a, tin, sum tamtak a ngaih dawn avangin chung ang te pawh chu ngaihtuah lawk a ngai zel bawh a ni.

SPEAKER : I la din laiin ka pu, State Finance Commission-te kha MPSC-te anga body nghet char char hi an ni lo a ni lawm ni ? Hemi a Planning Commission-te leh Finance Commission te hi kan ngaih fin fo thin a ni lo maw ? Finance Commission hi chu engemaw pawimawh bik, hun remchang, tawite emaw atan a body a ni deuh lo maw ?

Pu LAL THANHAWLA, CHIEF MINISTER : Central Finance Body hi chu constitutional body a ni.

SPEAKER : Chu chu tuna State Finance Commission pawh hi chutiang tur chu a ni.

Pu LAL THANHAWLA, CHIEF MINISTER : Constitutional chiah a ni tho in ka hria a. A chhan chu a dan te hi keimahni siam a nih tlat a vangin. Chuvangin, hei hi chu Statutory Body pangngai a niin ka hria. Chutiang chu a ni a.

Tin, India rama State zingah hian State 9 chauhin Finance Commission hi an la nei a. North East ah chuan Assam chauh in a la nei. Pu Speaker, chu chu a dinhmun tlangpui a ni. Detail a sawi tur a awm nual a, amaherawhchu, kha kha a dinhmun tlangpui chu niin ka hria a. Tin State chhunga Public Finance leh khatiang zawng zawng kha an ngaihtuah tur a ni a. Municipal Council chauh a nilova State Finance Commission kan zuk tih hian, Heath Local Bodies chi hrang hrang Village Council kan han tih te, Autonomous District Council-te pawh an tel ang a. Tin, India hmarchhakah hian State Finance Commission Assam chuan an neih nachhan hi, a dang hi chuan Panchayat Raj system kan hman loh avangte pawhin an ngai pawimawh lo deuh te pawh a ni mai thei. Engpawhnise, keini chuan neih ve tha tihna hi a tlangpuiin a tam ni a a lan avangin, nei turin kan in puahchah a, kumkhat chhung tih khan kumkhat kha kan nghak ngawr ngawr a nilova ngaihtuah uluk a ngaih em avangin kan hotuten a ngaihtuah dan an ngaihtuah a, anmahni salaries turte establishment chungchang thute khang zawng zawng kha workout tur a awm avangin duh angin a tlan zung zung thei lova .Tin chutih chhungin kumkhat chhung tura tih kha thla 5 vel chu a la ni. (SPEAKER: Ka la hmin chiah chuang loh na a la awm tunah 12 finance commision, 13 finance a awm a ni.chuvangin Mizoram - ah pawh kan din dawn a nih pawhin , 1st Mizoram State Finance Commission a ni dawn lawmni) khalai kha ka la examine lo, State Finance Commision tih laiah khan kan lo bur deuha, permanent body a ni ang.

Pu LALDUHOMA : Municipal Act ah Khan a in ziak a, kumhnih atan a ni lekin ka hria. Khulam Central Finance Commission ang lo khan, tul bik atan a din tur ni awm tak ania, amaherawhchu tul tihna thinlung nen, a din hun tur nen kan in phuar bur tawh mai a Commission reng reng hi sum a hek, chuvang chuan kan Sorkar hian han study zui sela, khatia kumkhat chhunga din ngei ngei tur han tih burte pawh kha din lo mi state te pawh an awm thei a nih chuan tha lo te pawh kan lo ti thei a , amendment kan rawn put luh ve leh mai te pawh kha tha in ka hria)

Pu LAL THANHAWLA, CHIEF MINISTER : Thil lawmawm tak niin ka hria. Tunah hian public rilruah chuan nei ngei ngei tura in ngaihna rilru a awm a. Municipal Council kan neih hnu ngat pheih hi chuan State Finance Commission hi a awm ngei ngei tur a ni tih ngaihdan hi Chanchin buah te an han ziak ahte pawh hian a awm a ni. Inti hre deuh deuh hre zik tluak mang si lo, thiam inti thiam ziktluak mang si lo, mipui rilru tibuai tawh lek chauh a Chanchinbu a ziah ching hi an tam a. Engemaw zawng takin Pu Lalduhoma rawtna kha chu rawtna awm tak rawtna puitling tak a ni a, ngaihtuah zui chi pawh a ni a. Kan hotute pawhin an lo ngaihtuah ang a (interruption Speaker)

Pu K.LIANTLINGA : Pu Speaker, i zawnha kha a hre thelh ami chu aw ka ti deuh a. Permanent body ni lo turin a Act in a sawi ang khanin State Finance Commission kha din anih chuan kum 1 emaw kum 2 emaw an thawh chhungin, 5th Year Plan chhunga pawisa tur, Mizoram pawisa lut zawng zawng kha Revenue source atangte

khan District Council leh Municipal te leh Village Council te tana sem tura ruat kha a ni a. Khami an zawh kha chuan kum 5 atan siam mahsela, kum 2 chhung pawh kha plan an zawh chuan, anni kha chu khatia permanent body anga kum 5 awm tur angin a lang lo in ka hria. Chu chu i zawhna kha ti zawng khanin a ni em tih kha kan sawi duh a ni.

SPEAKER : Ti zawng deuh kha ka zawhna a ni a. MPSC te hi chu heti hian a kal ta zel a, a kal ta zel a ni. Chuan Election Commission pawh a kal ta zel a ni. Mahse Finance Commission hi chu a kal zel lo a ni lawm ni tih kha ka zawt ve a ni.

Pu LAL THANHAWLA, CHIEF MINISTER : Hei hi maw helaia an ziah dan chu Pu Speaker, State Finance Commission is a Constitutional Body of experts on Public finance and public administration appointed by each State Government at regular intervals of 5 years under article 243 (1) of the constitution of India to review and revise the financial position of Panchayat Raj. Institutions and Urban Local Governments tih a ni a, Kan sawi ang chiah kha a ni ta a, article 243(1) of the Constitution prescribes that the Governor of the State shall as soon as may be within one year from the commencement of the constitution 73rd Amendment Act 1992 and thereafter at the expiration of every 5th year constitute a Finance commission to review the financial position of Panchayats and to make recommendations to the Governor as distribution between the state and the panchayats and such and such tih a ni a, kha kha a awm dan chu a ni ta a, chuvangin, permanent body a ni lo. Tin, state khan an duh leh duh loh in a constitute ang. Hengte avang hian tih kha a ni a. Tin, SIGMU-te, Indian Finance Commission pawh hi an hna an zawh tawh hi chuan an wind up leh mai a, a hran kha an din leh mai a. Chutiang tur chi chu a ni.

Tin, Education hi a pawimawh khawp a ni. Reform Commission te kan Education Ministerin a din a. An recommendation hi India ram pumpuih an hlutsak khawp mai a. Tin, hlutsak tur chi pawh a lo nihna chhan chu India ram Education Reform Commission pahnhna a lo ni a, pakhatna chu 1964 ah Central in a din a, chumi dawta awm leh chu State ah a ni emaw, Central ah a ni emaw, Mizoram a Education Reform Commission hi a lo ni a. Chuvang chuan mi pawhin an ngaihsak khawp a an recommendation hmu tawh chuan tha an la ti deuh vek a ni. Chu chu a ni a, chuvangin a implementation atan pawh hian a hranpain Planning Commission ah pawh pawisa kan sawi a, a zavaia kan mamawh tur hi vaibelchhe 500 vel ni tasela kumin ah hian 52 emaw 72 emaw pawh min pek chuan, kal theihna chin kan nei ang kan ti a.

Tin, zirtirtu chungchang hi kan zavai hian kan ngaihtuah tlan a thain ka hria a, hei hi kan ram kan hnam problem a ni. Student teacher ratio hi 1: 40 average a nih laiin keini chu tunah ah hian 1: 11 vel kan ni a. Chuti chung chuan thingtlangah kan indaihlo a ni, hei hi zahthlak tak a ni. Aizawl a in transfer lut tura rawn dil reng reng hi chu kan han ngaihsak lo tawp phawt mai a, mahse in sawipui hnam kan ni a, in ngaihsak loh theih loh te a lo awm ve leh a, chuvangin tunah hian Aizawl atanga kan sawnchhuah tur, sawnchhuah tul ho hi in sawipui miahlo ila. Aizawl ah hman sen loh an awm a, thingtlangah kan indaih si lova, nichina member zahawmtak thusawi kha a dik vek a ni.

Chuvangin kan tan tlanna tur chi niin ka hria a Pu Speaker. Tin thingtlang tenure hi kum hnih emaw kum thum emaw ti ila, kha mi an term a zawh kha chuan khawpuiah pawh an tan tih lehna chance tha tak an nei a ni, tih ang chi khan dan kha siam tha ila. Tin, member zawng zawng hi kan tanrual phawt chuan kan ti thei ang a, zirtirtu indaihlo hi a awm tawh lo ang a. 1:11 lek 1:40 a nih laia lakbelh ngai nih te hi a zahthlak a ni. Chutiang chu kan dinhmun a ni.

Pu LALTHANSANGA : Pu Speaker, ka bial Lungkawlh ah sawn Middle School Hindi Teacher an dah a. February thla ah a zawm a, Thingsulthliah ah an transfer leh ringawt mai a. A mak hle a ni.

Pu LAL THANHAWLA, CHIEF MINISTER : Zep thu a cheng lova, thei fal deuh hi an awm thin a ni. Tin, sawipuitu nei tha hi an awm ve leh a, khangte chu Minister, Sorkar leh authority tan pawh khan tih ngaihna teh chiam a awm hran pa lo a ni.

Pu C. RAMHLUNA : Pu Speaker, House Leader a din lai khan, Education Reforms Commission kha, eng tia tih chi nge ? A pawm a han pawm tur chi nge? An submit ta a recommendation a kha. Kha kha Sorkar khan a lo pawm mai dawn nge ?

Pu LAL THANHAWLA, CHIEF MINISTER : Pu Speaker, Education Reforms Commission kha, 'in principle' in Sorkar in a pawm tawh a. Tin, chumi chhunga keimahni a relevant bakah tlema hmanhmawh zual, han reform nan hmanhmawh zual ni awm tak, ngaihtuatu tur Expert Committee Minister in a din a. chumite chuan report an rawn theh lut tawh a. chumi atanga calculate chuan kum 5 chhungin vaibelchhia 700 a implement nan kan mamawh dawnin ka hria a. Tin, tun current Fiscal atan hian a hranpa in min pe thei lawm ni kan ti a, mahse, a hranpa in min pe thei dawn lo niin a lang a, engpawhnisela, vaibelchhe 50 atangin 70 te kan neih theih chuan bul tha takin kan tan thei ang e kan ti a chu chu kan beisei leh a awmdan a ni e.

Ethics Committee an rawn sawi chhuak a a lawmawm hle a, Ethics Committee hi kan hotuten rilru tha taka Sorkar corruption atang ten kut tling lova sum luh atang ten tu tute emaw Minister ni lem lo pawh Sorkar Officer a Secretary lam ten Department atanga pawisa tham chingte, heng zawng zawngte a lo tawp nan te leh Sorkar pawhin kalphung tha zawkte, a tul ang anga min advise tur leh Chief Minister leh a Cabinet Minister te pawh kut tling lova sum lak luh awm thei, chungte pawh chu a tul ang ang a hailanga, dan hnuai hruai lut thei tura ngaih an ni a, terms of reference te pawh vawihnih vawi thum kan sawi hova, agreement te pawh kan nei tawh a. Amaherawhchu, Chairman khan gazette notification kha a lo nghak a, keini gazette notify neih tur anih pawh kan lo hre chiah lova, tin, an zingah hian politician pakhat kan hotuten an lo dah ve palh a, chu chu a bang ta a ni awm e. Khami a bana, chanchinbua a rawn ziah atang khan Member dang kha chuan an bang a ni awm e tih kha an hre chauh a ni. Pastor, Kohhran hrang hrang

atanga lak an awmkhawm a, chungho pawh chu an bang a nih leh nih loh kha min rawn zawt a ka pisa ah, 'in ban ka hre hleinem' ka ti a anni pawhin an ban kha an lo hre chiah lova, chanchinbuah khan an bang tih kha an lo hmu ve a, mak pawh an ti hle a. An hmuh ve khan mak an ti a, a barakhaih a chu chu a awmdan a ni mai, a bak han sawi fiah dan pawh ka hre lova. Keini kan hotute khan kal zel turin an duh a, a term a kha anni chuan 2 years term an ti a, keini lamin co-terminus ni se a tha ang a kan intention te nen a in hmeh ang a tiin ngaihtuahna kan nei a, chulaite chu kan la final kher lo nge ka hre lova. Tiang chuan a thahnemngai zual khan chanchinbuah an ban thu kha an rawn chhuah a, mahse member dangho kha chuan an bang tih pawh an hre lo, a bikin Kohhran hruaitu leh YMA aiawh te leh MHIP aiawh te phei kha chuan. Chungho zawng zawng chu ka pisa ah an lo leng a, an bang anih leh nih loh min rawn zawt a keiin ka hre bawk si lova, chu chu a awm dan a ni a. Anni pawhin tha an ti a kan hotute tumna te, chuvangin din tha leh turin min ti a kan din tha leh dawn mek a ni. Kan hotuten politician-te telna tur chi niin an ngaih loh avangin an tel tawh lo turah kan ngai ngawt mai a ni. Terms and Reference pawh duan fel sa vek a ni a Gazette theih mai pawh a ni e.

Tin, Chairman leh Secretary tur pawh keimahni Sorkar lam atanga ruat lovin anmahnin in thlan an duh thu kan hotute an hrih nghe nghe a, chutiang tur chuan an buatsaih leh mek a ni. Ethics Committee tunlai sawi hlawh tak thenkhatin sawi nuam an tih tak a chanchin kimchang dik thei ang ber chu a ni. Tin, Chairman pawh khan a bang tih tak chu a lo in hre lo niawm tak ani, an in hmuhkhawm ni khan kan inhmuhkhawm lai khan. Tin, keini ho te nen pawh inhmukhawm inhmukhawm turah pawh kan ngai lova. Chuvangin, Chief Minister office hi in duh hun hunah in hmang ang a, a tul ang angah ei leh in te tum sak in ni ang a, in committee na tur room pawh ruahman a ni ang a. Tin, in committee ni chuan DA te pawh ngaihtuah a ni ang a. Tin, social audit te in tih duh ni khua pawhin Sorkarin motor a provide ang che u tiin chutiang thlenga insawirem thlap kha kan ni a. Tiang khan a lo awm ta a. Pawi kan ti khawp a. Amaherawhchu a thar, a aia tha zawk, changlung zawk din dan pawh kan hotuten an ngaihtuah mek a ni. Pu Speaker, han sawi tur chu a awm nual nain kan hotute rawn sawi dan hmangah khan a lawmawm lam hlira an rawn sawi avangin han sawi zel pawh chance tha tak ni mahsela a tulin ka hre lova.

Hei MR chawnghei tih kha rawn sawi rik zuk a awm a. MR chawngheite pawh hi kan hotuten an ngaihtuah lova. Amaherawhchu, an hlawh phut hi North Eastern state zawng zawng te nen an han compare a, kan hotuten kan la tha lawt lak a ni. Chuvangin, a sum nei lo leh a pachhe berin tianga lo tih thur thur kha tul an ti rih lova. Amaherawhchu a tul anga an facilities ang te chu inngaihtuah kha an huam reng a. Chutihlai chuan khatiang khan min ngawihsan ta a, engpawhnisela a tha thei ang ber hi a that avangin a tha thei ang ber hi kan Sorkar hian a duh dan a ni a, chu chu kan hotuten an la ngaihtuah zel ang.

Tin, hlawha lungawilo hi kan tam khawp a, kan ram Sorkar hnathawk zingah hian, tin, thenkhatte phei chu an hlawha lungawilo pawh ni lovin midang hlawhah te hian an va lungawilo ni te pawhin a lang a, chu chu a buaithlak viau a ni, engpawhnisela, Pu

Speaker, kan ramin a mamawh ber chu tute mai pawh hi kan hna theuhah hian tui ila, neitu rilru puin thawk ila ka hlawh leh kan ram tana ka pek let a hi a in phu em ? tih te pawh hi ngaihtuah nachang hria ila, chutiang zawng chuan keimahni chhunga vui leh vainate pawh hi a reh thei a ngem aw ? tih te pawh hi min ngaihtuah tir a, Sorkar hnathawk 50000 tel kan neih laiin hlawh nei reng reng lote pawh hi a nuai tel kan awm a ni tih te pawh hi min hriatpui ve se tih hi ka duh a, chuvangin hlawh ngaihtuah lai hian mahni hna aia mahni hlawha tui zawng ang chi te hi an awm thei ang tih a hlauhawm a, chuvangin chutiang zawng te pawh chuan ngaihtuah turin kan in chah thin a ni. Kan thlakip hlawh hian kan ram kan hnam tan a kan thawh let ve hi a phu kan ti em ? tih te pawh hi kan ngaihtuah tlan a tulin ka hria a, chutiang zawng te pawh chuan kan in fuih ve a ni.

Tin, pawnlam mi an tam lutuk kan ngaimawh hi a tha khawp mai, ngaihawh loh tur chin an awm a, Kan MLA zahawm tak Pu Lalduhoman a rawn sawi kha kei tunlai chu ka vei zawng tak a ni a, waviin ah hian kan zavaia kan vei tlana ka duh chu, tualchhung ram leilung faten kan thawh theih ngawih ngawih, kan thawh peih loh vang te, kan thawh duh loh vang te, thawhna chang kan hriat loh vang te a, chung ang zawng zawng rawn thawk, pawnlam mi hi kan hun hmasa khan kan Finance Minister zahawm tak khan a chhiar a, 'nuai khat leh singnga chu an awm reng a ni' a ti a, tun kum sawm pathum / pali vel hi chuan a tam tawh ka ring a, nuai hnih vel te an awmin ka ring a ni. Chung nuai hnih velin kan ram a an rawn thawh hi tualchhung miten kan thawh theih loh a awm lo in ka hria a, heng zawng zawng hi thawk ve vek ila chuan waviina mikhual nuai hnih vel hi kan ramah hian an awm miahin ka ring lo.

Chungho chuan vai buh hi min rawn eipui ve leh nghal a, chutiang chu kan ni. Chuvangin, khawchhak lam atanga lo chhuk thla, zohnahtlak in ti, ram leilung fa, hun harsat laia pem chhuak lo kir leh te chu nisela member zahawm takin a rawtna ang khan kan ramah an awm kan phal anih pawhin zu chhe mi a mi rawn run, drugs a mi rawn run, tharum pawha mi rawn run tan tawh, ramhnuai kan ro tha tam tak Naubante nen engkimte nena min ruk sak mek, heng ang te hi chu enkawl dan kan ngaihtuah a hun hle tawh a, Sorkar ang pawhin engtia tih tur nge tiin kan ngaihtuah a. Kan han luh hlim khan kan Home Minister nen hian Foreign/International treaty kan neih leh neih loh ngaihtuah miah lovin 'khilamah kan pe chho zel mai ang', kan ti a, mahsela a pek zawng kha chuan an lo pawm duh chuang lova, harsatna tam tak kan tawh a, chuvangin kawng dang tha zawk ngaihtuah a ngai a, heng hi kan ngaihtuah ran loh chuan tualchhung miten harsatna kan tawh chho zel dawn a. Hengho hian kan rama cham bang tur cheng vaibelchhe tel thlakipin min laksak a pawn lama an nupui fanaute an chawm a keinin harsa kan tih laiin.

Tin, chu chauh chu a ni lova, invenna tur kan nei a Manipur atangin kan Mizo hnahtlak pui tam tak an lo lut a Assam ram atangte in, chungte chuan kan thau an sawh duh lai chuan Lusei tawngte keini aiin an thiam zawk a Mizo tawng pawh an thiam zawk a mahse an duh an hmuh hnu chuan ram pawnah chuan Mizo tawng an thiam miah lo Lusei tawng pawn an biak theih loh chutiang chu tam tak tunah hian an awm a ni tih hi ram leilung fate hian kan hriat ka

duh. Tin, chungho chuan bank chhe mi te pawhin min rawn run a, a tirah chuan thlarau thianghlim hmingin min rawn run a Kohhran Upa thenkhatte pawh an hnungkhirh ran a ni, hei hi thudik a ni, chuvangin, heng atangte pawh hian kan tal chhuah a ngai a. Bank chhe mi kum khatah bank pangngaiyah hian interest hi 9% aia sang a awm mang lo loan kan lak nikhua in, amaherawhchu, tunah hian bank chhe mi ho chu kumkhatah 25% te, 30% te a interest a ni chungho chuan an pek theih lohin an mortgage thil kan chhuhsak a.

Vawiinah hian Aizawl khawpuiah ringawt pawh hian ram leilung fa nilo chutianga in hmun kan chan tak hi, lu tihai tham a awm tawh a ni, Pu Speaker, heng zawng zawng hi keini ram leilung fa te hian a bik takin heta thute hian kan vei chuan kan tih reh theih ka ring a. Khutah Tripura atangin tribal ve nial nual Mizo hnahtlak ang te tam tak an lo lut mek a. Chung zingah te chuan hel engzatnge awm ang tih te pawh hi a hriat hleih theih loh a, chutiang chuan kawng tinrengin he hnam hian run kan tawk mek a ni Pu Speaker. Chuvangin heng zawng zawng atanga kan inral rina kan fihlim tlan dan tur hi helaia member zahawm tak thu te hian ngaihtuah ilangin, chutiang chuan ram leilung fa te hian kan vei loh chuan harsatna tam zawk kan tawk palh ang tih te a hlauhawm a. Tin, keimahni khawpui chungah ngei pawh hian ram pawn lam mite hian hmun an nei ang tihte pawh a hlauhawm thei, chung thleng chuan kan ngaihtuah a tulin ka hria. Awle Pu Speaker, kha kha ni mai sela, a tira ka sawi ang khan Member zahawmtak te rawn sawina rilru atang khan neitu rilru pu taka a Sorkar pawh dim dawih taka min duhsak zawkna anga thu an sawi avangin tang deuh et awt a han inchhan thu pawh awmin ka hre lova a lawmawm hle in ka hria a chuvangin memberte chungah lawmthu sawi chungin he motion hi pass mai turin kan sawm duh a. Ka support a, chuvangin he motion hi ka rawn support a ni tih kan sawi duh a ni. Ka lawm e.

SPEAKER : I lo dil nghal mai kha ka'n hlau a, Awle, tunah chuan motion pu lut tu, a mover Pu John Siamkunga sawm ila sawi tur tul a neih chuan rawn sawi sela House ah hian Adopt rawn dil nghal sela a tha a nge. I lo ko ang.

Pu JOHN SIAMKUNGA : Pu Speaker, ka lawm e, helai chhunga ka luh hmain sawlai Hnahtial a thil thleng kan Lunglei West bialtu zahawmtakin a rawn sawichhuah kha tlem han sawifiah deuh ka duh a, Lunglei District-ah sawn NLUP semah khan a sem kim hmasa ber kan ni a, kim hmasa ber ti ila chhumchhia tih loh hi chu kan sem zo vek tawh a. Ni 3 February khan a bawhawk in kan sem a ni.

Hnahtialah sawn mi 700 vel khaw 20 atangin an lo kal khawm a, chumi a kan han semah chuan Lunglei D.C te pawh lokal thla in mikhual pawh an tam hle. Chutah chuan kan hotu tam tak lo kal te khan a pawisa fai in an dawng a. Kan member zahawm tak thusawi kha dawt a ni lo va. Tam tak chuan lo an lo vat zo tawh a ni. An lo neih tur, an trade thlanna lamah an thawh tur ang an pawisa dawn hma khan an lo thawk zo tawh hlawm a. Tin, tam tak te erawh chuan keimahnin kan khawih ang a, kan mamawh si a,

chi seh ilo lei nan pawh kan hmang ang te an ti a. Khami ni-a hralh hnem ber chu hnathawh pheikhawk hi a ni a. Sawng lai dawr velah te pawh ka va kal leh a, an sawi hi a dik em ? helai mobile ringawt hi nge ni a, thil dang hralh te a tam em? tih pawh ka zawt ve a ni. Tah chuan pheikhawk an hralh hnem zia te, tin, mobile pawh an hralh hnem zia te, tunlai chuan necessity a ni tawh a, mobile awm lovin kan awm thei tawh lo va, chuvangin kan hralh hnem khawp mai te pawh an lo ti a. Tin, a nihna diktak tlangpuiah chuan February Ni 3 ah kha chuan lo an lo vat zo tlangpui tawh a sawlai kan bialah chuan. Khami a nih avang khan a vahna sum tur a ni a, kan hmang thiang alawm ti khan chiseh leina atan leh an duh zawng leina atana hmang kha an lo tam ve bawk a ni.

Aw le, Pu Speaker, kan Governor zahawm tak thusawi hi a sawitu member kan thahnem viau a. A sawitu zawng zawngte khan he Sorkar hmachawp te, a hma lo hlen tawh te leh a hma lak mek chungchangte duhthawh takin kan sawi hlawm a. Tin, he Sorkar kallai mek hmalakna ah te kan lawm tlang a, a hmalak leh zelna tur ni awma kan hriatnaah te pawh kan lawm tlangpui niin a hriat a. Kan Governor zahawm tak thusawite pawh hi, duh aain a tlem mang e, chutiangin he Sorkar hian hna a thawk tam tawh si a, chungte pawh telh awm, engatinge telh tur thenkhatte hi telh anih loh a, facts and figures te pawh hi awm teuh tur a awm loh kan ti zawk mah mahin ka hria, chuvangin he kan Governor zahawm tak thusawi hi kan lawm tlang hle niin ka hria a. Chuvangin 6th Mizoram Legislative Assembly, 7th Session a kan Govenor zahawm tak thusawi hi he House zahawm tak ah hian min adopt sak turin ka rawn dil e. Ka lawm e.

SPEAKER : Awle, Governor thusawi chungchanga lawmthu sawina, Motion of thanks chungchang chu tikhan sawifiah ngaite kan sawifiah a. Tin, a Motion mover in a rawn move a, adopt turin House min rawn dil a, tunah buk a ngai dawn emaw, buk ngai tur angin kan han kal leh phawt anga, adopt remti apiangin ‘Remti’ ti rawh ule. Remti lo chuan ‘Remti lo’ ti sela. Remti lo kan awm lova, a lawmawm e. Awle, House in lungrual takin kan Governor thusawi chungchanga lawmthu sawina Motion of Thanks chu kan adopt ta a ni. Vawiin atana kan business chu kan zo ta a, kan chawl tawh ang a. Naktuk ni 24.3.2011 Thursday dar 10:30 ah kan thukhawm leh dawn nia. Sitting is adjourned.